

**Rod. Goclenii, med. D. et mathem. professoris ordin. in Acad. Marpurgensi,
Acroteleution astrologicum, triplex hominum genus circa divinationem ex
astris in scenam producens, falsam[que] astrologiam à vera, rationibus,
exemplis & experimentis distinguens, contra novas criminationes. :
Annexus quo[que] est tractatus integer correctior quàm fuitante Cypriani
Leovitii, mathematici excellentiss. De conjunctionibus magnis, eclipsibus
solaribus & cometis, cum eorundem effectuum historica expositione, ob
exemplarium raritatem rerum[que] & historiarum memorabilium
excellentiam hoc loco dignissimus.**

Contributors

Goclenius, Rudolph, 1572-1621.

Leowitz, Cyprian, 1524-1574. De conjunctionibus magnis insignioribus
superiorum planetarum.

Publication/Creation

Marpurgi [Marburg] : Apud Paulum Egenolphum, MDCXVIII [1618]

Persistent URL

<https://wellcomecollection.org/works/hzkpggz5>

License and attribution

This work has been identified as being free of known restrictions under
copyright law, including all related and neighbouring rights and is being made
available under the Creative Commons, Public Domain Mark.

You can copy, modify, distribute and perform the work, even for commercial
purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

²
ROD. GOCLENII, MED. D. ET
Mathem. Professoris ordin. in Acad.
Marpurgensi.

ACROTELEUTION ASTROLOGICUM,

Triplex hominum genus circa divinationem ex astris in scenam producens, falsamq; Astrologiam à vera, rationibus, exemplis & experimentis distinguens, contra novas criminationes.

Annexus quoq; est tractatus integer correction
quām fuitante


CYPRIANI LEOVITII, MATHEMATICI EX-
cellentiſſ. de conjunctionibus magnis, eclipsibus solaribus & Cometis, cum eo-
rundem effectuum historica expositione, ob exemplarium raritatem,
rerumq; & historiarum memorabilium excellentiam
hoc loco dignissimus.



Dupl

MARPURGI, apud Paulum Egenolphum.

M DC XVIII.





ILLUSTRISSIMO AC CELSIS-
MO PRINCIPI ET DOMINO,

Dn. JOHANNI GEORGIO,

Principi Anhaldino, Comiti Ascaniae, Domino
in Zerbst & Barenburg. &c. Domino suo clementissimo,

R O D. GOCLENIUS, MED. D.,
precatur ineuntis anni, ut & sequentium,
felicitatem summam.




On puto, Illustriſſime Princeps,
fuiſſe ullum ſeculum contumeliarum & invi-
dia feracius, pietatis & ſinceritatis sterilius,
quam hoc noſtrum. Ita enim invidiae plena
ſunt omnia, ut alter in alterius ingenium li-
veat & grassetur impudenter, & ille qui ſcri-
bit, multos ſumat Rhadamanthos, omnemq; ci-
tius literaturam ejurare & nunquam ſtudiuſſe malit, quam ſcripta ſua
multa industria, crebrisq; lucubrationibus parta, tot invidorum con-
tumeliis arietanda exponere, ni Deus Opt. Max. in tantis humanae vi-
tae erroribus, intemerata virtutum, honestarumq; artium Asyla conſti-
tuifſet, Princeps ſcilicet Philomuſos, quorum patrocinio atque favore
candidus fruſig; ſcriptor munitus, tutius contra Sycophantarum inſul-
tationes inſurgere & exire in publicum poſſit: quod etiam me multum
invidorum injuriias formidantem commovit, ut ILLUSTR. T. Cels. que ve-

rum virtutum bonarumq; artium Asylum audit, hoc meum ànegeteū-
 nov reverenter inscriperim atq; dedicarim: certò mihi persuadens, si
 sub Optimi & Literatissimi Principis Serenissimo auspicio in lucem e-
 ruperit, ipsum apud bonos viros laudem haud spernendam, famamq;
 perennem sit adepturum. Et curego hanc de Cels. Tua fiduciam non
 concipiam, cùm omnia ei adsint, quæ ad tutelarem vim quisibi vove-
 re posset? Quod si enim in campum laudum C.T. expatiari velim, cer-
 tè in ipso limine tenuitas mea remoratur, cùm adeò multa & præ-
 clara sint laudum C. T. totiusq; Inclytæ Ascaniæ gentis ornamenta, ut
 nihil ei desit, quod vel à natura, vel à fortuna, vel à virtute sit expeten-
 dum. Si Excelsissima Cels. T. stemmata intueri velim, tantam depre-
 hendo antiquitatem, sublimitatem, & majestatem, ut revereri ea sit
 equius quam commendatione persequi. Si deniq; præclaras animi do-
 tes, quibus C. T. eminet, lustrare gestiam, ita certatim, ita agminatim,
 virtutes C.T. sese ostendent, ut, cui illarum primas jure deferre debeam,
 incertum maneat, & ita silere satius sit, laudesq; tum Cels. T. tum totius
 Prosapiæ Anhaldinæ augustissimas, contemplando admirari, quam
 minus decenter ac splendide de iis quicquam effutire. Hæc, inquam,
 omnia & singula cùm animo per volverem, sèpius ita merapuerunt, ut
 Cels. Tuam aliquaratione pro virili parte devenerandam esse mecum
 concluserim, ut ànegeteūnov meum Astrologicum C. Tuæ nomine præ-
 fulciendum atq; cohonestandum censuerim, ut mihi decretissimum sit,
 Cels. cùm Tuæ, tum totius Generosissimæ Ascaniæ Familiæ, nomen &
 virtutes nullo silentio damnatas, apud omnem posteritatem publico &
 literario monimento deprædicare. In primis verò etiam, Princeps Illu-
 strissime, & alia meratio movit, vel certè par reliquis, vel non infe-
 rior, ut ad Te animum meum converterim, nimirum, quia ex multo-
 rum fide dignissimorum hominum relatu, tum verò maximè Illustris-
 sima Agneta Magdalena, singularis, & ferè supra vires humanas In-
 genii ac exempli Heroina, cognovi, quantus non solum sis Musarum
 cultor & Mecænas, sed etiam quanto desiderio & amore ingenuarum

DEDICATORIA.

§

literarum, (in primis vero Astrologiae, cuius ferè solius cognitio Principem facit inter multos alios eminentem, & admiratione dignum) ducaris, quamq; benevolus sis, humanus & beneficus erga eos, qui in iis excolendis ingenii nervos intendunt. Ut igitur monimentum extaret aliquod publicum gratitudinis illius, quam Vrania cum suis filiabus conjunctissimis, Astronomia & Astrologia, Cels. Tuæ debet, non alienum ab Astrologica & cœlesti honestate ac verecundia esse duxi, hoc æneoastrologicum Illustrissimæ C. T. consecrare, rogans ea quâ decet animi submissione, ut serena id fronte excipere, animo benigno amplecti, & Auctoritatis suæ præsidio tueri clementer dignetur. Ego vi-
cissim ad omnia officia & servitia quoq; loco & tempore, humiliter præstanda, me exhibeo quâm paratissimum. Deus Opt. Max. Cels. T. cum Illustrissima Conjuze & Liberis Generosissimis diutissimè sospitet, Spiritusq; sui S. afflatu roboret, per Iesum Christum Dominum no-
strum, Amen. Marp. An. 1617. VII. Decembr.



In Acroteleution Goclenianum,

R A P H A E L I S E G L I N I I C O N I I,

S. Theol. Doctoris, & Professoris Marpurgensis,

HEXASTICHON.




UREA flammiferi scrutantes sydera cœli
Altius humanis exeruere caput.
Qualis in Acroteleutio, clarissime Doctor
GOCLENI, Veteres vincis, & arte Novos.

Vinciet ergo tuos crines stellata corona,
Inter & Astrologos jure choragus eris.

•S (*) S•





AD LECTOREM CANDIDUM.

NO N existimabit æquus lector, me ostentatione aliqua aut ingenii fiducia adductum hoc à neq; y-nov in publicum emisisse. Sed partim officii mei publici ratio, quod veritati Astrologicae hactenus pro virili à me propugnatæ debeo, partim etiam novæ criminationes, vel potius sinistræ de Astrologia opiniones, quibus verebar, ne studiosorum optimorum mentes (per aliquot nunc abhinc annos privatim, & diligenter, viam mea operâ præmonstrante, hoc studium excolentium) à cœlestium contemplatione & utilitate abducentur, facere id me jussérunt. Estq; hoc meum à neq; y-nov ad unum tranquillæmentis portum directum, quo nulli ambitionum venti me compulerunt, navem semper ab argutiarum & vituperiorum Scylla avertentem. Et firma apud me stat sententia, imposterum omnia invidorum σφύγμα & explosiones infracto animo ferre, modo, ut spero, usus aliquis ex meis scriptis ad mortales perveniat. Vale.





ACROTELEUTION ASTROLOGICUM.



RÆ CLARE, inquit Alcinous Platonicus, in Astronomiam incumbentes, ab iis, quæ oculis percipiuntur, ad inaspectabilem & intelligibilem essentiam deduci: & illum virum esse beatum, qui doctrinam astrorum didicerit, huncq; ait moderatum, justum & utilem civibus futurum. Idem quoq; Astronomiæ causâ oculos homini datos esse affirmat, graviter scilicet ac sapienter significans, inter omnia corpora nihil esse pulcrius, nihil admirabilius, quàm cœlestia illa lumina, & homines à natura ad hanc pulcritudinem fruendam maximè rapi ac incitari. Ac mihi quidem oculi ipsi convenientiam vel maximum cum sideribus habere videntur. Ut enim in mundo lucet Sol, ita & in homine, qui Magni mundi est exemplar quoddam, sua quædam sunt lumina, veluti sidera condita. Qui itaq; cognata illa lumina fastidiunt, non considerant Naturæ opera, non Dei sapientiam, quam orodo & harmonia motuum, non potentiam immensam Creatoris, quam cœlestium ostendit corporum Magnitudo, non deniq; ejusdem bonitatem, quæ in conservatione tanti opificii elucet, & præcipuè ad hominum utilitatem est directa. Et certè digni ob eam causam essent, quibus oculi eruerentur, cùm ad hanc tam præclaram rem iis utilint, ad quam præcipuè sunt conditi. Quapropter summa ope in bene constitutis Academiis curandum, ut studium hoc tanquam

tanquam publicum patrimonium conservetur, & ad posteros non accisum, non contritum, non corruptum propagetur. In qua quidem re, licet multi præclaram operam navârint, ad quæ nobilissimæ excelsissimæque artis dignitatem tuendam omnem ingenii aciem intenderint, & densissimis ignorantia tenebris oppressam ad aspiciendam lucem revocarint, semper tamen inventi sunt, & etiamnum inveniuntur, qui sine ullo discrimine omnem Astrologiam divinandiq; artem, ut vanam & temerariam insectantur, & gloriam quodammodo inde au-
cupari videntur. Contra quos (quod tamen pace eorum fiet) non parum me gratiæ apud cordatos viros & studiosos initium speravi, si processero, oppressamq; calumniis artem à maligno dente vindicârim, hoc in apricum apertumq; deducto ~~ἀκεγκυστίῳ~~: Ad quod etiam studiosorum efflagitationes assidue me impulerunt, ut, quoniam jampridem alio scripto eam de-
fenderim atq; illustrârim, stylum ad hanc quoq; lucubratiunculam, (quam assertionum Astrologicarum volo esse extre-
mam) reducerem, sic enim artem pristinum splendorem recu-
peraturam. Quare parendum oportuit, ne publicam studioso-
rum utilitatem desruisse & prodiisse videar. Et si licet aliis si-
nistre & ~~ἀπαρδύτως~~ de Astrologia sentire, cur mihi non dextrè
eam defendere?

Tria autem semper extiterunt, & etiamnum existunt hominum genera circa prædictiones Astrologicas. Primum est eorum, qui cœlesti aura non afflati miseriis modis Astrologiam flagellarunt, prædictionesq; in universum rejecerunt & da-
mnârunt, dum aperte à natura astrorum alienissimas esse vir-
tutem movendi & afficiendi hæc inferiora negarunt, supersti-
tiosum esse ajentes, Orionem appellare nimbosum, arcturum
procellosum, cœlumque serenum aut pluviosum ex astrorum
motu & positu prædicere. Unde magnos criminationum nim-
bos

pos in eam effuderunt, omnibusq; telis, tormentis & arietibus, quos nulla humana vi elidi unquam posse, aut acumine eludi putarunt, impugnarunt, inter cujus porticus tibicines est ministerium illud Astrologorum flagellum, Picus Mirandulanus, (vir ilio qui doctissimus) qui multos post se reliquit Astrologie magistres. Sed cum his multum litigare animus non est, nec etiam eos refutare. Ostendi enim Solem & Lunam sibi postulant. Propter tamen simpliciores & imperitiores quædam præterita non oportuit, ad influxum stellarum in inferiora omnia corpora clarè demonstrandum, quibus præmissis, Astrologiam eruditæ physices partem esse liquidò constabit. Cyclops ille Homericus barbarico fastu turgens exclamat, se neq; Jovem, neq; fulmina ejus reformidare. Quod hominis monstrum imitari mihi videntur, qui artes omnes, & inter has eam, quæ astrorum effectus tradit, spernunt, & odiosè exagitant. Sed quemadmodum Cyclops ille non multò post ab Ulysse excœcatus, & passim in tenebris palpitando oberrans, pœnas dedit contemptus Dei, & operum ejus justissimas, ita hi, qui Astrologiam Magicis & superstitionis artibus ineptè commiscentes inviolosissimè ad vulgus traducunt, nec cum ratione & consilio quicquam instituunt, tandem incident in tristes calamitates, quibus sœpè alios secum involvunt, cladesq; publicas accer-
sunt Reipubl. aut toti etiam genti.

Principiò igitur certis & indubitatis experimentis constat, sidera habere aliquos effectus, influxumq; & virtutem in hæc inferiora, ea scilicet alterandi, variisq; modis afficiendi. Quod si verum, ut certè est, Astrologia erit pars physices, perinde ut prædictiones Medicorum & agricolarum. Sumamus duo clarissima sidera, Solem & Lunam. An non vices æstatis atq; hyemis Solis accessu & recessu fiunt, Solisq; lux calefacit atq; desiccat? An non ad Lunæ incrementa & decrementa ge-

nerales Medicorum & agricolarum regulæ præscribuntur, absurditatis aut impietatis nihil continentes, ab illis quidem indetrahendo sanguine vel per venæ sectionem, vel per scarificationem, ab his verò in cædendis lignis, serendis ac transplantandis plantis? An non manifestis in natura rerum testimoniosis clarum est, attestantibus etiam idipsum Aristotele, Plinio, Gellio, Plutarcho, carnes Lunæ expositas citius putrefascere, quam in Sole, propterea quod calor Lunæ sit mollior & languidior, humores non exiccans, sed potius augens vel resolvens. Infantes quoq; Lunæ ostentati aut subjecti, quia humorum pleni, solent convelli, humoribus scilicet commotis: & in Luna decumbentes, capite non probè tecto, quasi attoniti surrexisse visi sunt, humoribus scilicet cerebri per Lunæ radios diffusos. Eâdem de causa ostracea senescente Luna tabescunt, que adolescenti illa & augescente gliscunt, teste Gellio l. 20. c. 7. In arboribus præterea & stirpibus lunæ calor humorem nativum resolvit & colliquat. Unde fabri lignarii & architecti ligna plenilunii tempore non cædunt, sed lunâ decrescente, cum scilicet jam deteritur lumen, ajunt optimè cædi materiam, quæ tunc arescat, nec carie facilè computrescat. Cœlius Rhodig. l. 2. c. 3. Noctes quoque in plenilunio calidores esse tradit Aristoteles, propter Lunæ lumen, unde etiam pisces ad superficiem aquarum commeant. Idem tempus frigidius & humidius esse ait, lunâ decrescente, quam eadem crescente, 4. de gener. ani. c. 2. Lunam item in priori dichotomia plus excalfacere & humectare, quam in altera, cum scilicet lumen tendit ad defectum, experientiâ innotuit. Consentit Plinius l. 2. c. 99. & 101. Et cap. 99. hominis etiam sanguinem cum lumine lunæ augeri, minuiq; testatur. Quin & maris fluxum atq; refluxum eidem lunæ tribuunt, Strabo l. 3. Plinius l. 2. cap. 97. Ptolom. l. 2. T. 1. c. 6. Aristoteles l. de mund. Plutarch. l. 3. de plac. in fine. Addo his

D. Basiliī autoritatem, (quem tamē pars adversa ut maximum suæ opinionis patronum adducit) qui beneficas lunæ vires de- prædicat his verbis: Animaliū corporibus cæterisq; è terra na- scientibus non mediocriter conducunt lunæ mutationes. Nam alio modo corpora decrescente ipsa, aliter crescente ipsa affi- ciuntur. Cùm enim minuitur, fiunt rara atq; inania, cùm verò crescit, adq; plenum properat orbem, rursus replentur, pro- pterea quòd humorem quandam cum calore mixtum in pro- fundum usq; ipsis immittit. Declarant hoc ita esse, qui sub lu- na dormiunt, quorum laxa capitis spacia oppalentur superfluo humore: tum recens jugulatæ pecudis carnes, quæ impressio- ne lunæ celeriter mutantur, itemq; animalium cerebra, & ani- mantia marina, quæ sunt humidissima, arborumq; medulla. Præterea affectiones aëris istis lunæ mutationibus subjacent, sicut testantur repentinæ procellæ, quæ circa novilunium ple- runq; à serenitate & tranquillitate ventorum oriuntur, quan- do & flatu nubes exagitantur, sibiq; occursant: item æstus ma- ris accedentes, recedentesque partim in Euripis, partim in O- ceano, quos accolæ observârunt lunæ exactè sequi circuitus. Nam Euripi secundum lunæ facies in alterutram partem per vices recurrent: in coitu verò ne minimum quidem temporis quiescunt, sed agitatione & libratione continua versantur, donec rursus emergens luna quandam vicissitudinem fluxus ac refluxus præbuerit. Ac occiduum mare æstus sustinet nunc subsidendo, nunc rursus inundando, proinde ac si respiratio- nibus lunæ retraheretur, iterumq; expirationibus ejusdem ad proprium statum retruderetur. Hæc Basilius verè & rectè. Nam si tanta est sideris vis in vastum & magnum Oceanum, negari non potest, ejusdem etiam influxus in cerebra & humo- res animalium. Nec verò dubium est, ut Solis & Lunæ, ita & cæterorum Planetarum lumen aërem, ac corpora nostra miris

modis afficere & disponere. Nam si hæc manifesta sunt in Sole & Luna, cur Saturnum, Jovem, Martemq; putemus frustrà esse condita? Pertinacis igitur ingenii signum est, imò Bœoticæ ruditatis, asseverare, Deum stellas in nullum alium usum condidisse, nisi ut lucerent noctu, & facem quandam hominibus atque animantibus præberent, ad quæ omnia præstanta Sol & Luna satis fuissent.

Statuendum igitur, & firmiter tenendum, Jovem, Saturnum, ceterasq; stellas non frustrà esse conditas, sed singulas peculiaribus viribus à Deo esse ornatas, quas in sublunarē mundum ejaculantur. Et ita conditus est homo, non ut pulcerrima hæc corpora tantùm aspiciens, ut vacca portam albam, voluptatem momentaneam & fugacem ex lucis usura caperet, sed ut sapientiam & potentiam Dei in his operibus investigaret, eamq; deprehensam perpetua animi gratitudine celebraret. Nam motuū cœlestium, effectuumq; motus istos consequentium contemplatio ad agnitionem Dei perducit, utq; homines in pietatis cultu proficiant, certissimis hisce providentiæ testimoniis se exuscitant. Faciebat id David, cùm diceret: Quoties aspicio cœlum opus digitorum tuorum, lunam & stellas, quas tu firmasti, atq; ita concinnè in suis domiciliis deposuisti, toties subit animum meum hæc cogitatio: Quid est homo, quòd memor es ejus? & filius hominis, quòd curam ejus agis. Sic Psal. 19. Solem, ceterasq; stellas, perpetuos & canoros providentiæ divinæ facit præcones. Et Jobus assiduus est in celebranda Dei potentia, quæ nullibi magis quam in astris, horumq; efficacia deprehenditur. Ac operæ hīc pretium est, insignia testimonia proferre, quibus ostendatur, clementa, & sublunaria corpora perpetuò affici, varieq; disponi à corporibus cœli, àq; horum diverso positu varias & diversas effectiones hominibus denunciari.

In procinctu autem est dictum Gen. i. basis & fundamen-
tum totius Astronomiæ, atque inde dependentium prædictio-
num Astrologicarum: fiant luminaria, ut sint in signa, & tem-
pora, & annos, & dies: quo dicto non tantum temporum, an-
norum & dierum discrimina motu stellarum designantur, sed
etiam, ut hominibus sint signa, & notæ rerum, ex quibus quæ-
dam futurorum sumerent argumenta: quamvis nonnulli, do-
ctrinam de motibus & effectionibus corporum cœlestium fa-
stidiosè deridentes, dictum hoc pravè interpretentur, cùm
hæc verba, ut sint in signa, & tempora, & annos, & dies, quæ &
distinctivè scribuntur & accipienda sunt, ita confundunt, ut
posterioribus tribus vocabulis signorum officium & naturam
notari existiment, cùm manifestum sit, propriè & principaliter
per vocem S I G N I, tale quid denotari, quod futurum aliquid
prænunciet, non tantum quòd rem præsentem indicet, ut cùm
fumus è camino erumpens, ignem designat. Ipse Christus, po-
sitâ una signorum specie prototo physicarum observationum
genere, ait, homines ex cœli facie futuras tempestates rectè
prædicere. Atqui hanc esse genuinam dicti Mosaici senten-
tiā Augustinus quoq; observavit, cùm scribit: Signa dici cor-
pora cœlestia, quòd vitæ usibus necessaria designent. Quam
sententiam approbat doctissimus Philo, quem Eusebius in
scripturis explicandis ob judicij acumen laudat, & Hierony-
mus ob variæ eruditioñis copiam referre in Catalogum Eccle-
siasticorum scriptorum non dubitat. Verba autem Philonis
sunt hæc: Factæ sunt, ut Deus ipse ait, non solum ad lucem e-
mittendam, sed etiam, ut futura præsignificant: aut enim ex
ortu & occasu earum, deliquiove, aut occultatione, emersio-
néve, aut aliis motuum differentiis, homines de futuris conji-
ciunt & præsagiunt copiam in opiam ve fructuum, vel pestem
animantium, serenum, nubilumque cœlum, tranquillitatem

aëris, procellas ventorum, inundationes, &c. ut ita rectissime dictum sit, stellas esse in signa factas, & etiam tempora.

Jobi 38. dicit Deus: Scisne leges cœli, tunc potestatem cœlo daturus es, quam habet in terram? Ex quo loco liquidissimè apparet, cœlum habere leges & potestatem in terram: indicat enim hic textus potentiam, quam Deus corporibus cœlestibus indidit in clementarem hunc mundum transfundendam.

Apud Malach. Prophetam legitur: Sanitatem esse sub radiis Solis, quos alas venustè appellat, atque his foveri & conservari hominum incolumentem affirmat. Et David Psal. 121. ait: Per diem Sol non te lædet, neque Luna per noctem: ex quibus scripturæ locis stellis inditas esse virtutes à Deo constat, quibus non tantum aëri variè afficitur, ut rudiores quidam putant, sed etiam homines.

Jerem. 10. legitur: à signis cœli nolite timere, quæ timent gentes. Etsi autē hoc dicto prognosticum astrologicum Scioli quidam planè Elisum atq; Elusum putant, tamen si paulò attentius aspiciatur, quilibet, modò *ἀπρωσία τῆς διαβολᾶς* non laboret, intelliget, Astrologiam eo ipso magis confirmari. Signa nominantur: ergo portendi his aliquid designatur: non enim Propheta vult ea contemni, aut Epicureorum more deludi, sed Deum propter hæc signa solum esse timendum. Nolite igitur timere signa, sed potius Deum, signorum autorem, & stellarum opificem, qui suam iram & judicium per illa signa denunciat: quantum enim prodigiorum, Eclipsium, magnarumque conjunctionum antecesserit Excidium Hierosolymitanum, historiæ testantur, quæ certè non casu proveniebant, sed eam ipsam ob causam à Deo producebantur, ut populo isti horrendas clades annunciascent.

Lucæ 12. dicebat Christus ad turbas: Cùm videritis numerum

bem orientem ab occasu, statim dicitis, nimbus venit, & ita fit, & cùm austrum flantem, dicitis, quòd æstus erit, & fit: Hypocritæ, faciem cœli & terræ nostis probare, &c. quo dicto colligitur, tunc temporis etiam signa sumta esse ex cœlo & nubibus.

Matth. 17. legimus, curasse J esum lunaticum, qui sæpè cœdebat in ignem, & crebrò in aquam. Is dubio procul secundum motum Lunæ fuit correptus. Unde necessariò sequitur, Deum Lunæ vires peculiares in morbis excitandis indidisse, & secundis causis in hæc inferiora potestatem permisisse, iisque tanquam instrumentis etiamnum uti. Est enim cœlum synergon Dei. Hæc sunt testimonia S. Lit. Audiamus porrò etiam, testimonia Scriptorum Ecclesiasticorum & Patrum, ut & nostri ævi insignium quorundam virorum, ut Astrologicæ divisiones magis stabantur & confirmantur.

Basilius Magnus lib. hexameron, homil. 6. Et sint in signa, & tempora, & dies, & annos: necessariæ profectò sunt luminarium in hominum vita significationes: nam si non ultra modum signa quispiam, quæ ab ipsis proficiscuntur, exploret, utiles ipsorum observationes eas invenerit, quas experientia longa probavit. Quanto autem sint emolumento vitæ humanae, quantamq; utilitatem eidem præstent, tales ex hisce luminibus observationes quis ignorat. Idem de 4. anni temporibus tractans ait, hæ temporum vicissitudines, hæ varietates, Solis motiones consequentes, vitam nobis, & quæ ad vitam sunt necessaria, disponunt atq; administrant.

D. Ambrosius l. 4. hexam. c. 4. Quomodo luminaria facta sint in signa, non possumus negare, quod ex Sole & Luna aliquot signa colligantur. Nam & Dominus dixit: Et erunt signa, in Sole, Luna, & stellis. Sed in sequentibus reprehendit abusum illorum, qui volunt, hæc signa afferre nascentibus *Dignus locus considerationem* quandam, cùm paucos nunc esse arbitror, qui hoc credunt

dunt (neque ego id unquam credidi) sed inclinationem vel significationem quandam afferre à necessitate liberam. Relicta enim nobis est libera voluntas & electio, &c.

August. de civitate Dei. Non usquequaque absurdè dici potest, solum ad corporum differentias afflatus quosdam sidereos pervenire: & ideo si aliquis judiciis astrorum utatur, ad prænoscendum corporales effectus, puta tempestatem & serenitatem aëris, sanitatem vel infirmitatem corporis, vel ubertatem & sterilitatem frugum, & similia quæ ex corporibus & naturalibus causis dependent, nullum videtur esse peccatum. Nam omnes homines circa tales effectus aliqua utuntur observatione corporum cœlestium, sicut agriculæ seminant, & metunt certo tempore, quod observatur secundum motum Solis. Nautæ navigationem vitant in plenilunio, vel etiam in Lunæ defectu. Medici circa morbos certos dies observant, qui determinantur secundum motum Solis & Lunæ. Idem Januarium scribens, dicit: Non autem quisquam Sapiens observatores temporum reprehendendos, quia dicunt: Non profici scar hodie, quia tempesta exorta est, &c. vel si qui forte alii naturales effectus circa motum aëris & humoris ad variandas temporum qualitates ex siderum ordinatissima conversione notati sunt, de quibus dictum est, cum conderentur, ut sint in signa, & tempora, &c.

Chrysostom. homil. 6. in cap. i. Genes. Quid est in signa, & in tempora, & in annos, & in dies? Docere nos vult divina scriptura, quod horum cursus Scientiam nobis concedit temporum, & vicissitudines versionum, numerum dierum, anni curriculum, & ex his possumus dignoscere omnia.

Origenes in tomis super Genes. referente Eusebio lib. 6. depræpar. Evangel. c. 9. cum primum caput exponeret, stellas dicit à Deo positas in cœlo, ut essent in signa, hoc est, ut per va-

NB.

16

rios

rios eorū aspectus & conjunctiones significant universas & singulas humanarū rerum causas, nō tamen efficerent. Depinxit enim Deus in stellis significationes & rationes omnium futurorum humanæ generationis eventuum, ut virtutes supernorum spirituū in iis, veluti in libris legerentur, quæcunq; hominibus, citra tamen ullam liberi arbitrii coactionem, per singula temporum intervalla essent eventura, & inde aliquam hujus scientiæ partem, quæ humani ingenii vires excellit, hominibus, stellarum observatoribus revelarent: atq; secundum hunc sensum putavit Origenes intelligendam esse sententiam quandam in libro, cui titulus est: Narratio Josephi, olim apud multos Catholicos in autoritatem recepto, in quo Jacob Patriarcha introducitur ad filios suos dicens, Legi in tabulis cœli, quæcunq; sunt eventura vobis & filiis vestris.

Johannes Zonaras dicto quoque Mosaico lumen afferit, dum inquit: Quartus dies ortum habuit lumen, Solis, Lunæ, ac reliquarum stellarum, atq; his opifex cœlum exornavit, iisq; motus, exortus, cursus, & occasus destinavit, ut terræ ambitus per ea illustraretur, & mensura temporis à circuitibus eorum peteretur, præberentq; iis, qui exortum eorum rectissimè observarent, magnam, minimeque fallacem certitudinem & utilitatem.

Nec dissentit Matthæus Beroaldus: Principio Deus Opt. Max. creatis cœlis, deinde affixis iis sideribus, quorū illa condidisset, ex suo verbo demonstravit, cùm Solem interdiu lucem præbere mortalibus, Lunam autem cum reliquis stellis noctu idem præstare jussit. Adhæc ista voluit esse in signa, tempora, dies & annos, ut Genes. i. perspicuè docetur: Et signa quidem, quæ scriptura dicit othoth, intelliguntur prognostica tempestatum, quæ à nautis, agricolis & medicis observantur. Nam vergiliarum, Arcturi item, Orionis & Caniculæ, similiumq;

liumq; ortus & occasus, insignes temporum conversiones notant. Ex quo non frustrà talia animadverterunt artifices, qui tempestatum significationibus, sua maturant vel differunt negotia, aut ea curant in tempore. Et ea quidem nota & observata fuisse populo Dei, testatur locus ille apud Jobum & Amos.

Eodem encomio ornarunt artem Michaël Glycas, & Ægyptius Columnus Cardinalis. Aliquid prævidere, inquit Glycas, deq; signis quibusdam id, quod futurum sit, obscuriusculè conjectare nos posse, citra contradictionem omnem fatemur. Nam in rebus adeò manifestis diu sanè resistere nequeamus. Quanquam enim homo in paradiſo peccavit, quanquam concessum sibi vaticinandi munus atq; beneficium amisit, non tamen misericors ille Deus prorsus eum similem evadere brutis permisit. Quo fit, ut signa quædam ei suppeditet, de quibus interdum futura prospiciat, eoq; pacto securitati suæ consulat.

Columnus Cardinalis : Non tantùm luminaria cœli sunt signa inferiorum, sed etiam causæ, ut, quando rutilat cœlum, prognosticamus serenitatem, & sic corpora cœlestia non solum sunt causa istius rubedinis, quæ est signum serenitatis, sed etiam sunt causæ serenitatis, ideò tam sunt signa quām causæ, ita, ut negare, corpora cœlestia habere effectum in hæc inferiora, sit negare sensum communē, cùm sensibiliter experiamur, quòd Sol nos calefaciat, & Luna nos infrigidet.

Idem alio loco : Est cœlum primum in universo, ut Rabbi Moses ait, sicut cor in animali, cuius motus si ad horam quiesceret, statim finiret animalium vita, & sic est quasi quædam vita in universo, quòd res sic agunt, & patiuntur invicem.

Plato in Timæo vitam nobis corpoream à stellis infundi affirmat : siderumq; circuitus efficere varias vices, non solum animantium corporibus & vitæ, sed etiam universæ naturæ rerum, Imperiis & Rebus pub. & quemadmodum agricolis præcipi-

cipitur, ut tempestatum signa observent, ita in Republica Magni viri mutationum signa intelligere debent, & considerare.

Aristoteles in Meteorolog. Mundus hic inferior est contiguus superioribus lationibus, ut vis ipsius universa inde gubernetur.

Plinius l. 2. suæ natur. histor. Conjunctiones & aspectus luminarium Planetarumq; , secundum affectionem stellarum fixarum, prope quas contingunt, alios atque alios inducunt effectus.

Seneca ad Martium : Vides micante uno sidere omnia impleri : Solem quotidiano cursu diei noctisq; spacia signantem : vides Lunam successione à fraternis occursibus, lene remissumq; lumen mutuantem, & modò occultam, modò toto orbe terris imminentem : vides quinq; sidera diversas agentia vias, & in contrarium præcipiti motu nitentia. Ex horum levissimis motibus fortunæ populorum disponuntur, & maximæ ac minimæ inde formantur, prout æquum iniquumve sidus incessit.

Hippocrates libro de aëre, aqua, & locis ait: Oportet medicum astrorum ortus & occasus observare, (præcipue verò canis, arcturi, Plejadum) morbi enim in his judicantur maximè, alii enim perimunt, alii desinunt, aut in aliam speciem statumq; mutantur. Vide l. 3. aphor. & Galen. in 3. comment. l. 1. epidem. qui præter alia graviter reprehendit, negantes inferiora corpora affici à cœlestibus corporibus, aitq; Sophisticum esse, manifestam negare experientiam. Idem Galenus in arte medicinali, ab aëre affici & mutari substantiam corporis nostri apertè scriptum reliquit.

Hermeticum pronunciatum est: Solem & Lunam, post Deum omnium viventium esse vitam.

Lucius Columella singulos dies Astronomica ratione ob-

servari præcepit, tum propter rei rusticæ utilitate[m], tum propter pericula quamplurima evitanda, quæ moniti à peritis ejus disciplinæ cavyere possumus.

Thomas Aquinas : Ex Astrologia prædicere possumus dispositionem corporis, motum sensuum, ac res varias, aliquo modo etiam intellectum, nam corruptis ab aliquo astro sensibus, intellectus etiam patitur : voluntas autem nullo modo attingitur, liberaq; semper & in columnis permanet. Accordant cum hac sententia Damascenus, Scotus, & plures alii.

Antonius Archiepiscopus Florentinus tit. 12. paragr. 6. corpora cœlestia imprimunt in corpus humanum, & per consequens in potentias sensitivas, quæ sunt affixæ corporeis organis. Vires autem sensitivæ, ubi surgunt, passiones inclinant ad actus rationem, non tamen cogunt.

Leonhardus Varius Boneventanus, Ordinis S. Benedicti: Deus regit inferiora per superiora : ex prædictis enim clarum & manifestum esse constat, cœlum & sidera in hæc inferiora corpora, motu & lumine concomitante agere, quæ quidem actio regimen & gubernatio appellatur, Dei voluntate sic imperante atque ordinante, ut scilicet suæ divinæ virtutis cœlum esset universale instrumentum.

Franciscus Patritius dialog. 3. Est certò certius, quod inferiora hæc superiorum facultate gubernantur. Nam & bella ipsa quadam astrorum vi moventur, quæ hominum corda calefacit, & ad vindicandum excitat. Manifestumq; est etiam, famem atq; pestilentiam aëris vitio generatas ex cœlesti lumine habere originē, nec aliunde terræ motus hiatusq;, modò hoc, modò illo loco generari. Sunt enim terræ spacia certis cœli regionibus distincta, hæcq; subjecta certis luminum aspectibus, qui tempore & cœlestium orbium conversione producuntur, & in subjectam regionem, eos quos dixi effectus immittunt.

Appianus in Cesareo Astronomico. Apud omnes in con- NB.
 fesso est, astra quædā divinæ virtutis esse instrumenta, per quæ
 universum illud gubernari credimus. Siderum enim opera, ef-
 fectus seu inclinationes seu influentias dicas, divinæ providen-
 tiæ quædam esse documenta, quis est qui neget? Cùm nihil
 non in hoc mundo juxta astrorum dispositiones effici videa-
 mus, quamvis omnia in Deum referri soleant. Quemadmo-
 dum autem non securi operis cuiusdam structuram tribueris,
 sed fabro, qui hac utitur: sic astrorum effectus, qui motus eo-
 rundem consequuntur, non ipsis astris, sed Deo illa regenti, gu-
 bernantiq; causæ, veluti primariæ ascribere debemus. Hujus-
 modi astrorum cursus & motus multiplices, nobis cum Deus
 Opt. Max. patefaciat, cœlumque ipsum tanquam librum aper-
 tum, in quo futura per stellarum & luminarium trans cursus, si-
 gnificantur, recludat, pauca & nos super his, quæ ex eo nobis
 libro collecta sint, dicere instituimus.

Henricus Ranzovius lib. de conservanda valetud. Secun- NB.
 da causa morborum, & destructionis depravationisq; corpo-
 rum nostrorum, est sinister & malevolus siderum cœlestium
 influxus, temperamentorumq; infelicitas. Nam ut singulis re-
 bus proprietates certæ sunt ingenitæ, quas Deus ab æterno
 naturalibus effectibus coaptavit: ita singularis quoq; efficacia
 & vis divinitus insita est corporibus cœlestibus, quæ Deus non
 propterea tantum certo ordine ac magnitudine creavit, ut an-
 nos, dies, & menses discernerent, sed ut essent quoque nobis si-
 gna, ex quibus quædam rerum futurarum caperemus argu-
 menta. Pendent enim inferiora ex superioribus, & terrena à
 cœlestibus & cognatione quadā mutua inter se continentur.
 Proinde corpora superiora occultam quandam vim & virtu-
 tem in hæc inferiora infundunt, per quam humores in corpo-
 ribus nostris mutantur, corruptiuntur, augentur, & diminu-

untur, secundum siderum positum & qualitatem. Et hoc quotidiana experientia, certissima omnium rerum magistra clarius evidentiusque docet, quam ut ulla demonstratione egere videatur. Ac si fidem quis dictis adhibere noluerit, Lunam mihi consideret, quae præcipuum sibi in humores dominium vindicat: crescente enim ipsa, crescunt & humores, sanguis & medulla in homine & bestiis. Cum igitur constet, humores in corporibus nostris regi à superioribus, ex malis autem corporum humoribus oriri morbos, ex his interitus, non immerito sanè mortis & cæterorum morborum causa in corpora cœlestia aliqua ex parte refertur.

N.B. Lector. Richardus Dinothus Normannus de Astrologia: Stellæ sua quantitate, lumine, situ, cursu, movent atque ordinant omnem mundi materiam, & locum eorum, quæ oriuntur & intereunt. Quocirca Astrologiæ studium apprimè utile, & decorum censendum. Qui putant inquisitionem astrorum secretarumq; virium ac influxionum ipsorum, Dei providentjæ derogare, maximè falluntur. Nam ipsius Dei Majestas magis illustratur, cum tam magnas res eum per creaturas suas efficere intelligimus.

Christophorus Milæus: Cum Astrologi in terrena diversos effectus mutua quadam atq; ea naturali astrorum consensione & concordia influere cognoscerent, frequenti reditu observatae ab iis sunt rerum conversiones, incrementa atq; inclinationes, quæ præsentiri ac prædici ab iis possunt. Cujusmodi videmus serenitatis & tempestatum signa, sterilitatis ac fertilitatis tempora, quæq; ad agriculturam exercendam pertinent, ut sunt arationis, insitionis, condendi, exscindendi ligna aut saxa: etiam ad navigationum peregrinationumq; oportunitates, & idonea medicorum ad curationes tempora diligenda. Ex eadem cœlestium consensione, cum iidem multos eventus,

simi-

similitudine ducti inter se conferrent, ex siderum, quæ natalitia vocant, situ inquisiverunt, quæ cuique eventura, quo quisq; fato natus esset, ut inde mores, ingenium, corpus vite actiones, & ad quam maximè rem quisque aptus futurus sit, cognoscerent. Post accommodata actionum diversarum tempora, res calamitatum prænuncias, bella, morbos, eluviones, æstus ingentes, terræmotus, graves etiam Rerum publ. commutationes, quæ nulla cognitione hominibus constare posse videntur, investigare solent. Omnis autem de astris scientia, utrumque Astronomiæ & Astrologiæ nomen habuit, in qua Magni, etiam Principes viri studiosè sunt versati. Antiquissimis namq; temporibus maximi & divini honores eidem communibus animis deferebantur, earumq; rerum contemplatoribus atq; amplificatoribus summa præmia publicè solita erant proponi.

Cornelius Gemma Lovaniensis : Ex astrorum influxu, si methodus adsit, plurima præfigiri puto, quæ ad naturam corporis ac temperamentum pertinent, quæq; ad valetudinis statum. Quæ verò ad propensiones animorum ad hæc vel illa studia, & vitiorum semina referuntur, significari interdum, sed majori virium interstitio, quo plurimum enervantur, ac veluti ex accidente pertingunt, præsertim quando immutent amplius parentum indoles, patria, consuetudo & educatio: porrò quod reliquum est, electiones operum in pluribus valent.

Joh. Bodinus : Licet igitur, semperq; licuit cœlestium lumen virtutem inquirere, modò in causis naturalibus consistatur. Nam in eo versatur Dei gloria, quòd per creaturas suas facit restam mirabiles. Hæc fuit sententia quoque Damasceni, Thomæ Aquinatis libro de sortibus, & altero de judiciis Astrologicis: atque etiam Scoti. Et verè Astrologia cœlestium effectionum notitia, à Deo donata est. Sed Deus est superior omnibus istis, & qui confidit Deo, hic nihil ab astris debet metuere.

*Astrologia
quid?*

NB.

Sixtus ab Hemminga, Nob. Frisius, in Epist. ad Henr. Ranzovium: Cœlum expansum, & infinitis luminibus exornatum, representat nobis imaginem æternitatis, sed cuius literas, lectionem & intelligentiam perfectè non tenemus. De effectu siderum autem in elementis, & iis quæ ex elementis constant, meritò nihil addubitamus, sed cuius minimā tantùm partem percipimus, non talem, neque tantam, quæ per deductionem causarum ex effectibus, ad perfectam futurorum cognitionem nanciscendam, sufficiat.

Astrella deniq; & verè spectabilem hunc chorū claudit Lambertus Danæus in sua phys. c. 31. ubi dicit, corpora superiora esse inferiorum, maximè terrenarum, tum gignendarum, tum conservandarum, tum etiam terminandarum & finiendarum causas quasdam secundas, quibus Dominus ordinariè quidem utitur: quanquam eas tamen cùm illi visum est, prorsus omittit, &c. Et paulò post: Non modò superiora sunt ista corpora cœlestia, sed etiam vi quadam sibi à Deo infusa in res istas inferiores temperamenta & qualitates partim injiciunt, partim movent & excitant, per quas istæ res terrenæ vel producuntur, vel conservantur, vel etiam flaccescunt, marcescunt, tandemque intereunt & corrumpuntur. Has qualitates ex ipsis corporibus dependentes ac defluentes influentias appellant, quæ non ex elementari regione in cœlestem ascendunt, sed ex cœlesti illa & superiori in hanc terrenā descendunt.

Possent plura hujusmodi testimonia in medium afferri, sed puto hæc sufficere stolidæ & rudi turbæ astrorum influxum ridenti. Si enim significationes istæ considerandæ non essent, non etiam in cœlo divinitus forent scriptæ & pictæ. Jam autem Deus signa & notas cœlo impressit, ut Rebus publ. denunciarent ingentes casus, calamitates & excidia. Eclipses siquidem,

dem, Conjunctiones, Cometæ & alia prodigia, quid sunt aliud quām oracula Dei, quibus minitatur vitæ hominum ingentes & calamitosas mutationes. Hæc qui contemnit, Dei monitiones spernit, invertitq; naturæ ordinem, & labefactat certitudinem actionum admirandorum operum Dei, quæ contemplari & intelligere ex certorum signorū objectu, sapientia est, Deo ejusque verbo non repugnans. Sed forsitan hīc regerent, cœlestium corporum vim & influxum in hæc inferiora se non negare, nec damnare illos Astrologos, qui siderum motus, distantias, progressus, regressusque metiuntur & investigant, sed eos, qui de particularibus hominum eventibus ex siderum positu judicant & pronunciant, tales enim à Scriptura damnari, talemq; Astrologiam severè prohiberi. Verūm de hoc prætextu paulò post, tantum enim abest ut Astrologiam falsitatis arguat, ut contrarium potius demonstret.

Pergo nunc ad illam turbam hominum, qui omnium hominum fata, omniumq; quæ eveniunt rerum causas protinus è coelo deduxerunt, nec cavere sibi à vi & potestate siderum, quenq; posse arbitrati sunt, stellasq; esse quasi tela & arma fati, cuius arbitrio efficiantur cuncta. Inter hos primi fuerunt plerique Chaldæi ac Ægyptii, qui genituras hominum stellis alligarunt, & voluntates etiam humanas illis mancipârunt, astrorumq; significatis tanquam edictis aut decretis prætoriis homines astrinxerunt, primos parentes nō Diaboli solùm instinetu & assensu liberæ voluntatis ruisse in peccatum, sed etiam sinistro siderum impulsu asseverarunt. Hæc est genethliaca illa Astrologia à Patribus, Principibus, Philosophis, Oratoribus atque Poëtis, ut vana & impia rectè damnata & impugnata, hanc ipse, ut ordini divino contrariam, damno. Cùm enim Deus perfectissimam habeat futurorū scientiam, solusq; eorundem sit præscius, ac nemo mortalium crastinum sibi polliceri diem au-

fit, sequitur illos Astrologos, qui sine fide in Deum ex astris ut numinibus pendent, ad orcum usq; esse damnandos. De his Astrologis intelligendi sunt omnes textus S. S. Levit. 19. & 20. Deut. 4. 13. & 17. Esa. 47. ubi expressè fit mentio incantatorum & maleficorum. Jerem. 10. & plures alii. Item August. lib. quæst. Vet. & Nov. Test. quæst. 115. de doctr. Christiana à cap. 17. usque ad 23. Lactantius l. 2. c. 14. Eusebius de præpar. Evang. l. 15. cap. 1. & 2. Quemadmodum autem primum hominum genus peccavit in defectu, sic hoc in excessu.

Quapropter stylum promoveo ad illos, qui media ea quæ tutissima ingrediuntur via, statuentes Astrologiam esse artem, & veram doctrinam de cœlestibus effectiōnibus. Unde Astrologiam definiunt partem eruditam physices, stellarum naturas, proprietates & effectus inquirentem, & ex prævisis comprehensisq; beneficio Astronomiæ, stellarum motibus, positu & configurationibus, futurorum & secuturorum effectuum ratiocinationem quandam esse & deductionem: non commentitiam illam, sed extructam de veræ ac eruditæ experientiæ testimoniiis, constantem demonstrationibus τὸ διπλόν, id est, ex effectis contextis. Unde veram esse artem, generiq; humano utilem sequitur, quod in artis etiam definitione requiritur. Atque h̄c primum peto, quod æquissimum est, ne in artem conferantur artificum errata. Si enim Logicus non semper bene differit, quid hoc ad artem? Si medicus non rectè curat, quid hoc ad Medicinam? Si Politica Scientia omnes Rerum publicarum tempestates prævidere, mederiq; omnibus incommodeis non potest, quid hoc ad ipsam Scientiam? Si Ethicus non semper prudenter, temperanterq; vivit, quid hoc ad Ethicam? Si Theologus in docendo, disputando, concionando ve quandoque exorbitat, quid hoc ad Theologiam? Si Geometra non rectè metitur, quid hoc ad artem ipsam? Si Historicus falsa memorat,

NB.

morat, quid hoc ad ipsam Scientiam? Si Poëta Mo in Momus
 corripit, quid hoc ad artem? Si Jurisconsultus justitiam admi-
 nistrat ceratam, quid, quæso hoc ad Jurisprudentiam? Ita si A-
 strologus prædictionibus suis non semper verum dicit, nihil
 hoc derogat arti Astrologicæ, quæ est universalis & perpetua
 doctrina ex particularibus paucorum eventuum significatio-
 nibus orta. Quapropter etiam si non tam multæ sint hujus ar-
 tis demonstrationes, quam cæterarum leviorum, tamen sper-
 nenda propterea non est, nam magnitudini hoc ejus & subli-
 mitati tribuendum. Versatur enim hæc ars in rebus, quas Deus
 procul removit à conspectu nostro & sensibus, & cum homi-
 num mores & temperamenta dijudicet, vaticineturq; de futu-
 ris maximarū in vita rerum mutationibus, divinitas quædam
 esse videtur. Unde etiam sublimior semper habita est, quam ut
 vulgi judicio subjiceretur. Extenuat hanc artem Favorinus
 apud Gellium, dicens: Pauca quædam prævideri παχυερέστερη,
 Ægidius Columnus Cardinalis, utitur voce *obscuriuscule*: &
 rectè quidem uterque. Nam hoc ipso amplissimo encomio or-
 nârunt artem: siquidem ille quædam in natura & moribus
 præcipua animadverti posse afferit, ex quibus homines sagaces
 & eruditi plurima postea judicant atque observant. Videt A-
 strologus in alicujus genesi diros positus & aspectus Planeta-
 rum, significantes audaciam animi crudelitatem, præposteros
 mores, inquieta & turbulenta consilia, quibus infaustis signifi-
 cationibus, quæ quidem sunt certæ, conjicere licet, futurum
 talem seditiosum, habiturumque tragicum exitum, & ita insi-
 gnia quædam in moribus & temperamentis παχυερέστερη & ob-
 scuriuscule judicari possunt, quæ tamen non fallunt, quamvis
 non semper contingant. Sapiens enim anima dominatur astris,
 rationeq; & consilio multa præcaveri possunt. Magnoperè au-
 tem prodest hæc consideratio magnis & prudentibus viris, ut

regere aliqua ex parte fortunam, & cavere sœvas tempestates possint. Rectè enim dictum:

*Qui sapit, ille animum fortunæ preparat omni,
Prævisumq; potest arte levare malum.*

Si parentes filiorum interdum suorum naturam satis perspectam haberent, flectere etiam melius sœva & fera ingenia ad moderationem possent, immoderatosque eorum affectus ac impetus coërcere. Quàm multi sunt, qui calamitosum vitæ exitum experiuntur in juventute, quos scilicet Martis vel Saturni in ascendentे tempore horæ natalis infaustus positus ad immoderatos & iracundos animi impetus affectusq; disponit? Unde hanc dispositionem ignorantes oriri à malo positu Martis, sine ullo respectu honesti, in quævis se pericula præcipitant.

N.B. Quod si præscivissent Martis in dicto loco inclinationes & significaciones, refrenare etiam & compescere effrenatos animi impetus potuissent, Deumq; orasse, ut sideris infaustum influxum ac inclinationem vel planè avertisset, vel saltem mitigasset. Jam dic, amabo te, mihi, quisquies, an sic divinare ex astris sit impium, sit superstitionum? Nemo nisi planè *ἀπαιστικός*, ac excors, cœlestiaque parum curans negabit. Unum tamen hīc præteritum non oportuit, quòd etiam apud doctos arti fidem derogare videtur, videlicet in infinita hac casuum & humano-rum eventuum varietate, artem ipsam non omnia prævidere. Unde negant homines etiam eruditi Astrologiam esse artem, hoc est, universalem & perpetuam existere doctrinam posse ex paucorum eventuum particularibus observationibus: quasi verò aut Medicina morbos curet omnes, aut Politica sapientia omnes Rerum publicarum tempestates prospicere, mederiq; omnibus incommodis possit? Et tamen concedendum est, & multa utriusq; artis esse vera & firma præcepta, & ad vitam utilia. Sic & Astrologia veras quasdam habet & perpetuas significatio-

ficationes, quamvis pauciores forsan quam Medicorum. Unde necessariò elicitur, si siderum est aliquis influxus ac effectus in hæc inferiora, temperamenta etiam & humores, Astrologiam esse eruditæ physices partem, perinde ut Medicorū prædictiones. Quæcunq; enim Scientia docet, quos effectus astrorum lux in elementis & mixtis habeat, qualiaq; temperamenta, quas alterationes, quasq; inclinationes excitet, illa in omni vitæ genere & studio est utilis. Astrologia autem est talis. Ergo. Cumq; inclinationibus sæpè studia, consilia, casusque respondeant, ideò horum quoque significations aliquas monstrat. Neq; enim putandum est, sideralem influxum in amplum tantum aërem extendi, sed etiam ad particularem constitutionem hominum. Qui igitur negat influxus astrorum dirigi ad singularia, ei certè nihil deest præter cor. Ita autem diriguntur ad singularia, ut fortunarum & actionum humanarum autores & directores non constituantur Venus in hac, Jupiter in vita altera, ut impiè statuit Maternus, qui etiam eò dementię & audaciæ progressus est, ut certis constellationibus assignet beatitudinem futuram in altera vita.

NB.

Pari ratione improbatur, quod Albumasar scribit: Qui orat Deum, quando Luna Jovi in capite draconis conjuncta est, is omnia impetrabit. Ex quibus certè liquidè constat, esse Astrologiam Ethnicam, vanam, & superstitionem, & esse quoq; licitam, nec impiam, moderationem tamen summam adhibendam, prædictionumq; certitudinem, defecuturis ad stellarum effectiones mutationibus, aliarum & superiorum quoq; causarum mentione restringendam, verecundeq; moderandam. Pius enim & sanæ mentis Astrologus non evagatur extra cœli pomœria, non affirmat ea, quæ à potestate astrorum provenire non possunt, nec miscet sortes, & ejusmodi divinationum genera, quæ Ptolomæus vocat ἀνθελέγυλα. Interim tamen

NB.

multa iudicari posse, & judicata esse ex positu astrorum affirmat de valetudine corporum, ingeniorum diversorum natura, multisq; in vita casibus, quarum rerum consideratio plurimum conducit prudentibus, & in officio cōstitutis, & ad Reipubl. gubernacula sedentibus. Magni profecto interest scire, quo quis loco cœli, suprâne an infra terram, tempore genituræ habuerit omnes Planetas, conducit enim id ad vitæ actiones, animi q; motus moderandos. Sapientis igitur est aspicere natu-ram, sed major sapientia, adjungere Rectorem Deum, ut, si

N.B. quid mali aut astrorum positus, aut inclinatio naturæ minite-tur, sciamus Deum velle, piis tamen precibus exoratum, mo-derari eventus & mitigare. Mars in occidentis angulo cum Lu-na, quoties fuit multis calamitosus? Saturnus in eodem loco, quoties multis funestus? Sapiens certè anima has observatio-nes & significationes negligere non debet, quæ, Ptol. teste, cœ-lestem operationem adjuvat, quemadmodum optimus agri-cola arando expurgandoq; adjuvat naturam. Latissimè autem hoc patet in cura valetudinis, in deligendo vitæ genere, studií-ve, suscipiendis negotiis vel aptis, vel ab ingenio abhorrenti-bus. Magna certè hæc sunt, & admiratione digna. Cyclopum, & Bœotum in agro nati hæc fastidiosè derident: nec mirum, quoniam terræ impuræ filii orbiculationes cœlestes, & inde dependentes effectiones parum vel nihil curant, cœlum in-tuentes, ut vacca nigra portam albam. Sed premo hoc, & ces-so, illustrius operæ me pretium facturum existimans, si per variarum nativitatum exempla incedens, varias ex vario stella-rum concursu & configuratione, tam in aëre quam homini-bus prædictiones inopinatorum eventuum, quos omni tem-pore diligentiores Astrologi observarunt & collegerunt, ad arti conciliandam fidem, hîc recensarem.

N.B. Rectè enim Tacitus, paucos mortalium excipi, scribit,
quibus

quibus non primo cujusque ortu à natura eventura destinentur: cuius clara documenta antiqua ætas & sua tulerit, & jam etiam nostra vidi, sed quædam secus quæm dicta sunt, cadere, propter ignorantiam & errorem artificum, & ita corrumptissimum artis. Hæc Tacitus, quibus addi potest falsa temporis natalis relatio, partiumque & minutorum mobilium ac labentium celeritas, rapidissimusq; siderum cœli ac rotatæ vertiginis cursus, & nondum exacta omnium motuum cœlestium cognitio: interim tamen παχυμετέσεων & rudiusculè Astrologo divinare licet.

Nemesius de fato, inquit, quod Ägyptii sapientes statuerint fatum in astris positū, sed precibus ad Deum flecti & mutari. Unde liquet, constituisse illos fatum astrale rerum continentium non necessarium, observasseq; ac notasse cujusq; vitam ex natali die, quem præ cæteris prædictionibus Astrologicis ut maxime idoneum observarunt. Herodotus id confirmans, ait: Ägyptii ad indicatum cujusq; partus momentum, de vitæ curriculo, ingenio, conditione atque fato mortis vaticinari soliti. His astipulatur Cic. l. de divinat. cùm scribit: Chaldaeos ex diuturna siderum aspectione, observationeque scientiam effecisse, ut prædici posset, quid cuiq; eventurum, & quo quisque fato esset natus. Nunc ad ipsa Astrologicarum prædictionum exempla.

Astrologus quidam, nomine Basilius, ex nativitate Alexander Medicei præviderat mortem violentam per manus violentas, unde Alexandrum præmonuit. Alius quidam paulò specialius hoc prædictit, pugione scilicet transfossum iri, à quodam sui familiarissimo & amicissimo: (nimis speciale est, quod instrumentum nominat, nam ex astris id prævideri vix ac ne vix quidem potest: sufficit honestis mentibus in generalibus acquiescere, ita enim artifides non derogatur.) Triduo autem ante,

ante, quām affinis ejus Laurentius Mediceus eum interfecisset, accidit, ut ejus prægustator (non enim nisi prægustatos cibos sumpsit) Horatius Perusianus febre laborans, ter una nocte somniaret, Laurentium Mediceum Alexandro Duci gulam præcidere: quo somnio commotus Ducis Medico Paschalius id secretò significavit. Paschalius nihil in se desiderari patiebatur, sed officii sui esse duxit, Duci in suo conclavi subtristiori quām consueverat, id indicare, qui tum paulò post à Laurentio, postquam dolo in cubiculum esset vocatus, pugione trucidatus est, test. Jovius & Sabellicus in supplemento.

Idem Petro Ludovico Farnesio, Pontificis Pauli III. filio, accidisse legimus, qui, postquam Astrologus hoc prædixisset, Placentiæ in suo palatio fuit interfectus. Schleid.l.19.

Ladislao Regi Poloniæ, matre Sophia nato, adolescenti adhuc, ab Astrologis prædictum est, futurum ipsum magnum Regem, sed ad longævam vitam vix duraturum. Hic Poloniæ simul & Hungariæ Rex electus est 20. ætatis suæ anno, interfectusq; est à Turca apud Varnam. Frater autē ipsius Casimirus, cui longiorem vitam astra promiserant, huic successit. M. Cromerus lib.19. & 29. histor. Polonicæ.

Memorabile est quoque, quod de magnis illis Ducibus Sforcia & Braccio de Montone historiæ memorant. Cùm enim Braccio certior factus esset, Magnum Sforciam hostem suum in flumine Pescara, suppetias nobili suo cubiculario, quem equus in ilumen præcipitarat, laturum, suffocatum esse (erat autem hoc ei mortis genus prædictum) tantum abest, ut ejus morte fuerit exhilaratus, ut etiam in summum mœrorem conjiceretur, propterea quòd ab Astrologo quodam consulto, quem vitæ exitum ipse habiturus sit, rescivisset, brevi eum non leniori mortis genere interemptum iri: ac divinationi respondit eventus: elapsis enim 5. mensibus, cùm obsidionem & expu-

expugnationem Aquilanam fortiter redintegraret & urgeret, fortior eruptione facta ab hoste interemptus est, Jovius in vita Sforciæ. Volateranus l.23. Sabellicus l.10.

Alexander Magnus, cùm in suam potestatem redegisset Indiam universam, & viator cum exercitu reversus esset in Babylonem, quam urbem aulæ habendæ delegerat, in intinere à Chaldæis peritissimis Astrologis, atque in primis Belophante, quem cæteri tanquam autoritate & doctrina eminentem ad munus hoc delegerant, ne urbem Rex ipse introiret, fore enim, si urbem ingrederetur, ut non multò post vitam cum regno amitteret. Eo vaticinio haudquaquam vano, cùm animus Regis percelleretur gravius, atq; is præmissis in urbem amicis deflectere ab instituto itinere statuisset, non tantum gnathones aulici, qui regiæ urbis delitiis & splendore capiebantur, sed etiam Philosophi contemnere Regem prædictiones Astrologicas, & deposito omni metu ingredi regiam urbem jusserunt. Horum igitur consilio cùm credulus nimium obtemperasset, atque urbem ingressus, Hephestioni funus fecisset sumptuosissimum, paulò post ardentissima febre ex immoderatione vini usu correptus fatalem diem obiit, exitu tristissimo adulatorum vanitatem in ridendis prædictionibus Astrologicis refellens. Diodorus Siculus.

Refert idem Theodorus, Seleucum scripsisse Chaldæos prædixisse sibi Alexandri interitū, & partitionem regni in quatuor duces. Unde Seleucus hanc utilitatem est consecutus, quod talia præsciens sua consilia melius in illum eventum dirigere, & occasionem oblatam ad optatum exitum persequi potuit. Non multò post Alexandri mortem, cùm Seleucus Babylonis esset Satrapa, & Antigonus rationes superbè ab eo reposeret, metuens potentiam Antigoni Seleucus, in Ægyptum ad Ptolomæum confugit, ut præsidio ejus se muniret. Eam fu-

gam magna cum voluptate audivit Antigonus, quod speraret regnum Babylonis a Seleuco desertum sine negotio se esse occupaturum. Sed cum Chaldaei ad ipsum venissent, & dicerent, Seleucum, si ex manibus dimitteretur, paulo post dominum fore totius Asiae minoris, & ipsum Antigonum prælio a Seleuco devictum, interitum. Antigonus, contemptor alias illarum Astrologicarum divinationum, motus dignitate atque auctoritate eorum qui talia nunciabant, non leviter est consternatus, itaque emisit equites, qui Seleucum persequerentur, & fugâ retraherent. Sed & illi re infecta redierunt, & non mullo post Seleucus imperfecto in acie Antigono, & Asia minore subacta, prædictionibus Chaldaeorum fecit fidem.

Publius Nigidius, auditâ, quâ in lucem editus erat Augustus, horâ, affirmare non dubitavit, Dominum orbis terræ natum esse, teste Tacito, Dione, Volaterano. Xiphilinus ex Dione hunc locum sic recenset: Nigidius Figulus Senator, statim Augusto prædixit Imperium: noverat is supra omnes homines suæ ætatis totius cœli ordinem & cursum, tenebat stellarum vim & differentiam, quid ipsæ aut per se, aut cum aliis conjunctæ possint & efficiant, quorum etiam studiorum causa culpatus est, quasi magicis uteretur artibus. Hic igitur, ut vidit Octavium serius propter uxoris partū in curiam venientem, (nam tunc fortè Senatus erat) statim exclamat: Nobis, Octavi, Dominum genuisti: qua de re perculsum Octavium, atque incircò puerulum interficere volentem prohibuit, nam ut hoc modi filius tuus, inquit, moriatur, fieri certè nullo modo potest.

N.B. Idem Publius adeò in hac disciplina claruit, ut, cum disputeretur, cur gemini diversa haberent fata, qui geniti & orti iisdem essent sideribus, suam ipse artem defendens, non eodem siderū positu, sed diverso nasci gemellos propter celerrimum cœlestium orbium motus, ostendit. Figulia autem rotam ma-

gna

gna vi concitavit, & in eadem duas atramenti guttas liquavit, quæ desinente motu longo intervallō in extremitatibus sunt inventæ: quomodo igitur opinantur, inquit, cùm tam celeri vertigine cœlum circumducatur, posse gigni & oriri geminos eodem sidere, figuli rotâ parvo incitata cursu excussas guttas eodem momēto tam diversis locis ostendente. Et præter hanc Publīi demonstrationem ipsa quoque experientia testatur, geminos non tam subitò nasci unum post alterum, quin intercedat aliquod spaciū: Ergò nunquam ferè simul. Hæc Nigidius. Et geminos etiam nunquam ferè nasci simul naturales quoque causa suadet, quia natura tam vehementes motus & dolores tam subitò ac uno momento sustinere non potest, sed paululum se recreando motum redintegrat: quid? quòd uno coitu rarò gemini concipientur, nam hi soli, qui uno coitu concipiuntur, uno quoq; enixu eduntur. Unde non perperam Avicenna inquit: Matrix primò deglutit unum semen pro formatione unius: postea alterum pro formatione alterius cum mora & quiete. Quòd autem gemelli interdum habeant ferè fortunam, conditionem, dignitatem & longitudinem vitę eandem & æqualem, ratio est, quòd ferè ambo uno momento sunt nati, vel eandem in conceptione & nativitate astrorum habuerunt constitutionem. Et licet rarò nascantur gemini uno puncto, fieri nihilominus potest, ut diversis in locis duo infantes eodem temporis puncto in lucem edantur, sed sub diverso stellarum positu ob aliam cœli faciem, poliq; elevationem: unde nec iisdem prædicti sunt moribus, nec eandem fortunam experiuntur. Quod si verò uno eodemq; loco nascuntur infantes, consideranda est materiæ conditio cum re subiecta, quæ juxta suam dispositionem ac habilitatem magis ac minus recipit cœlestem afflatum ac impressionem: nam secundum subje-

Eorum varietatem effectus variantur, virtutesq; astrorum operantim mutantur propter recipientium diversitatem.

NB.

Sed in primis memorabile & dignum hoc loco est in multis à me summio studio observatum, quòd nativitatis nostræ sidera convenientia congruentes etiam inter se animos producunt, ita quidem, ut sub uno horoscopo seu ascendentे in lucem & vitam venientes, tacito & occulto sympathismo, nutu etiam oculorum, & intuitu tantum, animorum congruentiam significant, contra verò sub diversis, vel rectius oppositis horoscopis nati, animorum antipathismum verè experiantur. Atq; hinc fit, ut sæpè alter alterum ad primum conspectum, & sine ulla præcedente offensione, ita a versetur, ut in eodem etiam conclavi vel mensa ferre vix possit. Sed redeamus ad prædictiorum exempla memoratu digna, quæ prisco & nostro etiam seculo observata, & memoriæ prodita sunt.

Julio Cæsari vaticinatus est Spurina, eumque monuit, ut periculum caveret, quod circa Idus Martias eventurum esset. Cæsare eum, adventantibus Idibus Martiis deridente, ipsæ, inquit, venerunt quidem, sed nondum præterierunt. Cæsar enim eo ipso die multis vulneribus in Senatu confectus periit. Et quamvis Spurinam augurem fuisse constat, tamen Cæsari fatalis hic exitus à pluribus aliis est prædictus, inter quos Astrologos fuisse dubium non est. Unde etiam Manilius de Cæsare in versibus suis canit :

*Ille etenim cælo genitus, cælogꝫ receptus,
Cum benè compositis victor civilibus armis,
Iura togæ regeret, toties prædicta cavere
Vulnera non potuit, toto spectante Senatu
Iudicium dextra retinens, nomenq; cruento
Delevit proprio, possent ut vincere fata.*

Magi ex ortu novæ stellæ Regem & Servatorem totius mundi
natum

natum esse ex astrorum doctrina eruditissime judicarunt, eaq;
de causa ex oriente Hierosolymam profecti ad verum Messiam
beneficio Astrologiæ, Deo sic gubernante, pervenerunt, prius-
que ex astris, quām Judæi ex scripturis Christum cognoverunt.

Thrasyllus Mathematicus Tiberium, ab Augusto vitri-
co, Rhodum relegatum, & non parum suæ saluti timentem,
bono esse jussit animo, cùm circa mare deambularet, finemq;
ærumnarū instare denunciaret: Thrasyllus videns advenien-
tem nayem, fidenter eâ felicia afferri Tiberio affirmavit: &
non multò post nave ad portum delata literas ab Augusto &
Livia accepit, quibus Romam revocatus Imperii sujet funda-
menta.

Idem Tiberius, cùm statuissest Rhodi Thrasillum de mu-
ro præcipitare, eò quòd is solus ex Astrologiæ secretis omnes
ejus cogitationes cognosceret, sensit hominem eo ipso tempo-
re esse solito tristiorē: cuius rei causam cùm exploraret, re-
spondit se periculi cujusdam suspicionem præsentire. Unde
Tiberius admiratus hominem, qui institutum non ignoraret,
intermisit.

Tacitus, Suetonius, Josephus & Dion autores probatissi-
mi de Tiberio, Galba & Thrasyllo ea literis prodiderunt, quæ
omissa hīc non oportuit. Non omiserim, inquit Tacitus, præsa-
gium Tiberii de Servio Galba tuim consule, quem accitum, &
diversis sermonibus pertentatum, postremò Græcis verbis in-
hanc sententiam allocutus est: Et tu Galba quandoq; degusta-
bis imperium, seram & brevem potentiam significans, scientiâ
Chaldæorum artis, ejus adipiscendæ otium apud Rhodum
Magistrum Thrasillum habuisti, peritiam ejus hoc modo ex-
pertus. Quoties de negotiis consultaret, edita domus parte, ac
liberti unius conscientia utebatur, is vèrò literarum ignarus,
corpore valido, per avia & prærupta (nam saxis domus immi-

nebat) præibat ei, cuius artem Tiberius experiri statuisset, eundem regredientem, si vanitatis aut fraudum suspicio incesserat, in subiectum mare præcipitabat, ne index arcani existeret. Igitur Thrasyllus iisdem rupibus inductus, postquam percuntem commoverat, imperium ipsi & futura solerter patefaciens, interrogatur, an suam quoq; natalem horam comperisset, quem tum annum, qualem diem haberet. Ille positus siderum ac spacia dimensus, hærere primò, postea pavescere, & quantò introspicaret magis, tantò magis trepidus admiratio-ne & metu obstupecens, postremò exclamat, ambiguum sibi & prope ultimum discrimen instare. Tum complexus eum Tiberius, præscium periculorum & in columem fore gratatur, quæque dixerat oraculi vice accipiens inter intimos amicorum tenet.

Apollonius Ægyptius, teste Dione, Cajo Caligula mortem prædixit, qui eam ob causam Romam missus, ad Cajum eo die perductus est, quo ille (Cajus) mortem erat obiturus, certissimo nimirum vitæ periculo, nisi Caligula paulò post interfactus exitu funesto prædictionis certitudinem comprobasset.

Scribit Josephus in omni Judæorum doctrina peritissimus, Judam Essæum, qui ferè nunquam divinando aberravit. Antigono, Johannis Judæorum ducis filio prædictisse locum & diem, in quo illi fato erat destinatū mori. Sed Antigono transeunte templum exclamavit: Papæ, nunc mihi pulcrum est mori, quando mearum prædictionum mendacium deprehensum est. Venit enim Antigonus, qui hodie deberet occidi. Locus autem ejus necis erat apud Stratōnis πυρὶ, & ille quidem sexcentorum abhinc stadiorum intervallo distat, horæ verò diei sunt quatuor, ut ita vaticinationis tempus effluxerit. Hæc locutus senior mœsto vultu & mente sollicita multa secum reputa-

putabat: sed paulò post Antigonus interfectus est alio loco subterraneo, eodem nomine, quem prædixerat: & ita in situ loci tantum aberravit.

Idem Josephus Astrologiam edoctus Vespasiano patri, & Tito filio, non solum eos terrarum Dominos futuros, sed etiam se à captivitate liberaturos, constanter affirmavit, & ut tanto magis sibi fidem adhiberent, vinculis se custodiri, usq; dum prædicta evenirent, petiit. Cùm autem nonnulli ex Vespasiani intimis dicerent, illi nō adhibendam fidem, qui suam propriam captivitatem ignorasset, ipse verò affirmavit, se ante prædictis. Quare de ea re Vespasianus inquirens, ita esse invenit. Ergo illi fidem habuit, sed tamen custodiæ, usque dum prædicta evenirent, tradi jussit. Postea verò, cùm Imperator factus est, libertati eum restituit. Hæc Josephus de seipso vivente & scientे Cæsare scripsit, cui mentiri fuisset capitale.

Ascletarion mortem sibi instare Domitiano confessus est, eventurumq; ut à canibus brevi laceraretur. Hunc Domitianus sine mora cremari, ad coarguendam artis temeritatem, ac sepeliri accuratissimè mandavit, sed repentina tempestate diruto funere semiustum cadaver canes discerpserunt. Quo auditio Domitianus valde perturbatus mortem timuit, quæ illicò subsecuta præsagio fecit fidem. Dion.

Apollonius ad Nervam hæc scripsit: Nos, ô Rex, & quidem brevi simul erimus, ubi neque nos aliis, neq; alii nobis imperabunt. Sciebat enim sibi citò è vita esse migrandum, & Nervam per breve tempus imperaturum. Et licet multi Apollo-nium Necromantiaæ insimulent propter Philostrati falsam de illius vita relationem, tamē ex Hieronymo & Eusebio constat, illum Philosophum fuisse, natalesque dies, & circularis motus doctrinam observasse & calluisse.

Adrianus Imperator in juventute singulis annis Astrologicas

logicas prædictiones fecit, ita ut sibi omnium dierum usque ad horam mortis futuros actus ante præscripscerit.

Severus Imperator in Africa à Mathematicis didicit quæ sibi essent eventura, antequam ad Imperium perveniret. Quare factus est Mathematicus insignis, & prima conjugè mortua noluit aliam quam Julianam ducere, quod sola ex multis oblata regiam genesin haberet.

Domitianus exploratis diebus & horis, in quibus Principes viri essent nati, plerosq; sustulit, qui regiam haberent genesin, ac inter eos etiam Melum Pompejanum. Idem quoque fecit Tiberius.

Scribit Dion, Severum scivisse, se ex Britannia non reversurum, quod maximè cognoverat ex stellis, sub quibus erat natus.

Alexandro Severo ad Germanicum bellum proficiscenti, Thrasybulus Mathematicus illi amicissimus prædictum, ipsum barbarico gladio interficiendum. Quod ita contigit. Nam antequam in conspectum hostium veniret, à Germanis militibus interfectus est, Lampridio teste.

De Zenone Imperatore hæc scripsit Glycas. Is cùm morte multasset Harmatium, qui fraudulentè se proditorem heri sui declaraverat, simulq; promisso satisfecerat, quod ipsius filium Cæsarem renunciasset, & non multò post illum per vim Cyzicenorum Pontificē inaugurari mandasset, contigit, quod ei prædictum ab Astrologo fuerat, ut imperato imperio paulò post moreretur, & conjugem suam unà cum imperio viro cui-dam senatorii ordinis relinqueret. Hoc in memoriam sibi revocato, complures præsertim illustres Senatores neci dedit. Verùm inexpugnabilem divinæ providentiæ vim nemo mortalium unquam coarguere, ceu vanam & inefficacem poterit. Quippe cùm Zeno vitam cum morte commutasset, Imperiumq;

riumq; reliquisset Romanum, ad Anastasium id pervenit, qui cum Ariadne Imperatrice matrimonium contraxit.

Astrologus quidam nomine Nicolaus, Constantino Duca mortem prædixit, ante ejus interitum scribens: Nolite timere à Duca, nam temerè novis rebus studebit, statimq; peribit. Quod idem etiam Leo vaticinatus est: atq; hæ prædictiones fuerunt veræ, paulò enim post in urbe Constantinopolitana, tumultu excitato, equo prolapso præcipitatus periit.

Firmicus scribit, inter alias prædictiones, ex Solis Eclipsi, quæ medio diei tempore accidit, Optaritii & Paulini consulatu, Mathematicos ex sagaci intentione prædictissime, quid cunctis hominibus paulò post futurum esset. Idemq; recenset, Plotinum, cùm primò nihil potestati stellarum tribuisset, postea serpente morbo minutæ partes viscerum dilaberentur, solus superstes animus retinebatur, tandem cùm vim fati sentiret, & animadverteret, proprio exemplo, quòd finis sibi instaret, quem stellarum ignitarum indicia decreverant, cunctos homines docuit, vim potestatemq; fatorum ac stellarum nulla posse ratione contemni.

Petrus Justinianus in historia Veneta scribit: Planatarum & cœlestium corporum dispositiones sub Jovis aspectu felicia omnium rerum incrementa huic urbi denunciasse, his verbis: Attila defuncto Venetiarum populi, qui ejus metu in hæc stagna confugerant, campestribus locis assueti, consilia agitarunt remigrandi in continentem ad patrias sedes, quas ingenita natalis soli dulcedine adamabant: sed ex his plurimis ante oculos habentibus barbarorum immanitatem, incendia, foedasque populationes, quibus antea Radagisus & Alaricus Gothorum Reges, & novissimè recentis memoriæ Attila Italiam affecere; perpetuum his locis tutioris vitæ studio figere domicilium vietæ placuit: atque à divinis exorsi primi illi Veneti pietatis cul-

tores, nascentem urbem templo ornarunt, quod D. Jacobo consecrantes medio Rivalti foro erexere. Jaeta autem felicibus auspiciis civitatis fundamenta, ac tanti Imperii incunabula fuere, Pontificatu Papæ Innocentii I. imperanteq; Honorio cum Theodosio, Arcadii filio, anno 421. v i i i. Calendarum April. circa meridiei horam, in qua Planetarum dispositiones & cœlestium corporum figuræ sub Jovis aspectu felicia rerum omnium incrementa denunciabant, ut ex signis, quæ h̄ic ponuntur, patet cœlestibus: Nam à Septentrione dominabantur pisces, aries, taurus, à meridie virgo, libra, & Scorpius, ab occasu Leo, Cancer, & Gemini, ab ortu Aquarius, Capricornus, & Sagittarius.

Lucas Gauricus quoque computavit Venetorum urbis ædificationis figuram, aitq; eam ædificatam anno 421. 23. Mart. in meridie, ponitq; in oriente 25. gr. Cancri: Solem in medio cœli, & 4. gr. arietis: Lunam in 14. geminorum: Saturnum in 27. Virginis: Jovem cum Mercurio in 13. piscium: Martem in 14. libræ: cum capite verò draconis Venerem in 6. tauri: additque fore hanc civitatem felicissimam, (exceptis bellis, propter Martem in suo casu) quia habet Solem aphetam in suo throno seu exaltatione, & cœlorum culmine partiliter supputatum: dicitq; præterea, Senatores dominii sceptræ administraturos usque ad annum Domini 1888. vel circiter. Hæc Gauricus. Subsecutura ætas observare poterit, an vera prædixerit. Differunt enim hi duo autores de Venetiarum ortu nō annis, sed diebus.

Heraclio Astrologi prædixerunt, magnum ipsi & Imperio imminere periculum à circumcisso populo, & ut dicitur observabili præ aliis proverbio, stellarum influxus facilius prævideri possunt quam præcaveri: ita hic cum Judæos timeret, Sarraceni ab illo ob negata stipendia defecerunt, Arabiamque cum nonnullis locis in Ægypto occuparunt, Mahometis le-

gem

gem & sectam invexerunt, qui deniq; finem Byzantino Imperio attulerunt, & nostro Imperio adhuc imminent.

Nothebaldus Astrologus Adelberto Archiepiscopo Bremensi, Friderici Palatini fratri, multa vera prædixerat, in eo tantum deceptus, quod calculo subducto pronunciaverat, ex morbo, quo periit, illum non moriturum. Adamus Bremensis Canonicus.

Æmilius de Joachimo Abate vaticinandi peritiâ percelebri prodidit, Gallorum & Anglorum Reges contra Saladinum arma moventes, cupidos pernoscere exitum belli, ad se perduci curasse Joachimum, respondentem ituros illos quidem, sed parum profecturos, quod nō diram beluam ipsorum fata appeterent, nec terræ Sanctæ recipiendæ dies illuxisset.

Johannes Comes Mirandulanus miserum flagellum Astrologorum, adversus Astrologiam edidit librum, quem Bellantius Senensis & alii elusum eliserunt: hi, ut artem veram ostenderent, illum annum ætatis 33. non transgressurum prædicterunt, ex directione ascendentis ad Martem, quemadmodum ex scriptis editis constat. Et quidem Bellantius l. 5. suarum responsionum contra Picum sic scribit: Nec unum tacendum videtur, complures enim sunt Florentiae testes fide dignissimi, quibus inspecta Hieronymi Savanarolæ genitura, quinq; ante ejus jacturam menses dum florebat, vitam laqueo terminatum prædicti. Is quanquam crematus, prius tamen fuit strangulatus.

Bartholomæus Chassanæus audivit, ut ipse narrat, Mediolani, quod eximius Astrologus dixisset Duci Mediolanensi, Galeatio Mariæ vicecomiti, ipsum ex vulnere peritum, quod esset ei proprius vasallus inflicturus. Astrologus interrogatus à Duce, quo mortis genere esset interitus ipse, respondit, se in publico interemptum iri ex trabe ligni cadente: quo auditio,

Dux ira accensus ipsum mox decollari jussit, ut ex rei eventu cerneret Astrologicā artem esse falsam. Cùm interim pararetur locus, & campana solito more pulsaretur, populusq; concurredisset, & ipse traditus executori ad locum supplicii deducetur, inter exeundum, sub porta magna, quæ estante Ecclesiā cathedralē, cecidit turris, quę dictum Astrologum cum aliis interfecit: ipse verò Dux in festo S. Stephani, & in Ecclesia ipsi sancto dicata, Mediolani, universo astante populo, & ipsius aulicis, imperfectus est à proprio vasallo, sicq; fuit vera prædictio Chassanæi de proprio & Principis exitu ac morte.

Johannes de Lignano tempore Martini V. Papæ, prævidens ex genitura filium cruci affigendum, volensq; fatali genesicos dispositioni succurrere, sacris eum initiari ac apprimè erudiri curavit. Sed ne sic quidem evitare vim fati potuit. Nam cùm eum concives sui ad Martinum Papam allegassent, rediens domum propter legationem non fideliter tractataim, de nocte à Magistratu Bononiensi suspensus est: quem cùm elucescente die pater pendentē vidisset, deplorans, inquit: Eheu, fili mi, tu infelicissimum fatum nec humanis literarum admiculis, nec divinis mysteriis superare potuisti.

Joh. Dubravius Episcopus in historia Bohemica scribit, Nicolaum quendam ex eorum numero, qui divinandi scientiam ex decretis astrorum profitentur, Ladislao Regi Bohemiæ & Ungariæ, Alberti Imperatoris filio, cum insigni pompa equestrium pedestriūq; copiarū Pragam introeunti, nuptias ibidem cum Caroli Galliæ Regis filia celebraturo, pronunciasse infaustum ingressum, quod vaticinium apud paucos curam, apud reliquos risum, velut vanitate plenum excitavit, omnisq; sollicitudo omnium ac maximè Regis intenta fuit in nuptiarum apparatum, verùm Rex paulò post morbo correptus, post sex & triginta horas, quam ægrotare cœpit, animam effavit,

flavit, & sic Nicolai vaticinium mœrore tristii completum est.

Lucas Gauricus, Johanni Bentivolo, ejusq; filiis ac nepotibus exitium denunciavit, nisi se Pontifici submitterent, proptereaque captus, & à Tyranno ex alta trochlea suspenso fune quinquies quassatus est, qui tamen ante à Chiromante, ut violenti cruciatus causas effugeret, erat admonitus. Sed postea Bentivolus unà cum suis à Pontifice est superatus & cæsus.

Friderici II. Imperatoris Astrologus interrogatus ab eo, cur tantum honoris Rudolpho Habsburgensi Comiti pauperi in aula sua tunc versanti, exhiberet, respondit, mortuis tuis filiis, quorum adhuc decem supersunt, ipse ejusq; posteri ad tua regna pervenient, teste Alberto Argentinensi, quod etiam exitus ipse probavit. Nam anno Christi 1273. Cal. Octobr. Rudolphus à Germanis Principibus Francofurti in Regem Romanum eligitur, cùm Basileam obsideret. Et hodierno adhuc die videmus Rudolphi posteros regnum Neapolitanum, ducatumq; Austriæ & Sueviæ, unà cum Imperio & regno Neapolitano obtinere. Imperator enim Rudolphus ab eo nomen & ditiones hæreditario jure accepit, & Philippus Hispaniæ Rex ex eodem natus regnum Siculum & Neapolitanum natus est.

Scribit Cuspinianus, narrasse sibi Georgium Thursum virum spectatae fidei, Regisque Ungariæ Camerarium, quòd Matthias Mechovita singularis tam in medendo quam prognosticando eruditionis vir, Montium egressuro Regi Polonię Sigismundo, ut Cæfarem Maximilianum conveniret, qui Cracovia 5. Mart. discessit, prædixerit, ipsum neq; visurum Cæfarem, neque expediturum quippiam, nisi commodius tempus expectaret. Quod cùm miraretur Rex, ut erat animi inconcussi & firmi, constantissimè perseveravit in proposito: eundum, inquit, quò Deus & fortuna vocat, promissum ratum servabo, nemo me à proposito abalienabit: videbo Cæfarem, & fratrem

NB.

conveniam: interim per quosdam Consiliarios mandat, ut diligenter à Matthia inquirat, serione an joco locutus fuerit. Idem asserit, Regem non visurum Cæsarem, nisi expectare velit Junium, & ante festum Joannis Baptiste eum cum Cæsare omnino nō collocuturum. Nihilominus tamen exivit Rex, & cùm tam longa mora traheretur, sæpè illius prædictionis fuit memor. Hoc idem Mechovita Andreæ thesaurario perscripsit, quod & evenit, 16. enim Julii post longas tractationes & moras Imperator & Rex sese in vicem primùm viderunt.

Andreas Medicus & Astrologus Flandrus prædixit mortem Carolo Ducis Burgundiæ, & Jacobo III. Regi Scotiæ, ipsum à propriis subditis imperfectumiri, quod Buchananus l. 12. sic refert: Anno 1467. legati ad Carolum Burgundiæ ad sedandas mercatorum querelas missi, cùm in Flandriam appulissent, ibi comiter accepti. Ab iis aliquando forte fortuna invitatus, ut unâ cœnaret, Andreas quidam Medicinæ Professor, & qui magnam Astrologicarum prædictionum putabatur habere peritiam: is audit a adventus ipsorum causâ, seductos occultè admonuit, non esse, cur magnoperè festinarent. Intra paucos enim dies certum de Duce nuncium affuturum. Nec prædictioni defuit eventus. Nam intra triduum est renuntiatum, Ducem exercitu profligato ad Nancæum Lotharingiæ oppidum, ab Helvetiis fuisse imperfectum. Ita illi rebus, ob quas profecti erant, infectis, reversi, cùm apud Regem Andreæ de rebus futuris præscientiam mirè laudassent, animum ejus in eas partes proclivem impulerunt, ut magnis pollicitationibus hominem ad se accerseret, ac non ita diu postea advenientem benevolè exciperet, & opulento sacerdotio, aliisq; munieribus donaret: hic Regi exitium imminere prædixit, quod eventus quoq; deinceps comprobavit.

Cominæus scribit, Episcopum Viennensem multò ante
præ-

prædixisse, Ferdinandum nomine ultimum fore Regem Neopolitanum, cùm Alphonsus Rex cum Friderico filio 19. annorum juvēne adhuc viveret, & Rex esset. Quare Ferdinandus promisit Cominæo quotannis, si Rex fieret, 200. coronatos.

Guido Bonatus Foroliviensis Astrologus sub Martino IV. Guidoni Montis Ferrati Comiti, diem prædixit, quo, si Forolivio egressus astu invaderet hostes, eos superaturus, victoriaque potiturus, sed vulnus accepturus esset. Atq; ut Guido Comes sermoni fidem haberet, ipse egredi urbe unà cum Comite, & interesse pugnæ voluit, stupasque, ova & alia, quibus vulneri nondum facta opem ferret, secum extulit, secutoq; pugnæ & victoriæ eventu, quem prædixerat, vulnus Comiti est illatum. Idem Guido civibus suis, qui adversus Pontificem gerebant bellum, horam pugnæ assignavit, in qua pugnantes victoriam essent reportaturi, nec eos fefellit. Volater. l. 21.

Petrus Leonius Spoletanus, Medicinæ & Astrologiæ peritissimus, cùm sibi subitæ mortis periculum in aqua portendi cognosceret, Patavio, Venetiisque in Umbriam & Spoletum migravit, ut frequentes navigationes effugeret. Mox ubi ad Laurentium Medicum esset vocatus, & ex astrorum scientia morbum salubrem prædixisset, omnemq; benè gerendæ rei occasionem prætermisisset, à Lazaro Placentino Medico illustri, (qui à Ludovico Sfortia Ticino missus, sera afferebat remedia) reprehensus, atque adeò omnibus invisus, post mortem Laurentii, incertum an desperatione actus, an illata vi à Petro, Laurentii filio, in proximæ Caregio villæ puteum præceps datum mergitur, in Principis Florentini morte prævidenda calculi fortè aut judicii errore deceptus, in suo ipsius fato cognoscendo vates nequaquam falsus.

Seraphinus Mantuanus monachus, Astronomiæ & Chiroomantiæ peritissimus, Johanni Cardinali prædixit, futurum illum

illum Pontificem, cùm esset annorum 37. quod tamen ipse Jo-
hannes nequaquam sperabat aut credebat. Paulò autem post
electus & Leo, X. est nominatus. Hic monachus Romam vo-
catus, cùm esset Leo in Pontificem electus, maluit in suo mo-
nasterio, quod reliquum esset vitæ transigere, quàm Romæ es-
se: Leo itaq; X. 400. coronatos annuatim monasterio decre-
vit, Gaurico teste.

Dethlevus Revenlovius nobilis Holsatus prædixit Fri-
derico I. & Christiano III. gubernationem regni Daniæ & Nor-
vegiæ, diversasq; victorias, cùm regna illa Christiemus II. ge-
nér Philippi Regis Hispaniarum adhuc teneret: quemadmo-
dum & tempus horum filiorum, quo die essent nascituri, & cu-
jus sexus essent futuri post conceptionem.

Idem Andreæ Barbato Episcopo Lubecensi dignitatem,
genus mortis, annum & mensem denunciavit, qui obiit anno
1559. XII. Aug.

Idem quoque Revenlovius Carolo Imperatori belli exi-
tum, quod gessit cum Protestantibus, Electore Saxoniæ, &
Landgraviō Hassiæ, prædixit, & profectus est ad eum Gengam
versus, in quo itinere periit, aut propter honestū munus, quod
à Carolo acceperat, imperfectus, aut alioquin ab ignotis, ut fit in
bellicis tumultibus, trucidatus. Ranzovius in sua Astrol.

Henricum II. Regem Galliæ monuit Gauricus per literas,
quinquennio antequam moreretur, ut finito 41. ætatis anno
vitaret duellum, astra enim minari vulnus in capite, quod vel
cœcitatem, vel mortem protinus afferret.

Franciscus Gonzaga, Marchio Mantuæ, à Malvetio Bono-
nienſi captus est, quod multò ante expressè ei prædixerat Gau-
ricus. Hic idem Paulo III. indicavit, ipsum certo anno Pleuriti-
de laboraturum, aut in aquis periculum vitæ subiturum, quod
cùm

cùm accidisset, ob prædictionis veritatem remunerandam fecit eum Episcopum Civitatensem, & equitem S. Pauli.

Junctinus testatur Julianum Ristorium à Prato, edidisse Prognosticon anno 1528. in quo multa verè prædixit, ut non solum obstupefecerit Florentinos & Romanos, sed universam quoque Italiam, Gallorumq; & Hispanorum exercitum.

Junctinus prædixit Henrico Poloniæ Regi, Henrici Gallorum Regis filio, anno 1572. in tractatu de stellis fixis, cùm haberet Procyonem in horoscopo, quæ stella regna & imperia decernit, illum ad majora rerum culmina perventurum, antequam Rex Franciæ esset factus, quod etiam contigit anno 1574.

Scribit in sua historia Natalis Comes, quòd cladem Gallorum factam ad S. Quintinum, in qua Monpenserius, Connestabilis, Mareschalcus S. Andreæ, Reingrafius, Lansaccius, & fermè bis mille nobiles capti & interfecti sunt, multò ante prædixerit Michaël Nostradamus, rerum Astronomicarum peritissimus, cum multis inde secutis calamitatibus. Et addit Natalis Comes verba sequentia: Neque enim tam fallax existimari NB. debet, ut assolet, prædictio, quæ à peritissimis fit astrorum, cùm Deus optimus rerum omnium moderator non ita occultas esse aliquando imminentes calamitates voluerit, ut eas devitare non possimus, si expurgiscamur. Sed propter inscitiam ferimur NB. plerumq; tanquam prono alveo fluminis, neq; studemus per sapientiam viribus astrorum resistere. Nam profectò facilius est sapienti prævisum quàm ignoratum periculum devitare, cùm imprudentia contra, & inscitia periculi devitandi ipsa propè sit necessitas.

Sixtus ab Hemminga edidit quidem Astrologiæ refutationem, nihilominus tamen in genitura Johannis Austriaci fatetur, quod deduxerit 7. annis ante mortem Austriaci pro vitæ

longitudine Lunam ad oppositum Saturni, & horoscopum ad corpus Saturni, & quòd pervenerit Lunæ directio ad Saturni oppositum annis 31. & mensibus 7. quo ipso tempore ætatis suæ, & anno, & mense, & die Austriacus fatis obtemperavit, peste scilicet anno 1578. 2. Oct. hor. 2. pomerid. extinctus. Et addit: Si in omnibus nativitatibus, vel etiam plerisq; hoc pacto convenirent eventus cum directionibus, solam se Astrologiam magnificere velle, eamq; præ cæteris scientiis unicè amplecti, & tanquam divinam colere.

Matthæus Delius Danus constituens in Oenoponte Philippo Hisp. Regi figuram nativitatis anno 1551. Medico Cæsareo Caroli V. tempus nativitatis ipsi præscribente, judiciumq; ejus postulante, prædixit, ex Marte in secunda retrogrado & damnato à Luna, Lunâque vicissim ab illo, significari ei paternæ substantiæ diminutionem aliquam, Solemq; in domo cadente diminutionem potentiaæ ejus, cum visa esset maxima. Erexit etiam codem loco & tempore Carolo, Philippi Regis filio thema, in cuius expositione scribit sequentia: Hæc figura inchoata est in ipsa cōjunctione luminarium incidentium in tam gravissima loca Eclipsum præcedentis anni, ita ut nō debito tempore prodierit infans, & mirum quòd ipse unà cum matre non perierit, raro enim veniunt ad senectutem, & si vivunt maximas experiuntur adversitates. Quidam carent visu, quidam auditu, alii loquela, ut hic natus, tamen processu temporis mutabitur, non erit tam longævus quam pater, morietur in adolescentia, post directionem Saturni ad ascendens.

Michaël Eitzingerus refert, Philippum Melanchthonem, cum Gulielmus Nassovius Auriaci pater filiorum genituras ei obtulisset, & de singulis judicium ejus exquirens, eam quæ est Auriaci considerasset, dixisse, multa quidem eum moliturum ac magna, sed mortem fore violentam. Idemq; ipsi Cornelium

Gem-

Gemmam & alios prædixisse Eitzingerus refert. Est autem
an. 1584. 30. Jul. tribus plumbeis globulis è parva bombarda à
nobili Burgundo Balthasare Serac, aulæ suæ familiari, emissis,
Delphis in Hollandia, vita privatus, ut ita Philippi, Cornelii
Gemmæ & aliorum prædictiōni eventus responderit. Natus
est anno 1533. 13. April. circa hor. 14. aquario ascendentē, qui à
Marte cum altero luminari hostilibus radiis impugnabatur,
unde facilis fuit de violento exitu prædictio.

Scribit Schleidanus, Carolum V. iisdem Calendis, quibus
natus erat, Imperatorem creatum fuisse. Habuit autem in ortu
Capricorni sidus, quo sidere etiam natus fuerat Augustus, qui
propterea nummū felici Capricorni sidere percussit, ad quod
etiam Horatius alludit, cùm Hesperiæ tyrannū Capricornum
appellat: eodem sidere Carolum Borbonium, & Cosmum Me-
dicen natum Cardanus scripsit, Selinum quoque Turcarum
Principem, qui 7. Calend. Sept. eodem mense quo Augustus
Marcum Antonium vicit, Regem Persarum Hismaëlem in
Caldezaniis campis fregit. Biennio post iisdem Calendis Cam-
psonem Soldanum de Imperio dejecit. Hi omnes habuerunt
Capricornum in ortu, & singuli ad maxima imperia regna, du-
catus, & opulentas hæreditates pervenerunt, multaq; & gra-
vissima bella felici exitu gesserunt. Unde hujus artis consensus
intelligi potest. Quo fundamento proculdubio nixus Basilicus
Mathematicus, prædixit Cosmo Florentiæ Duci, cùm adhuc
privatus esset, de quo eo nihil cogitaretur, ingentis opulentia
hæreditatem ei portendi, quod in ipso genituræ horoscopo
Capricorni felix astrum mirabili conspirantium siderum aspe-
ctu irradiatum esset. Autor Jovius.

Idem Alexandri cædem magna cum multorum admira-
tione indicavit, & tanta animi confidentia, ut certum quoque
percussorem designaverit, qui esset ei intimus, habitu gracili,

suspensa taciturnitate, ferè cæteris insociabilis. Quibus indiciis quasi digito monstrabatur Laurentius Medicus, qui nefario ausu ipsum contra omnia consanguinitatis jura in cubiculo trucidavit. Idem Jovius.

Adducendus deniq; in hunc chorū est Galenus lib. 3. de diebus criticis, de reliquis prædictionibus: & Hermes Trismegistus in Jatromathematico, hoc est, in sua Medicinæ cum Mathesi conjunctione inquit: Illud denuò repetendum est, quod nos observantes verissimum esse experti sumus, ab Ægyptiis Astronomis inventū, Lunam non modò ægris, sed etiam sanis dies tandem quales futuri sint, posse prænunciare. Si enim ad Planetas temperatos steterit, quos Salutares Latini nominant, faustos & bonos producere, siad intemperatos, graves molestosq;. Fingamus homine quodam nascente salutares Planetas in ariete, malignos in tauro esse. Is homo cùm Luna in ariete, cancro, libra, & Capricorno fuerit, pulcrè habebit. Cùm verò taurus ipsum, vel tetragonum aliquod, vel diametrum signum occupat, malè tunc & funestè vitam transiget: atq; jam morborum initia huic, cùm Luna in Tauro, Leone, Scorpione, & aquario fuerit, pessima, sine autē periculo & salubria sunt, cùm Arietem, Cancrum, Libram, Capricornū Luna percurrit. Hoc verum esse, non solū Medici hujus seculi prorsus affirmant, sed & quotidiana experientia testatur, ipsi q; ægroti sensibiliter percipiunt, quemadmodum etiam ego hoc verum esse sensi & expertus sum. Nam cùm in juventute mea ex asthmate valde laboraverim (quo jam divina favente gratia liberatus sum) ex conjunctione Lunæ cum Saturno aut Marte, & futuro signo ascendentे ab ipsis tempore nativitatis meæ læso, certò mihi ipsi prædicere potui, qua die & hora essem laboratus: quam etiam ob causam huic arti, & Medicinæ, majore studio & labore deinceps incubui, ut sic propriæ sanitati, quæ omnibus tri-

umphis

umphis & divitiis in tota vita præstantior est, morbi necessitate adductus, consulerem. Hæc Hermes.

Hactenus de variis & mirabilibus effectibus ac eventibus ex astrorum vario concursu, diversaque irradiatione in hominibus, quos Astrologi diligentiores observarunt: sequuntur nunc historiæ de Planetarum, in primis superiorum conjunctionibus, oppositionibus, Eclipsibus ac Cometis, futurorum & calamitosorum sæpè eventuum prænunciis, ut sunt diversi generis morbi, bella, seditiones, frugum corruptio, &c. tales enim prædictiones, quæ sumuntur ex conjunctionibus & eclipsibus, esse signa vera divinæ jam imminentis vindictæ, monentia homines de futuris calamitatibus & mutationibus, omnium seculorum monumenta testantur, ut luculentè videre est ex annexo sub finem insigne tractatu Cypriani Leovitii, (excuso Laulingæ, anno 1564.) qui Prognostici Astrologici tractationem ultra 1600. annos in præteritum tempus recurrendo, (quod neminem hactenus fecisse constat) ex ipsius artis fundamentis extructam, nec cœco judicio, nec inani quadam curiositate absq; causis Physicis sumptā, sed ex omnium temporum perpetuò sibi consentiente artificum observatione erudita petitam, historiarumq; ingeniosa ac certa historiarum longi temporis collatione firmavit.

Nunc operę quoq; esset pretium, conjunctiones magnas superiorum Planetarum, eclipsiumq; numerum ab anno 1584. in annum usq; currentem 1617. & in sequentes etiam perquirere ac enumerare, verūm, quoniam ex Calendariis ab eo tempore in lucem editis, ut & ex tabulis motuum omnium Planetarum seu Ephemeridibus id facile, ab intelligentibus præser-tim, seriemq; annorum & mensium diligentius consideranti-bus, observari potest, plura etiam addere supersedebo.

Unum tamen omissum non oportuit, cùm Leovitius

in qua
n lumi-
nobser-
S pau-
sola-

nullam fecerit mentionem Eclipsium lunarium, sed tantum & præcipue solarium, non videbitur alienum planè ab instituto nostro, Lunarium etiam eclipsium, earundemq; effectuum expositionem quandam, relationemque historicam ex superiori seculo addere.

Sic paulò ante prælium Alexandri & Darii ad Arbelam, in quo prælio Darius periit, & Monarchia Persica ad Græcos translata est, eclipsis Lunæ visa est.

Pridie quām Perseus cum Romanis prælio decertavit, Luna nocte defecit, quod ostentum cùm multi reformidarent, & à pugna abstinentem esse Regi dicerent, infausto consilio certamen, quod detrectare & effugere poterat, iniit temerè, in quo Imperium, opes, & libertatem simul amisit. Plutarch.

Eclipsis quoque Lunæ præcessit bellum sacrum, quod cum Phocensibus gestum est, & duravit 10. annos. Diodorus, Pausanias.

Sic Lunæ Eclipsis fuit eo anno, cùm secundum bellum Chartaginense seu Punicum incepit. Polybius.

Ab urbe condita 584. 3. Sept. fuit Eclipsis Lunæ, & altera 22. die ejusdem mensis, cùm Æmilius Paulus Regem Macedonum Perseum vicit & cepit. Livius, Florus.

Eclipsis item Lunæ præcessit obitum Herodis Magni.

Luna in aquario cruentata est circa mortem Domitiani, ut ipse prædixerat pridie quām periret, aliquod factum futurum, de quo loquerentur homines per terrarum orbem.

Paulò ante Alarici adventum in Italiam insignes Solis & Lunæ defectiones inciderunt, & stella crinita fuit conspecta. Sigan. de Imper. Occid. c. 10.

Anno 394. Theodosius Eugenium vicit, & Theodoritus ac Zozimus biduò rem confessam scribunt hoc modo: Cùm defectio Solis incidisset tanta, ut noctis tenebras adæquaret,

Gothi

Gothi prope omnes (decem autem millia fuisse feruntur) unà cum Barurio Duce desiderati sunt, noxque prælium diremit. Siganus.

Anno 345. sub Constantino in Italia res admirandæ, & portentorum similes evenere, siquidem, ut notat Cedrenus, terra adeò vehementi motu concussa est, ut 12. oppida in Campania procubuerint: Sol autem tanta obscuritate infectus est, ut stellæ interdiu perinde ac noctu micuerint. Siganus.

Eclipsis totius Lunæ præcessit captivitatem urbis Imperatricis Constantinopolitanæ, quæ facta est ab Andronico jun.

Mortem Cæsaris Andronici senioris duæ Eclipses præcesserunt: prima fuit Solis per tot dies, quot annos ille vixerat. Hanc secutus est defectus Lunæ 12. Febr. quo die circa noctem obiit. Nicet.

Scythæ Istro trajecto Romanorum Thraciam usque ad Hellespontum incursarunt, quam cladem Solis & Lunæ defectus intra dies 16. consecuti, portenderunt: contigitq; lunaris in prima, solaris in 15. piscium. Nicet.

Anno 680. Luna splendorem suum mirabili obscuritate fœdavit. Julio autem, Augusto & Septembri Romæ tetra adeò pestilentia est oborta, ut frequentatis funeribus Libitina nō sufficeret, reliquam inde Italiam adorta, in primis Papiæ urbem ad vastitatem rededit. Siganus.

Anno 807. Luna ter obscurata, & semel Sol: & cùm prima eclipsis Lunæ visa est, apparuerunt in aëre eadem nocte aries miræ magnitudinis: triennio post eclipses etiam 4. visæ: paulò post secuta mors Caroli Magni, cuius occasione multæ confusiones in Europa exortæ. Eginbertus.

Paulò ante memorabilem stragam Caroli Magni in montibus Pyrenæis, Sol adeò obscuratus dicitur, ut stella Mercurii prope illius centrum velut candidior macula spectaretur.

Anno 1327. i. Decembris die fuit eclipsis Lunæ: pauloq; post mortuus est Ottomannus, ex quo Turcarum Imperatores descendunt.

Anno 1356. in principio Martii fuit eclipsis Solis, nec non anno eodem eclipsis Lunæ: quas secuta est pestilentia: & Eduardus Angliæ Rex fudit Francos, cepit Regem cum filio Philippo, & abduxit secum in Angliam.

Anno 1544. tres fuerunt eclipses lunares, & una solaris, quas secutæ sunt res non visæ à Caroli Magni tempore, ingens bellum inter Cœsarianos & Gallos, inter Anglos & Scotos, cum magna agrorū vastatione & clade hominum, religionisq; cau-sâ persecutio magna. Schleidanus l. 15. Fuit quoq; eo ipso anno conjunctio Saturni & Jovis. Sic anno 1556. in Novembri utriusque luminaris fuit eclipsis, quarum effectus & operatio in sequentem 57. annum se extendit, & 5. Martii die visus est Cometa in Germania, quem Constantinopolitaní viderunt 12. dies flagrare. Paulus IV. Pontifex movit bella in regno Neapolitanó contra Philippum Regem Hispan. 26. Februarii moritura lector Palatinus Fridericus, filius Philippi: Turca facit eruptio-nem in Stiriam, & multa oppida devastat, Sigethumq; obsidet. Anno 1557. Albertus jun. Marchio Brandenburgensis, Casimiri filius, moritur 8. Jan. Et eodem anno Regis Philippi Hisp. exer-citus vicit Gallos apud S. Quintinum, & præcipui ex nobilita-te capti, multiq; interfeci.

Anno 1558. eclipsis Lunæ 2. Apr. sicut & anno 1559. eclipsis Lunæ 17. Sept. visa est, quibus annis sequentia contigerunt: In principio Januarii Rex Galliarum cepit urbem Calethum: Christophorus Dux Braunsuicensis, Archiepiscopus Bremen-sis obiit. Item Leonora, Caroli V. & Ferdinandi soror, Ema-nuelis Portugalliae primò, postea Francisci Galliæ Regis uxor: Archiepiscopus Coloniensis Antonius de Schauenburg 21. Se-ptemb.

ptemb. Carolus V. in Hisp. in S. Justi cœnobio, quem Maria soror ejus, Ludovici Regis Ungariæ uxor ferè post mensem secuta est. Georgius Comes Wirtembergensis 21. Dec. Maria Regina Angliæ, Philippi Regis Hisp. uxor extincta est 16. Calend. Novembr. Reginaldus Polus Cardinalis doctus, natus ex Margaretha, Eduardi IV. Anglorum Regis nepte, hoc etiam anno è vivis excessit. Anno verò 1559. 1. Jan. Christianus III. Daniæ Rex moritur, quem secutus est Christiernus II. quondam Rex Daniæ, Sueciæ & Norvegiæ, affinis Caroli V. captivus: & Ottho Henricus Comes Palatinus Elector 12. Febr. Lucas Gauricus Episcopus 6. Mart. Johannes Gropperus Cardinalis 14. Mart. Episcopus Herbipolensis Melchior Zobel 15. April. trucidatur bombarda. Franciscus Ottho Dux Luneburgensis 29. April. obiit. Henricus Rex Galliarum in hastiludio circa oculum per Galeam læsus, obiit diem suum 10. Aug. Paulus IV. Pontifex 18. Aug. Hercules Ferrariensis Dux 3. Octob. Dithmarsia à Friderico II. Rege Daniæ, Ducibusque Holsatiæ est subacta, antehac libera & invicta gens. Moscovita quoque incredibilem exercuit tyrannidem in Livonia. Episcopus Labacensis Donna-verda fregit collum. Regina Scotiæ periit. Bajazetes & Selimus, Solimanni filii dimicant inter se.

Anno 1560. fuit eclipsis Lunæ 12. Mart. Solis verò 21. Aug. quo tempore & anno mortui sunt Philippus Dux Pomeraniæ. Johannes Fridericus, Johannis Friderici Electoris nepos. Gustavus Rex Sueciæ 29. Sept. & 5. Decemb. Franciscus II. Galliarum Rex.

Sed quid memorem singulis ferè sequentibus annis eclipses visas, quas tyrannica facinora, cruenta bella, injustæ & contra datam fidem cædes, rapinæ, proscriptiones, interfectiones insontium, trucidationes bonorum, morborumq; varia genera sunt subsecuta, quæ conticenda potius sunt quam recensem-

da, ne consolidata ferè vulnera refricentur, præteritarumq; æ-
 rumnarum memoria renovetur. Taceo nunc horrendam il-
 lam admodumq; calamitosam Lunæ eclipsin factam hoc an-
 no 1617. 6. Aug. hor. 8. pomeridiana, ut ita universalis experien-
remnes
ictiones
ologicas
ssima sunt
ab Eclipsi-
desumun-
 tia testetur, omnium prædictionum Astrologicarum certissi-
 mas & verissimas esse eas, quæ sumuntur à loco, quantitate, &
 tempore eclipsium Solis & Lunæ, quas artifices, astrorumque
 cultores & observatores longè ultra hominum memoriam
 ante Christum natum, & pòst etiam prædixere, effectusque ea-
 rum exposuere, & jam adhuc eas futuras scriptis suis Epheme-
 ridibus Astrologi indicant. Qui igitur siderum motus nume-
 ris persequuntur, ea prædicunt, quæ naturæ necessitas perfe-
 ctura est, videntq; ex constantissimo motu Lunæ, quando illa ē
 regione Solis posita incurrit in umbram terræ, quæ est meta
 noctis, ut eam obscurari necesse sit. Cumq; hæ Eclipsium præ-
 dictiones ex certis & veris demonstrationibus constent, (nam
 infallibiliter, quot eclipses præterlapsæ fuerint, subductis nu-
 meris colligi, & quæ adhuc futuræ sint, prævideri & prædicti in
 multa secula potest) & experientia universalis testetur, ecli-
 pses, regionibus damna, nec non hominibus incommoda plu-
 rima, Principibusq; mortem plerunq; præsignificare, id quod
 etiam haec tenus enumerata exempla confirmant, sequitur cer-
 tè, Astrologorum divinationes vanas non esse, cœlestesque si-
 gnificationes, quas Deus singulari consilio in cœlo spectandas,
 certis temporibus in conspectum producit, prorsus irritas non
 esse, proindeq; extremi stuporis, hominisq; plus quam Epicu-
 rei, cyclopicoq; furore prorsus dementati, & præ insania im-
 mensa nihil amplius sentientis, divina illa decreta & significa-
 tiones, exhibilare. Ac persuadere cœli fatiq; potestatem quoq;
 videntur multa, quæ quasi supra vires mortalitatis fieri vide-
 mus, multa præter rationem, ordinem & institutum conditio-
nis

intrapri-
 um homi-
 um genus
 includitur.

nis humanæ. Hic ad Philosophiam, ille ad Poëticam aptus natus est: hic arma tractat felicius, alius aliter: hic sanus, ille morbosus: hic audax, ille meticulosus: ille placido, ille turbido ac minaci ingenio est: sunt in exemplis, qui ab aratro ad purpuram & regnum vocati, & ignobilis miles Imperator factus. Ita multi, dum se planè dejectos credidere, in sublime rapti sunt, multos exilia claros fecere, & optata consecutis sæpè exitio fuerunt & opprobrio. Quæ certè astrorum potestati quodammodo ascribenda sunt, divino scilicet nutu sæpè delusâ hominum prudentia res administrante, cœlestiumq; dispensatione hæc inferiora regente. Alexander tam citò vicit Otientem, quam vidit. Marius septies Consul, totiesque exul, & ex exule rursus Consul factus est. Julius Cæsar subitò Romanum Imperium subegit. Pompejum Rempubl. Romanam defendantem fortuna deseruit. Cato sapiens seipsum interfecit. Augustus, Antonius & Lepidus, ut soli in Republ. dominarentur, ceteros excellentes viros, inter quos etiam amici & propinqui fuerunt, unus in alterius gratiam per proscriptionem propositis præmiis interfici curarunt. Et rectè Firmicus ait: Fortis ab ignavo superatur (ein Bernheuter erstickt oft einen dapfern Mann) bonum prosternit inferior, justo justitia non prodest, castos providentia sæpè decepit, pudicis ac sobriis impudicus & dissolutus in honoris petitione prælatus est, jacent strenui, vincunt timidi, laudantur improbi, probi deridentur, & quicquid huic profuit, illud alium incauta imitatione decepit, astris sic dispensantibus. Atque hinc fit, ut quidam insatiabili Veneris desiderio pruriunt, non quidem ex parentum solum instillatione, sed peculiari astrorum positu & influxu,

NB.


Et ex astris miram quandoq; fortunæ varietatem penderre exempla nostri seculi attestantur. Christiernus II. Rex Danicæ, Sueciæ & Norvegiae tribus avitis regnis ejectus est, & in-

captivitate detentus per annos ferè 27. cùm uxorem haberet Caroli V. sororem, & unicam sororē suam Joachimo Electori Brandenburgensi elocasset, cæteriq; ferè Principes Germaniæ ei sanguine essent juncti, ac quoque duas filias progenuisset, quarum una Duci Mediolanensi, ac postea Lotharingico, altera Electori Friderico Palatino nupsit, tamen eum propria potentia, familiæ dignitas, affinium & amicorum splendor & majestas defendere, & captivum liberare non potuerunt. Ericus quoq; Suetiæ Rex fratrem Johannem Ducem Finlandiæ captum in carcerem conjecit, qui elapsis paucis annis, fratre rursus carceribus inclusò regnum est adeptus, ita, ut qui modò Rex, postea captivus, & qui paulò ante captivus fuerat, mox regno vicissim potitus sit: atq; sic omnia regna fatali cuidam potestati & varietati sunt subiecta.

Concluditur igitur firmiter, Deum singulares vires & potestates stellis indidisse, & has tanquam milites sui exercitus saepissimè vagari permettere: dico indidisse, non tantum in amplum aërem eas exerendo, verùm etiam in corpora & humores hominum singulorum (magis tamen in hunc quām illum) quos pro sua quæq; natura & viribus afficit & disponit. Unde astra sunt signa, & velut typographi, quorum characteribus primū animus noster est informatus, appellanturq; à Patribus, vates, præcones, exercitus coelestes, legati mandata Dei exequentes & angelorum. Et horum ministerio utitur Deus ferè semper, ut mediis & causis secundis, (quanq; multa agit illis planè non adhibitis) & sic utendo conservat illorum efficaciam & virtutes, quas illis ab initio creando infudit, & sinit eas tales exercere, proad illi libuerit. Divus Ambrosius ^{ἀκεληστία} huic meo Astrologico imponet coronidem, dicens: Elementa compati, cùm luminaria patiuntur: nam horum tristi deformi q; aspectu omni tempore hominum animi conterriti expaverunt,

verunt, trepidaruntq; occulto scilicet sensu naturæ præsagiente secutura damna. Hæc Ambrosius. Eat nunc stolida turba, ac astrorum potestates derideat, secureque & superbè has cœlestes significationes, magno cum suo detrimento ac periculo abjiciat atq; contemnat. Deus se derideri non patietur. Phryx non emendatur nisi plagis, frustrà verò Neptunum invocat, qui secundò patitur naufragium.

Prudentiores facilè haud dubiè se admoneri hinc divinitus animadventent, ut discant matura pœnitentia, & vera pietate ad Deum configere, & antevertere iram Dei horrendam adversus peccata nostra, pœnarumque futurarum præcavere gravitatem.



BREVIS ET SOLIDA CONFUTA-

*tio præcipuorum argumentorum, quibus pars adversa divinationem omnem ex astris rejicit,
atq; eludit.*

FInem ἀνεγέγειται meo imponere hîc meritò possem, cùm fere omnia, quæ in contrarium afferri à Sciolis solent, partim sint adeò clumbia & straminea, ut vix sint digna, quæ in hominum veniant memoriam, partim etiam ex supra, & quidem ubi triplex hominum genus circa divinationes Astrologicas vivis coloribus est depictum, in medium allatis argumentis tam artificialibus, quam inartificialibus, facilè confutari possunt. Quædam enim sunt ejusmodi, ut laborioso responso opus non sit: quædam inania sunt commenta, nec firmamenti veriq; præsidii habent quicquam, & satis est, si simpliciter eludantur: alia sunt ita comparata, ut stolidum & supervacaneum sit in illis diu immorari. Non igitur ægrè feres, amice lector,

nec me contra officium deliquisse objicies, si inertiae, vituperiorum, & ignavorum περιηγάτων, quibus intra modestiae cancellos manentibus opus non est, me profitear hostem implacabilem. Memoremur enim Patrocinii, quod veritati Astrologicæ ex officio debeo, quid me deceret, perpendi, præsertim cum inteligerem ad omnium artium Studiosos non parum inde utilitatis perventurum. Sed procedat argumentum primum.

Quicquid expresso Dei verbo est prohibitum, id est illicitum. Divinatio Astrologica expressa Dei verbo est prohibita. Ergo est illicita. Probatur minor ex vers. 10. & 11. Deuter. cap. 18. Cum veneris in terram, quam Dominus Deus tuus dabit tibi, cave imiteris abominationes illarum gentium, nec inveniatur in te qui lustret filium suum aut filiam, ducens per ignem, aut qui ariolos sciscitetur, obseruetque somnia, sortilegia, atque auguria, nec sit maleficus, nec incantator, nec qui Pythones consulat, divinos, & querat ex mortuis veritatem, omnia enim haec abominatur Dominus, & propter hujusmodi scelera delebit eos, &c. Hoc Achillæum est adversariorum, cuius assumptio est falsissima: primò enim distinguendum est inter divinationes seu prædictiones vanas, superstitiones, illicitasque, quæ noxiis fallaciis homines deludunt, dæmonumque; fraudibus ac maleficis intricatae sunt, quas nemo nisi facto cum dæmoni pacto exercere potest, ut Cyprianus l. de duplice martyrio, & August. lib. 2. de doctrina Christ. c. 23. testantur: Et prædictiones, quæ procedunt & sumuntur ex causis, & signis naturalibus, nec non in violabili motuum cœlestium lege & observatione, & propterea veritate non carentes.

Primum divinationum genus meritò & rectè infame, & Deo est abominabile, ordiniique; & divinis oraculis contrarium, propterea quod Pythonem Delphicum λοξα responsa & ambigua oracula dantem, & Pythonem Chaldaicun habet automaticum.

rem. Maximè autem viguit hoc divinationū genus apud Chaldaeos & Ægyptios, qui vanis commentis artem & cœlum repleverunt, omnium hominum fata, omniumque, quæ eveniebant, causas ex cœlo, horis Planetarum, astrorumq; positu, tamquam inevitabili quadam necessitate deducentes. Hæc est illa Astrologia, quæ corrupto nomine est Genethliaca dicta, à S. S. Patribus, Theologis, Medicis, Philosophisq; recte damnata, de qua intelligendi sunt omnes S. S. textus, Levit. 19. & 20. Deut. 18. Esa. 47. Jerem. 10. & plures alii: cùm nihil sit aliud, quam illicite & pernitosè Magiq species, &c. de qua æquus lector plura legat in responso meo Antijesuitico, edito Francofurti nondinis vernalibus hujus anni. Ergo crassa inscitia est, hanc à vera & Christiana non discriminare, nec animadvertere, textum ex Deuter. allatum de naturali & erudita Astrologia intelligi non posse, cùm expressis verbis fiat mentio auguriorum, sortilegiorum, hariolorum, maleficorum, incantatorum, atque eorum, qui ex mortuis quærunt veritatem, necromantici dicti & necyomantici, quibus cum Christianus Astrologus nihil habet commune, imò tantum dissident, quantum ipsa Magia dæmoniaca à vera & naturali. Tantum de primo.

2. Quæ soli Deo competit, ea nullo sibi arrogare jure homines possunt.

Futurorum contingentium scientia soli Deo competit: Ergò nullo jure sibi eam homines arrogare possunt: minor probatur, quia Deus futurorum contingentium scientiâ ab omnibus rebus creatis distinguitur, ergo etiam futurorū scientia ei soli competit. & ad assumptionem, distinguendo inter futurorum scientiam distinctam & perfectam, & futurorū scientiam indistinctam & imperfectam. Deus omnium futurorum præscius eorundem scientiam habet ab æterno, & perfectissimam, homo verò futurorum scientiam adeptus est obscurius sculam.

sculam & indistinctam, hoc est, conjectare potest ex signis quibusdam id, quod futurum est, παχυμερέσεων. Quanquam enim, inquit Michaël Glycas, homo in paradiſo peccavit, & conſefsum ſibi vaticinandi munus amisit, non tamen misericors ille Deus prorsus eum ſimilē voluit brutis evadere: unde signa ei quædam ſuppeditavit, de quibus interdum futura proſpiciat, eoq; paſto ſecuritati ſuā consulat. Nec, inquit Richardus Dinothus Normannus de Astrologia, inquisitio astrorum, ſecre-
tarumque virium ac influxionum eorum, Dei providentiæ de-
rogat, imò ipsius Dei majestas magis illuſtratur, cùm tam ma-
gnas res eum per creaturas ſuas efficere intelligimus. Recte
quoque Sixtus ab Hemminga nobilis Frisius in Epift. ad Henr.
Ranzovium ſcribit: Cœlum expaſum, & infinitis luminibus
exornatum, repræſentat nobis imaginem æternitatis, ſed cuius
literas, lectionem & intelligentiā perfecte non tenemus. Non
igitur valet conſequens, Deus perfectiſſimam habet omnium
futurorum ſcientiam, ergo homo planè nullam: ſic enim A-
ſtronomorum de eclipsibus prædictiones quæ certæ ſunt, &
Medicorum etiam præſagia in morbis acutis, quæ raro fallunt,
vana eſſent & irrita. Unde Hippocrates l. de aëre, aqua & locis
jubet astrorum ortus & occaſus obſervare, ut Medicus fu-
turom anni ſtatū poffit præcognoscere. Futuorū igitur ſcien-
tiā homines defraudandi omnino non ſunt, quamvis paucie ea
ſint imbuti, nec omnes pari felicitate & industria, quoniam
cœlum, tanquam liber apertus, in quo futura per ſteſlarum &
luminarium transcurſus ſignificantur, iis tantum recluditur,
qui astra divinæ virtutis instrumenta quædam, & divinæ pro-
videntiæ documenta eſſe ſtatuum, Deoq; velut primariæ cau-
ſæ astrorum effectiones aſſcribunt. Impium enim eſt aſſevera-
re, Deum non poſſe in hæc inferiora agere, niſi mediantibus
corporibus cœleſtibus. Quicquid enim in hoc mundo per a-
ſtrorum

Strorum dispositiones efficitur, omnia in Deum effectus cœlestes dirigentem rectè referuntur. Atque hoc ipso etiam refellitur argumentum, quod sequitur ordine tertium.

3. Si Deus non potest operari, nisi adhibitis mediis, id est, cœlo & stellis, ut volunt Astrologi, erit imperfectus. Sed verum primum, ergo & posterius. Ex primò sanores Astrologi, totum syllogismū laborare morbo falsi & fallacis consequentiæ: propositionis enim antecedens ex Chalcidico Platonico, & Epicuri deliramentis desumptum falsissimè sanis Astrologis tanquam pronunciatum tribuitur.

Deinde non sequitur: Si Deus indigeret mediis in operando, esset imperfectus, id enim non oriretur ex divinæ virtutis defectu, sed ipsius effectus inferioris imbecillitate, qui ex sua imperfectione ita perfici non potuit: unde Plato in Timæo inquit: Non licet purum ab impuro tangi: quemadmodū enim oculus imbecillis meridianam lucem intueri nequit, devexo tamen lumine Solem inspicit, ita effectus inferior à Deo immediatè non producitur, qui splendorem inhabitat inaccessum, cuiusq; oculi penetrantiores sunt lucidioresque ipso Sole, sed medio instrumento cœlorum: Summus enim conditor suaviter cuncta, eleganter & sapienter composuit atq; distribuit: ita quidem ut cœlum, Olympiciq; habitaculi cives in operando à Deo tanquam causa prima dependeant.

Huius succedit 4. Si astra agunt seu vires suas exercent in humores corporis humani, quod unanimi consensu profitentur & concedunt omnes, utique etiam agent in voluntatem ipsam, & sic voluntas hominis libera subjiceretur dominio stellarum, quod absurdissimum. Nobilius enim ignobiliori subiectum esse nequit, sicut nec agens passivo excellentius, & materiale immateriali præstantius censi debet. Hoc argumento omnem de prædictionibus Astrologicis scientiam convelli ac

Iabefactari firmiter arbitrantur. Itaque tantò solidius est eis respondendum, quantò confidentius id sibi persuadent.

Principales syllogismi sunt : 1. Immateriale materiali est præstantius : at voluntas est spiritualis, cœlum materiale, ergo cœlesti illa corpore nobilior est, quare etiam ei non subjicitur.

2. Voluntas humana est libera, Arist.lib. Ethic. & alibi, cœlestibus igitur corporibus non subjicitur. Consecutionem probant, quia ex Aristotelis sententia cœlum ex necessitate agit, quare necessariò movebit voluntatem, unde coacta manebit, non libera.

Bz. ad 1. Voluntas, quâ voluntas est, corporibus cœlestibus non subjicitur propter rationem allatam : quâ tamen humana est, & sine corpore operari nequit, saltem ut ei conjuncta est, corporibus cœlestibus dicitur obnoxia, quia hoc modo materialis nuncupatur, ratione scilicet subjecti, quod materialis est. Cùm enim homo duabus constet partibus, corpore & anima, corpus instrumenti locum obtinet, quo mediante anima agit & operatur : unde si corpus fuerit bene affectum & dispositum, anima quoque bene operatur : si verò corpus male dispositum fuerit, anima quoque ipsa secundum actionem integrâ non erit. Sic cœlum & astra dicuntur agere in inferiora hæc corpora, & in corpus etiam hominis, non verò in animâ, cumque illud variis modis transmutet, afficiat, alteret & disponat, anima etiam ipsâ diversimodè agere cogitur, non quidem per se, sed propter corpus. Unde si corpus corruptum fuerit & inquinatum, ipsa quoque voluntas hominis corrupta deprehenditur, non tamen ut necesse sit voluntatem sequi naturam corruptam, quamvis ad male agendum sit proclivis, sicut contra in corpore bene disposito anima seu facultas intelligens, & cùm ipsa voluntas & malum cogitare & operari possunt. Licet igitur anima à corpore quodammodo affiliatur, habet tamen hanc

Hanc in se facultatem, ut possit dictam naturā corrigere, quamvis id fiat majori cum difficultate. Rectissimè enim Ptolomæus: Sapiens anima dominatur astris.

Ad 2. Hinc facilis responsio eruitur ad syllogismum secundum. Cogeretur voluntas, si corporibus coelestibus esset subiecta: negatur enim hīc consequens: subdita enim illis est quā materialis, quia sine re corporali non valet operari, non ut immaterialis, quia supra materialia est in eligendo: cumq; voluntas formaliter consistat in electione, & in hac sit immaterialis, rectè infertur voluntatem corpori cœlesti non subjici, & per consequens ejus libertati non derogari, si mediante cœlesti corpore movetur. Inclinare igitur astra voluntatem duntaxat, non cogere dici possunt, teste Ptolom.l.i.de astrorum judiciis, c. 4. Non autem existimandum est, inquit, omnia à supernis causis in res humanas rectâ derivari, tanquam inviolabili & divino quodam edicto proposito singillatim, ut nulla alia vis observere, quin ita illa grassentur, valeat. Nam ipse quidem cœlestium corporum motus sempiternus est, & procedit divino & invariabili ordine & lege: Inferiora autē mutationibus subjiciuntur de superioribus quidem & primis causis, sed accidit hoc illis per consequentiam legis & ordinis naturalis variabilis: & paulò post probat Astrologiæ nobilitatem, quia prævisa tela, quò minus ad nos perveniant, declinare possumus. Sic Medici de ulceribus vel ut serpent, vel ut putrescant, futurum pronunciant: imò plures sunt in morbis Medicorum constantes prædictiones ex motuum cœlestium observatione.

Sed instant Stoici rigidiores, vel potius Stoico Astronomi: totum esse & operari inferiorum corporum dependet à superioribus tanquā causis primis & essentialibus: ergo falsum, quod inclinent tantùm & disponant: Conseq. probatur, nam disponentia & inclinantia videntur esse causæ accidentales &

postiores. & Corpora cœlestia non solum ea, quæ eis directe subjiciuntur, qualia sunt materialia, inclinare & disponere, sed etiam procreare causarum instar essentialium. Verum cum actiones nostræ eis directe non subjiciantur, dependent enim à voluntate, quæ immaterialis est, ipsa quoque obnoxia astris non est, unde non possunt actiones nostræ à cœlestibus corporibus cogi urgerive, sed inclinari tantum atque disponi.

Hanc autem inclinationem dispositionemque ab astris accipit nostra voluntas, quatenus presupponit intellectum, cuius cognitio dependet à sensu: sensibile verò directe & per se cœlestibus corporibus subjicitur tanquam primis suis causis.

Urgetur porrò. Si sidera non cogunt, sed disponunt dunt taxat voluntatem, sequitur stante siderea tali inclinatione, voluntatem agere posse adversus illam: Si hoc verum, quæritur, numquid in ea actione, qua voluntas inclinationi superiorum agentium adversatur, ab ipsis superioribus dependeat, vel non? primum afferendum non est, quia si bitem ipsis superiora aduersarentur: neque etiam secundum, quia agens secundum in operando non dependeret à primo, quæ omnia sunt absurdæ, similiter igitur erit conclusio. & Non sequitur, voluntas non dependet à corporibus cœlestibus in actione, qua eis resistit, ergo agens secundum non dependet à primo, quoniam primum agens voluntatis est Deus, non corpus cœleste, quod dominum non habet in agentia immaterialia, ut est nostra voluntas.

Urgetur tertio. Dispositi ad scelera, ut Saturnini, Martiales & Mercuriales, semper agunt secundum congenitam dispositionem, ergo non tantum disponunt, sed etiam cogunt sidera, quod enim semper est tale, necessariò est tale. & antecedens absolute verum non esse, multi enim pericula evaserunt fatum prævidentes, ut patet de Augusto, referente Valer. Max.

I. i. & pluribus aliis; quorum catalogum vide suprà in principio
hujus tractatus. Contingit tamē ut plurimūm, ut plāriq; con- Nor. adi.
genitam astrorum sequantur inclinationē ad scelera, perpauci
enim sunt, qui rationis imperio morem gerant, quamplurimi
verò sensibus ducuntur & geruntur, qui prædictis astrorum
dispositionibus infecti sunt & affecti: cujus rei hanc rationem
assignat Ptolomæus l. 3. de Astrol. jud. c. 16. quia Mercurius ra-
tioni, Luna verò animæ sensitivæ præest: at Luna plerumque
validior est Mercurio duabus de causis: primò, quia corpore
longè major est & luce validior: altera, quia Mercurius propter
parvam distantiam loci sui à Sole, semper plerumque est sub ra-
diis ejus. Præterea, quemadmodum una virtus disponit ad alias
virtutes, sic unum scelus & peccatum disponit ad alia, & fit ha-
bitus, qui difficulter exuitur aut deponitur, nisi sapiens anima
sit præsens.

Quartò. Qui leniori sunt mente & ingenio, concedunt
quidem inclinare astra, interim tamē ab hac malorum efficien-
tia ajunt Deum non excludi. Sic enim arguunt: Dispositiones
hæ ad diversa scelera, quæ multis inhærent, proculdubio sunt à
Deo, qui autor est totius entis: vel igitur sic dispositi labuntur
in vitia, vel non: si primum, ergo ex Dei dispositione: si secun-
dum, vana, supervacua & otiosa redditur actio divina, cùm hæ
dispositiones ad similes lapsus à Deo ordinatæ, effectum non
consequantur. R. Has dispositiones datas esse à natura, quæ di-
vinæ potentiae vis est atq; facultas, non ut voluntatem supera-
rent, sed potius ut ipsæ superarentur à voluntate: quare volun-
tati dedit potentius fortiusq; dirigens, quām inclinans: diri-
gens namque voluntatem est ratio, quæ immaterialis est & æ-
terna, dispositio inclinans voluntatem corporea & materialis.

Quintò. Hæ dispositiones ad peccata sunt causa pecca-
ti: at hæ dispositiones sunt à Deo. Ergo Deus est causa peccati.

¶. Negatur major. Neque enim dispositiones, sed voluntas est causa peccati: illæ namq; vel auferunt usum rationis, vel non: si illud, non potest intervenire peccatum, culpa enim esse non potest, ubi ratio non habet imperium: si hoc, id est secundum, voluntas remanet libera in operando, ei igitur imputari debet, si male operatur.

Atq; hi sunt præcipui arietes, quibus pars aduersa arcem prædictionum Astrologicarum expugnatam atque eversam putat, sine rationis quidem fulcro, at non sine fuco. Reliqua quæ solent contra afferri, perplebeja sunt & solutu facilia. Audiamus tamen.

s. Opinio, quæ introducit Stoicorum inevitabile fatum, est explodenda. Astrologorum opinio introducit Stoicorum inevitabile fatum: ergo. Major probatur, quia Stoicum fatum è diametro cum decretis divinis pugnat: Minor probatur, quia, si cœlum est causa omnium mutationum, quæ accidunt homini, tam quæ ad bona fortunæ, quam corporis vel animi, ut docent Astrologi, quibus etiam hora mortis non est abscondita, non possunt hæc mutari, sed manent inevitabilia, quia cœlum immutabile est, & necessariò agit, quicquid agit. Si igitur cœlum omnium hominis actionum causa est, nullus dabitur locus libero arbitrio, sed omnes actiones erunt necessariæ, & sicut etiam nobis invitis, nam qualis causa, talis effetus. ¶. Laborioso responso hîc opus non est, solutio enim patet ex prioribus instantiis earumq; solutionibus: ad assumptionem autem respondebis per distinctionem inter Astrologiam & Astrologos, tantum stellarum observationibus tribuentes, ut omnes inde futuros eventus, non tam in his, quæ naturæ vi & instinctu fiunt, quam in iis quæ rationi & consilio subjiciuntur, prædicti posse existiment, & inter illos, qui quædam ex astris præcognosci posse, & quidē *παραχωρέσεις*, arbitrantur, nullamq;

iamq; actionum necessitatem inducunt. Dico quædam, multa enim sunt effecta naturalia, quæ ab astris tanquam causis proximis & necessariis dependent, ut sunt eclipses, siderum ac Planetarum conjunctiones, & oppositiones, quæ longè ante praesciri & prædici possunt, non quidem necessitate absoluta, sed ex hypothesi, cùm Deus tanquā prima causa ordinem naturæ à se sancitum pro placito possit, non repugnante etiā ulla creatura, immutare, ut patet ex 10. Josuæ, 4. Reg. 20. atque Esaiæ 38. cap. Reliqua, quæ in prosyllogismo assumptionis habentur, partim laborant manifestæ falsitatis, partim vitiosæ consequentiæ morbo. Ac diligenter sunt distinguendi hīc effectus stellarum, dependentes ab his tanquam causis proximis & necessariis, ab illis, qui oriuntur à stellis tanquam causis universalibus & remotis: unde, cùm præter universalem illam astrorum vim propinquiores causas requirant, nec semper eundem exitum fortiantur, non etiam certò & necessariò, sed contingenter tantum præcognosci possunt, ut sunt tempestatum aërisq; vicissitudines, calores, siccitates, pluviae, fertilitates, sterilitates, &c. quæ verò consilio fiunt & ratione, immediate & proximè ab astris non dependent, ut ex suprà allatis responsionibus satis appareat.

6. Stellæ & cœlum ab omnibus qualitatibus oppositis, quibus in sublunaria agant, sunt aliena & remota, siquidem sunt corpora constantia, & omnis corruptionis expertia. Probatur. Omnes enim stellæ, præsertim fixæ, eandem habent naturam, & qualitates naturales: omnes propter unum finem & usum sunt conditæ, videlicet ut luccant supra terram, motuq; suo certa temporum spacia definiant: pugnat quoq; cum stellarum & cœli natura, contrarias iis agendi virtutes tribuere, tempe calefaciendi, exiccandi, humectandi, benefaciendi, mafaciendi, serenandi, aëremq; perturbandi: & denique quo-
niam

niam variæ illæ alterationes in aëre non excitantur à stellis fixis, sed partim ab ortu & occasu Solis, ejusdemq; ad nos accessu, & à nobis recessu, partim à diversa Lunæ apparitione & illuminatione. Hæc ideo propono, ut studiosi habeant materiam, opponendi, & disputandi. Sed straminea sunt omnia. Qui enim cœlo propterea qualitates inesse negant, quòd nō sit naturæ elementaris, sed quintæ cuiusdam essentiæ, planè insensati existimandi sunt, quamvis non desint, qui mordicus contra sentiant. Esse enim in cœlo qualitates, indeq; ad nos defluere tum sensiles, tum occultas & insensiles, non est controversum apud eos, qui astra diligentius sunt scrutati. Ipse Aristoteles i. meteor. c. 3. astra vocat calida. Et 2. de ort. animal. c. 3. ait, caliditatem, quæ in animalibus est, neque ignem esse, neque ab igne habere principiū, sed à diviniore corpore quàm sunt elementa, provenire: id autem esse elementum stellarum. Nulla ergo solida ratione probari potest, stellas calidas non esse, cùm sint corpora lucida, & velut candelæ in mundo accensæ. Et planè ridiculum est, imò nullius genii, astra statuere in suo orbe qualitatis omnis esse expertia, & tamen virtute in subjectum idoneum agere, qualitatesq; & motiones excitare, Solem calidum non esse, virtute tamen hæc inferiora calefacere & exicare, imò fovere omnia & vivificare, luce scilicet & radiis. Neque enim quæritur, nec in controversiam unquam venit, an Sol sit ita aëtu calidus, ut ignis noster elementaris, qui substantia est fervida & in omnia graffans, & Luna ita aëtu frigida, ut nix, vel glacies, sed an Sol insito & congenito calore calefaciat, Lunaq; humectet? Hoc enim qui negaverit, cœlestis caloris spiritusq; solaris afflatus est planè indignus.

N.B. Cùm enim cœlestibus corporibus Astrologus tribuit qualitates, non intelligit passivas, & ejusmodi quæ sublunaris cognationis & corruptionis sunt, sed cœlestes, hoc est, naturæ & essen-

essentiæ corporum supralunarium conformes & respondentes. In cœlum, dico, non cadit mutatio successiva, quæ scilicet tendit ex una qualitate contraria ad aliam, quæq; disponit ad corruptionem, & interim tamen non repugnat cœlo mutatio perfectiva aut productiva, quæ scilicet fit sine corruptione aut abjectione alterius formæ, quamvis ad sublunaris subjecti conditionem & dispositionem virtus cœlestis semper se accommodet in perficiendo & producendo. Hæc sufficient ad hunc arietem debellandum.

Nunc singulæ syllogismi propositi probationes exutendæ, falsitasq; demonstranda. Primò enim verum non est, stellas easdem habere qualitates naturalesq; vires: pugnat enim id cum sensu & communi observatione & experientia, quæ duo sunt principia omnium scientiarum. Orionis enim, hyadum, arcturiq; vim in excitandis pluviosis & tempestatibus experimur: Caniculæ virtutem in ciendo calore & æstu, & ut uno dicam verbo, pro diverso stellarum concursu, accessuq; & recessu à se invicem, diversas in aëre & hominum corporibus alterationes sentiri, nemo inficiabitur, nisi in Cyclopū & Bœotum agro natus. Quin extremæ ruditatis signum est, affirmare, stellis, præter generalem illam virtutem illuminandi & calefaciendi, occultiores vires non inesse. Licet enim inter se convenient natura quadam generali, qualitatibusq; communibus, non tamen propterea existimandum est, tam infinitam stellarum copiam, speciali quadam natura & proprietate inter se non differre. Sumamus exemplum à natura plantarum. Quemadmodum enim quædam sunt salubres, quædam insalubres & venenatae, & tamen à Deo omnes in suo genere creatæ bonæ, ita etiam ex stellis quædam sunt maleficæ, quædam beneficæ, tum ex se, tum etiam respectu diversorum effectuum, quos in diversis corporibus & subjectis excitant sublunaribus, nam di-

versa subjectorum corporum dispositio varias à cœlesti influ-
xu recipit vicissitudines & mutationes, quod diligentioribus
Astrologis non est ignotum.

Ex hac tenuis igitur illatis argumentis contra Astrologiam,
eorundemque subjectis solutionibus probè pensatis, cuivis,
(modò cœstro contra artem non sit percitus) ad alia etiam que-
vis argumenta & objectiones respondere non erit difficile, in-
primis, quæ contra Planetarum & signorum zodiaci naturam,
aspectus, eorundemq; vires, conjunctiones, oppositiones, di-
rectiones, regressus, exaltationes, domicilia, ascensiones, de-
scensiones, Planetarumque triplicitates & dignitates sine ullo
rationis fulcro contra manifestam experientiam solent afferri.
Quis enim non observat, Lunam pro diversa ad Solem positio-
ne, crescentemq; vel decrescentem, diversa operari, & pro di-
versa ad Solem radiatur ut figuram, ita & proprietates & qua-
litates immutare? non dicam jam de diversis ejusdem effecti-
bus, quo transitu suo per 12. zodiaci signa singulis mensibus
excitat, sensu & experientia manifesta. Si in Luna hoc verum
est, ut certè est, etiam in reliquis Planetis idem fieri conceden-
dum est, non quidem quoad lucis vicissitudinem, cui Luna so-
la subjecta est, sed pro diversa eorundem ad Solem vel Lunam
irradiatione. Quin & ipsi augeri lumine, minuive dicuntur,
augeri cum Sol abiis, vel hi à Sole antea eos occultante, & sub
radiis comburente, recedunt, minui verò, cum radios Solis in-
currunt, iisque teguntur, quo tempore combusti & debilitati
dicuntur. Quid? quod Planetæ, in primis luminaria, alios atq;
alios effectus habere deprehenduntur, prout aliam atq; aliam
cœli domum, locumque occupant, idq; sensu & experientia
tam evidente, ut, qui negarit, dignus sit, cui omnes sensus adi-
mantur. Verum de his & aliis, alibi à me prolixius tractatum
est. Coronidis nunc loco, duæ adhuc objectiones, quas indis-
cussas

cussas relinquere non oportuit, sunt movendæ. ^{1.} Quòd Astrologia judiciaria Canonibus cum Ecclesiasticis tum secularibus, Imperialibusq; sanctionibus, atq; etiam sacris & divinis decretis sit in totum prohibita, tanquam ars fallax & mendax, cuius præmium est anathematis fulmen & excommunicatio: propositio probatur ex C. tit. de maleficis & Mathematicis, ubi Imperatores inquit, l. 2. C. eodem, artem Geometriæ discere atque exercere publicè utile est: ars autem Mathematica damnabilis est & interdicta omnino? Sed respondendum est sic argutanti per concessionem, verum scilicet esse argumentum, si intelligatur de illis Mathematicis, qui illicitas divinationes pollicentur, & ineptias suas Mathematicorum liberali nomine adumbrantes iniquè & falsò defendunt: quorum præcipua intentio est, casus, eventus & accidentia hominum circa vitam & mortē magicis incantationibus manifestare, sic enim textum allegatum interpretandum esse præter Ulpianum & alios, vir de studio juris meritissimus Cujacius scripsit in Cod. tit. de malefic. & mathemat. Nam propter insignem abusum Magia cum Astrologia ita olim confundebatur, ut, quicquid diabolicum, nefandum, illicitum, damnandumq; ex decreto & ordine divino recte judicabatur, titulum Mathematicorum sibi usurparet contra artis principia vera, id est, neq; Deo, neq; naturæ repugnantia. Verus Astrologus, nullis superstitionibus, sed veris & certis siderum influxibus in sublunaria evidenter agentibus nititur, causamque primò moventem Deum, non modo agnoscit, sed etiam piè & cordatè presupponit, veritatis scopum in suis divinationibus assequi licito probatoq; modo studens, &c. Atq; hæc vera solutio est primæ objectionis.

^{2.} Est autem tota occupata in zodiaci signis & Planetis: plausibilis admodum primo auditu, spectabilis primo obtutu, in verbis vera, sed sensu & intellectu depravatissima.

Qui sine ratione aliquid comminiscitur, idq; tanquam certum dijudicat, temeritatis meritò est arguendus.

Astrologi signorum, & Planetarum naturas comparant domiciliis cœli sine ratione. Ergo. Propositio patet. Assumptio probatur. Nam Astrologi unanimiter in eo consentiunt, aquarium esse Saturni carpentum & domicilium, quo in signo majoris perhibetur efficaciæ quām in aliis, propter affinitatem & convenientiam. At verò aquarius cum natura Saturni non convenit, nam Saturnus est frigidus & siccus, aquarius calidus & humidus. Ergo ratione aquarii cum Saturno nulla est conformitas, ratione scilicet qualitatum signi aquarii & Saturni. Merum igitur & purum commentum est, quod Astrologi asserunt. Sic Jupiter, inquiunt, nihil commune habet cum piscibus, qui Jovem agnoscunt pro Domino. Nam signum piscium est frigidum & humidum, Jupiter verò calidus & humidus: hic Jupiter concordat cum piscibus in qualitate passiva, videlicet humiditate, sed discordat in qualitate actuali, videlicet caliditate & frigiditate. Ergo vanissima sunt Astrologorum decreta. Hoc argumentum, ut dixi, plausibile est. Sed peritus & verus Astrologus distinguit inter signa stellata firmamenti, & inter signa primi mobilis, quæ dodecatemoria dicuntur, quorum præcisè quodlibet est 30. graduum, signum verò octavi orbis interdum plures, interdum pauciores gradus continet. Cumq; ex tardo firmamenti motu factum sit, ut stellæ fixæ & octavi orbis simul omnes loco motæ sint, & signa zodiaci octavi orbis, in suis amplius dodecatemoriis non existant, sed loco orientaliori, sequitur magnam esse differentiam inter dodecatemorion & signum stellatum. Nam signa mutantur & loco moventur, dodecatemorion loco non dimovetur, sed 12. zodiaci pars est fixa. Hæc sunt fundamenta artis. Nunc ad rem conclusivè & breviter. Saturno frigido & sicco tributum est si-

gnum

gnum aquarii calidum & humidum non stellatum (nam stellarum signi aquarii stellati sat magna pars hodie concessit in dodecatemorion piscium) sed dodecatemorion verum, naturæ & qualitatibus Saturni conforme, ille scilicet locus zodiaci, in quo magis gaudere & dominari deprehensus est, licet stellæ octavi orbis in id incidentes, seu eo inclusæ cum Saturno non usquequaq; omnes convenient, id enim nulla seculorum ætate observatum est, quamvis non omnes etiam ab influentia ejus & natura dissentiant. Sic pisces stellati in orbe 8. conspicui stellisq; insigniti non sunt verum domicilium Jovis, sed dodecatemorium piscium naturæ Jovis respondens & conforme. Non enim hæc dignitas Planetæ, quæ carpentum & domicilium dicitur, æstimanda & mensuranda est ex nomine seu appellatione & loco signi stellati, sed certo spacio zodiaci primi mobilis, naturæ, influentiæ, & dignitati ipsius Planetæ non repugnante, quamvis non negârim, reductionem aliquam fieri posse ad signa stellata, sed adhibito judicio firmato. Ac diligenter hîc observandum est, quenam & quot stelle firmamenti, seu orbis stellati cadant in quodlibet dodecatemorion, nam sine hac observatione omnes Astrologorum prædictiones cœcas esse & mancas apertè profiteor. Pertinent autem ad dodecatemorion arietis cornu præcedens, cepheus, Andromeda, piscium alter cum lino, & cetus, excepta cauda & capite, hoc enim incidit in principium dodecatemorii tauri, illa in finem piscium.

Ad taurum pertinent cornu arietis sequens, Cassiopœa, perseus, excepto dextro crure triangulum, arietis, ipsiusq; tauri pars posterior.

Ad geminos totum sidus aurigæ, caput tauri seu hyades, orion, lepus.

Ad Cancrum cauda ursi minoris, & majoris pars anterior, gemini toti, canis uterq; & Canopus.

Ad Leonem pars anterior ursi minoris, pars media ursi majoris, cancri præterea, leonis, hydræ, & Argonavis partes anteriores, & cauda draconis.

Ad virginem, cauda ursi majoris, leonis pars posterior, crater, caput virginis cum coma Berenicæa.

Ad libram virgo ferè tota, corvus, arctophylax, centauri pars posterior.

Ad scorpionem corona borealis, centauri pars anterior, chelæ seu lanx utraq;, caput serpentis, Herculis dextra, serpentis anteriora, lupus, centauri anteriora, & frons scorpii.

Ad sagittarium Herculis sinistra, serpentarius totus cum serpentis medio, scorpis media & posteriora, & ara, item caput draconis.

Ad capricornum lyra, aquila, sagitta, sagittarius ferè totus, corona australis, cauda serpentis, Antinous, & cornua Capricorni.


Ad aquarium capricornus ferè totus, aquarii sinistra, delphinus, piscis meridionalis, cygnus seu gallina.


Ad pisces, piscis zodiaci præcedens, Pegasus, urna & aqua fusa aquarii. His igitur observatis, facilè est discriminem invenire inter signum stellatum, & dodecatemorion stellatum, ac plurimum interest scire, ad judicia Astrologica rectè conformanda, quæ stellæ firmamenti nostra ætate singulis dodecatemoriis includantur, hoc enim nosse, est rerum futurarum in hoc durante mundo fores aperire. Atq; hic æquus mei finis esto.

SOLI DEO LAUS, HONOR,
ET POTESTAS.

•S (*) S•







Ioannis Guidonis Vil- LARIENSIS, MEDICI PARISINI, DE temporis Astrorum, anniique partium integra atque absoluta animaduersione, Libri duo.

Primus, Temporis inuestigationem atque electionem, Item
Astrorum in hæc inferiora uires, & influxum describit.

Secundus, anni obseruationes, pro uariis temporum
distinctionibus, uariisque Solis, ac Lunæ cur-
sibus, habendas esse ostendit.



Cum priuilegio.

PARISIIS,

Prostant apud Iacobum Bogardum, sub insigni Diui
Christophori, è regione gymnasij Cameracensis.



EGREGIO, REI QUE POLITICAE

PERITISSIMO VIRO, DOMINO NICO-

lao à noua villa, Regio fisci secretario, ac Ville Regie

domino, perpetuam felicitatem optat

Ioannes Guido Medicus.



Vemadmodum quadratū corpus perfectū intelligitur, vir clarissime, cuiusmodi cubus est, ita quoque viros ciuili disciplina, & morum integritate spectabiles, quadratos ceu perfectos appellare solemus. Ut enim Cubus, siue quadratal, sex habet superficies quadratas, æquales: quorum quælibet quatuor lineis, ac totidem angulis terminatur, adeò ut cùm proiicitur quācunque in partem incubuerit, immotam, erectamque habeat stabilitatem, quia portiones omnes æquales sunt. Sic etiam vir vndique absolutus, ac velut quadratus eodem semper se habet modo. Nam virtutes quibus delineatus est totus, tantam æqualitatem, & symmetriam in illo exprimunt, ut in eo nihil vnquam varium, aut dissimile possit reperi. Et cùm fortunæ mutationibus obnoxia sit humana natura, recta tamen atq; immota stat prudētis viri mēs, nullis scilicet aduersis rebus abiecta, nec prosperis elata: Sed vt quadrati numeri partes similes sunt, ita quoque viri boni actiones æquabiles, ac temperatæ sunt: Virtutemque (quæ sola hominem nobilitat)ducem sequūtur tanquam certam normam, aut Polycleti regulam. Quon nomine videor mihi non absurdè perfecti viri præstan-

tiam, perfecte mathematicorum figure cōparare. Quod etiam fecisse constat scriptores longè doctissimos, quoties vellēt ex rerum sensibilium similitudine nos ad res inanimatas, & intellectuales deducere. Nō est enim cuius promptum perfecti viri excellētiam animo assequi, cūm pr̄sertim rerum omnium quę concavo cœli continētur, nihil melius, nihil amabilius, nihil admirabilius viro bono, ac perfecto inueniatur. De quo sanè Apuleij in libro de Deo Socratis, est sentētia. Nihil apud Deum rectius est quām vir animo perfectus, & bonus, qui aliis antecellit. Talem autem si quærat vniuersa Gallia vel potius vniuersus orbis Christianus, alium non reperiet (meo certè iudicio) quē tibi iure præferat. In quo enim alio virtutes omnes (quæ ad bene, beatēque viuendum conducunt) clarius, ac plenius reluent? In quo pietas, religio? Fides aut charitas maior? Nam vt de hac sola loquar, affirmare ausim tātam esse tuam erga Deum charitatem, vt malis omneis fortunas, omneis liberos, omneis honores, imò etiam vitam ipsam perdere quā Dei mandatis contrauenire. Huius rei testes sunt domestici tui, teste s familiares, testis tota ciuitas Parisina: qui multiugas animi tui dotes ita admirātur, ita suspiciūt, ita cōmendāt, vt iam omnibus innotuerit nomen, ac fama celebris nunquā peritura domini à Villa Regia. Sed quē admodum erga Deum pietatem obseruas maximā, sic erga homines tua sese effundit liberalitas, & benevolētia tanto studio, tātaque cura, & officio in omneis, vt de singulis benemeritus dicaris. Primores enim vrbis consilio

filio rerum administrandarum iuuas, adeo ut magistratus politici tibi tantum tribuant, ut nihil probè sese statuere posse fateantur sine tua sententia. Ego profecto sæpe audiui multos, qui cum domum tuam præterirent, eamque contemplarentur statim exclamare, O beati viri beatæ domum. Sed quid dico domum, immo verò publicam boni consilij, virtutumque officinam. Qua laude, quæ maior esse potest? Accedit ac hanc charitatem, pauperum, & inopum amor incredibilis, in quos non aliter affectus es, atque in proprios liberos. Quoties certè audio tuam in pauperes liberalitatem celebrari, memoriæ meæ subit Thobiæ viri prisci charitas rari admodum exépli, qui Babylonica captiuitate suos populares egenos, & afflictos cōsolabatur, subleuabatque propriis facultatibus, mortuos sepeliebat, magno etiā periculo vita. Quod idem priuatim facit tua humanitas erga priuatos, & verecundos pauperes, publicè autē erga captiuos in carcere, erga ægros in amplissimo Parisiorū nosocomio. Taceo interim familias illas quas ex infimo loco tua benignitate ad opes, atque honores promouisti. Hanc verò pietatem tuam verè Christianam sic imitantur sapientissima vxor tua, ita sollicita est de alendis, iuuandisque pauperculis viduis, orphanis, languidis, ut videamini vterque non minus ad commoditatem proximi nati, quam ad propriam. Quia ex re sumimum humanitatis argumentum colligere licet. Nam ut est apud authorem illum celeberrimum, Deus est mortali iuuare mortalem, & hæc ad æternam gloriam via est. Quam

obrem nulli mirum est rem tuam familiarem quotidie
accrescere, vxorem generosissimam pietatis opera exer-
cere, & benevolentiam tuā amore reciproco æquare, a-
deò vt vita vestra nihil aliud esse videatur quā humāne
vitæ speculū. Seruos & ancillas modestos, synceris mo-
ribus ornatos, præceptis tuis salubribus morem gerere,
officiaque sua sigillatim exequi, sine murmure, sine bla-
phemia, quibuscum ita versaris, vt neque superbos, ne-
que insolentes, neque abiectos esse sinas. Liberos felici-
ter natos bonis artibus, ac virtutibus (quæ tutissimæ
sunt diuitiæ) imbui, & ad paternæ pietatis imitationem
prouocari: Omnis deniq; egregias animi tui dotes ita
venerari, vt te tanquam virtutis imaginem meritò colāt,
& ament, idque nō tantum faciunt tui municipes Pari-
sini, verū etiam viri nobiles, principes, clarissimè, ac no-
biliſſimæ mulieres, atque adeò Rex ipse Christianissi-
mus cum liberis suis dignissimis. Quo factū est vt pas-
sim domus tua appelletur domus nobilitatis, domus
munificentia, domus pudicitia, totiusque vrbis amplif-
simum ornamentum. Cūmque sis ingenio subtilis, elo-
quio clarus, voluntate rectus, consilio grauis, atque con-
stans, Rex idem magna, arduaque negotia prudentiæ
tuæ committit. Est enim expertus abundè fidem tuam
in rebus gerendis, consilium, & sapientiam in omni de-
liberatione, adeò vt apud magnanimum principem no-
strum pluris fiat tua vnius, quam multorum aliorū sen-
tentia. Cæterū vereor ne dum hæc refiero, tibi sim mo-
lestus, tuāmque dignitatem offendere reformido. Nihil
est

est enim quod te minus delectet quam virtutum tuarum
predicatio, nihil tibi inuisius vana, & inani gloria, quippe qui sola benefactorum sis conscientia contentus. Vereor, inquam, ne molestiam tibi pariat etiam prolixior epistola. Nam cum tempus (quo nihil tibi carius est) prudenter dispenses, idque totum vel amicorum negotiis, vel reipublicae impendas, non debeo committere ut te ab hoc sancto opere interpellem. Tatu hoc a te vehementer oro, atq; obsecro, ut hoc quicquid est laboris nostri de temporis cognitione, ac eiusdem electione, Astrorumque in haec inferiora influxu, beneuela mente excipiias. Quod etsi amplitudini tuae par non est, exibit tamen in manus hominum gratius, & acceptius, quasi ab ingenij tui excellentia approbatum. Itaque suscipiat (quaeso) praestantia tua hanc nostram lucubratiunculam. Nam & dij ipsi haud eos aspernantur, qui mola salsa litant, idque est quod poeta cecinit hoc versu,
Sæpe placent magno munera parua Ioui.

Hinc acceptiorem fuisse quadrantem vnius viduae pauperulæ, quam ingentes aliorum thesauros euangelica docet veritas. Interim Deus optimus, maximus, te conseruet, ac sospitet diutissime.

Tēporis cognitionem MAGNO PERE NECESSARIAM.

Caput I.



E T E R V M philosophorum , eorumque non vulgarium , sententia est , Tempus omnium esse sapiētissimum . Siquidem eius beneficio , omnia discūtur , nihil non reperitur quod quidem humana mēs , humanus animus , cogitatione , intelligētiaque assequi , memoria complecti possit . cuius etiam munere sagaciores , ac prudentiores quotidie reddimur . Atque hinc

Græcum illud oraculum ex Tripode prolatum γνῶθι σέαυτόν , cognosce tempus . Habet enim Isocratis opinione , cūctis in negotiis plurimum momenti temporis , atque opportunitatis obseruatio , cuius solius honestissima est auaritia , quo qui abutitur , is nimirum est inter pecora iure connumrandus . Vnde non immerito philosophus , omnium longe eminentissimus Aristoteles perpetuo illud habuit in ore , tempore nullum esse sumptū præciosiorem , quod ipsum solum simul ac transactum , nunquā recuperari posse . Atqui vulgo nostro nihil haberi solet vilius , aut indignius . in quo tamen sita est villicationis ratio , & ea quidem exacta quam euangelica prædicat historia . Ad summa itaque peruenturum puto neminem , qui non tempore (quo nihil esse fugaciū constat) prudentissime utatur , qui non singulis horis singulisque momentis id tandem adsequatur , quod ad futuram gloriam sibi non parum adferat emolumenti . Nulla enim iactura tempore grauior , esse potest . Nam cùm duplex sit (philosophi testimonio) vita , quæ ad laudis gloriam pertingat : Altera intelligendi , philosophandive . Altera verò in actione , atque administratiōe . In harum neutra dari potest ullus ocio locus . quapropter videmus magna ingenia nihil min⁹ ferre quam ōciū naturæ cōtrarium . Quod Cicero lib . de finibus bonorum . 5 . testari videtur , dum ait : Id maximē nobis insitum à natura , vt agamus aliquid . Quia ex cauſa Romulus ille primus Rom . rex credidit ingenui hominis officium esse , nequaquam sinere otio , aut ignauia animum torpescere . Omnis quippe virtus in actione præcipue versatur , cuius fructus perpetuus est , non fugitiuus , æterna permanet merces , sola hæc viget , indefessa est , immortalis , reliqua omnia vana fragilia , planeque caduca . Nulla igitur vitæ nostræ pars inani ocio consumenda . Sed tantisper dum tempore frui nobis licet , nefas esse putan

dum vel minimam eius particulam male collocare. Hinc Stoicorum sententia, authore Hieronymo, Tempus esse dicitur correctio, & rerum conseruatio. Omneque tempus, quo non virtutibus opera impenditur, perire credunt. Tempus autem ab Aristotele praeinitur esse numerus primi motus, secundum prius, & posterius. Quare mihi videntur suae vitae prudenter consulere, qui temporis discerniculo quid quaquam vitae parte agant (inerti ocio planè relitto) accurate obseruare, & sigillatim (dum fata sinunt) digerere consueuerunt. Vnde poëticum illud de viro bono, qui

Non prius in dulcem declinet lumina somnum,

Omnia quam longi reputauerit acta diei.

Nec pœnitendum est illud Fausti Andrejini nostra ætatæ poetæ celebris distichon.

Nulla dies abeat quin linea ducta supersit,

Non decet ignavum præteriisse diem.

Temporis summam digestionem (quæ Astronomia est) cognitum utilissimum.

Caput II.

Verum quemadmodum humano generi (vel authore Platone) appri-
me utile salutiferum, atque necessarium est tempus pernoscere, ita
sanè plurimum & ornamenti, & emolumenti adferre quisque fate-
bitur eam artem, atque scientiam qua temporum summa digestio fa-
cile tandem cognoscatur. Astronomiam intelligo, cæterarum artium longè
certissimam, non quidem diuinatricem, & iudicariam illâ superstitionis,
atque fallacem, sed influentem potius, atque motricem, quæ solem, Lunam-
que, ac cœlum ipsum vestigat, motumque perquirit, cui optimo iure inter
liberales artes primam sedem antiquissimi tribuerunt. Ea vero quantopere
conducat mortalibus, facile ex sequentibus intelligetur, si modò quod dictu-
ri sumus, exactissimè per pensum fuerit. Ut enim agricolarum, ac medico-
rum ars omnis manca existimanda est, vita confusis scatens erroribus absq;
temporis certo discrimine, ita etiam nemo illorum hac cognitione carere
debet, quam ars ipsa veluti suo gremio complectitur, suisque alumnis sub-
ministrat.

Astrorum cognitionem Agricolis necessariam.

Caput III.

Atque tandem ut rem aggrediamur, in agrorum cultu rebus mortali-
um utilissimo, vitæque necessario, quicunque se volet absolutum
profiteri (Autore Columella) eum rerum naturæ sagacissimum in-
dagatorem esse oportet, declinationum mundi nō ignarum, ut exploratum
habeat

habeat quid quæque ferat regio, quid cuique solo cōducat, quidve ferre recuset, quæ semina, quæ legumina conferant, quem cultum exigant, & quo sydere terram aratis facile, ac commodè proscindere conueniat, quo tempore, quidve alternis annis rite serendum, quid pinguia reddat arua, quis denique colēdi modus singulis debeatur arboribus. Quinetiam Syderum insignium, & apparentium stellarum, Arcturi, Vergiliarum (quæ Græcis Pleiades appellantur) Caniculæ, & Orionis ortus atque occasus memoria teneat oportet. Temporum occasiones, Solstitiorum mutationes, & eorundem seriem non ignoret, ne quid imbribus, procellis, vētisque impetuosis, ac tempestatibus intempestiuè aggrediatur, laboreque, atque expectatione sua inanissimè frustretur. Adhæc cœli temperiem, conditionem, statumq; & anni currentis mores, ac patrios omneis cultus, habitusque locorum sedulo perpendat necesse est. Quæ si quidem ignorentur, mancam propè esse ipsam humanæ vitæ conseruaticem Agriculturam profecto fatendum est. Debemus enim (inquit Columella) temporibus accōmodare opera ruris, vt permiserit status cœli. Etenim terra quæ nunquam recusat imperiū, potissimum ex syderum bonitate fructus fert vberimos, vt si quando vel imbræ, vel serenitates, vel etiam hyemis, aut æstatis tempus opportune accidunt, cuncta felicius, atque vberius prouenire videamus, etiā falsuginosis, salebrosis, ac iejunis & parū pinguisbus agris. Vnde nō abs re prouerbio iactatum est, Annum, non autem agrū fructus producere. Tametsi nō parum refert si consideres quæ sit regionum ratio: quandoquidem diuersas cuique solo inesse qualitates (vt sunt varij stellarum positus) omnibus naturæ consultis perspicuum est. Est enim aliud alio fertilius, aliud infertilius, quoddā solum semen iniectum intra viscera naturalius, ac commodius amplectitur, alimentumque inde reddit vberius, quoddam veluti alienum respuit, & vt spuriū dedignatur, Vel docente poëta Mantuano. Nam

Hic segetes, (ait) illic ueniunt felicius uuæ.

Arborei fætus alibi atque iniuß'a uiresent

Gramina. Nonne uides croceos ut Thmolus odores,

India mittit ebur, molles sua thura Sabæi?

Quæ eadem planè sic confirmare videtur Ouidius.

Nec tellus eadem parit omnia, uitibus illa

Conuenit, hæc oleis, hic bene farra uirent.

Etenim certissimum est, vel ipsa experientia Casiam, thus, cæteraque huiusmodi odorifera deliciarum genera non nisi in Arabia, & calidissimis regionibus feliciter prouenire. Vnde Plinius totius naturæ interpres Thura

præter Arabiam nullas regiones proferre dixit. Suus enim cuique terræ genius est, & vis quædam educatrix. Nam apud Indos (inquit Bedas) vbi est alia cœli facies, alijs sunt ortus syderum adeo fauonij spiritu saluberrima, binas æstates in anno, binasque messes habere perhibent, media inter illos hyeme. Quo fit ut alia aliis locis abundant, & quibusdam meliora sint simplicia medicamenta, quorum ignorantia magnos medicis errores parit. Vnumquodque autem medicamentum eò præstantius est, quo magis proprium generis sui odorem, & saporē retinet. vt de Croco, Casia, Cinamomo, Styrace, & aliis pene innumeris videre est. Atque ob id quidem Galenus plantas Creticas cæteris præfert. Adde quòd Hermodactylus in locis natus humidis malus, similiter turbith, atque agaricus. Virtus igitur simplicium à regione, loco proficisciens nō est negligēda. Quapropter plantæ humidiiores locis humidioribus humidissimæ euadunt, siccioribus temperatores, vti & animalia. Quod Hippocrates satis nos docuit, dum ait. Naturarum has quidem ad æstatem, illas verò ad hyemem bene, maléve se habere. Chamæpitys, & Chamædrys campestres generosiores, cum tamen aliæ plurimæ in campis genitæ sint imbecilliores, aliæ rursus in montibus, & locis editis probatiores. Prætereà quod ad plantas attinet, hoc etiam considerandum est, quasdam secundum extractionis tempus vim suam efficaciem ostendere. Alyssos aduersus canis rabidi morsum efficissima, lecta sub feruenti æstu Caniculæ. Cancri etiamnum fluuiatiles post canis ortum vsti quando Sol in Leonem transiit, nō nisi Luna decima octaua, aptè dantur. Atque (vt eò vnde digressi sumus sermo se cōferat) Non nunquam inuenies annosos senes Agriculturæ studiosos, longo vnu, experientia rerum omnium magistra, & doctrinæ Astrorum peritos, temporis euentus, (quamuis literarum rudes) aperire, mirāq; de vbertate, aut penuria fructuum terræ quotidie præfagire, vt qualis annus futurus sit præuideant, prænoscant, ac iudicent.

Agriculturæ commendatio, atque utilitas.

Caput III.

Quis verò crediderit Romulum illum magnæ vrbis conditorem, temporis, eiūisque occasionis fuisse imperitum? vt qui duo tantum studia excolenda suis tradiderit, nempe Agriculturam, & belli artes. hinc ab aratro ad summos magistratus obeundos reuocabantur ciues rerum rusticarum studiis semper incredibiliter dele&tati, quibus gestis ad ipsam Agriculturam Astronomiæ subalternam protinus redibant, eamque suis manibus vt omnium studiorum honestissimum exercabant,

cebant, atque excolebat. Vnde cognominā plurima cum decore viri præstantissimi reportarunt, à leguminis genere quod optimè sererent. Hinc fabij, Pisones, Lentuli, Cicerones, aliquique non pauci. Prætereo sciens vetustissimos Reges, principes, Imperatores, Senatores, Consules, Prætores, Magistratusque alios, quibus certissimum est imprimis placuisse Agriculturam, propriasq; curasse opes, quæ tunc erant oves, boues, iumenta, agrorum iugera, & fruges. Adde quod Cyrus Persarum rex (si Xenophonti & Ciceroni credimus) mirificè est terræ cultu delectatus, ut satis constet à Lacedemonio hospite eum tandem mortalium felicissimum ob hoc iudicatum fuisse, quod præter regnum quod illi fuit amplissimum, terram elegan-
 tissimè coleret. Quinetiam saluator noster Agriculturam laudans hac com-
 paratione usus est dum dixit. Pater meus est Agricola. Ego vitis vera, ego
 pastor bonus: Huc accedit quod Noe, Abraham, Loth, Moses, Dauid, cæ-
 teriq; laudati proceres plurimam pabulis, & Agriculturæ operam impen-
 derunt, quod nunquam ab eis factum fuisse existimandum est si quid ipsis
 dedecoris ut aliis multis adiectum vidissent. Liquido etiam constat Agriculturam
 tantæ existimationi apud vetustissimos illos rerum dominos olim
 fuisse, ut cum virum bonum maximè commedarent, eum bonum Agricola-
 lam, bonumque colonum vocitarent. Apud quos etiam ipsa vita rustica
 non contemnenda ad id honoris tandem euecta est, ut rustici communis vti-
 litatis ministri urbanis longè præponerentur, tum quod diuina natura de-
 derit agros, ars vero humana ædificari vides, tum quod qui vides habitat,
 iis qui rura colunt desidiosiores esse soleant. Hinc assidua in urbem pro-
 fectio (inquit Constantinus Cæsar) segniorem facit Agricolam, & quod
 ex istis quam ex illis fortiores, robustiores, ac valentiores gignantur mili-
 tes, minimèque (inquit Cato) male cogitantes, & quod sine Agricultori-
 bus nec confistere mortales, nec ali posse abundè constet. Denique quod
 dominus Deus Agricolas, pecorisque magistros instituerit, Ecclesiastici. 7.
 Nō oderis laboriosa opera & rusticationem creatā ab altissimo. Hæc enim
 citra segnitiē, aut mollitiē corpora robustiora reddit, dū cultores multa pa-
 tiētia, algore, æstu, vel nudi operi quotidie instant. Quo fit, ut corpora hac
 exercitatione vegetiora, valētiora, saniora, firmiorāq; reddātur, virēsq; ani-
 mi augēatur. Quocirca Aesculapius ille medicinarū Deus in agro sibi sedē
 delegisse fertur. Itaq; Terra (ut post Hesiodū Marc⁹ Cato imprimis, & Ci-
 cero testes sunt) nunquam sine usura reddit quod accepit. Sed plerumque
 maiore cum fœnore, si quidem ager diligentius fuerit excultus: inter-
 dum vero minore fœnore, si quando fuerit à colonis neglectus, quorum

incuria satis à Salomone repræhenditur Prouerbiorum. 24. cap. dum ait.
Per agrum hominis pigri transiui, & per vineam viri stulti, & ecce totum
repleuerant vrticæ, & operuerant superficiem eius spinæ. Plinius item lib.
18. cap. 5. Agro deserto nihil damnosius. Vnde antiquis hoc in more positi-
tum fuerat, vt si quis agrum, arborem, aut vineam incultam sordescere sine-
ret, pauloque negligētius excoleret, in eum grauiter animaduerteretur. Sed
agrum multò præstantiorem facit (inquit Constantinus Cæsar) assidua do-
mini præsentia. omnes enim ad operarum sedulitatem impellit, & de defi-
cientibus submonens, ea impleri facit, & alios in opere alacres collaudādo,
alios segnes obiurgando, ad vnum scopum diligentia, & sedulitatis omnes
respicere cogit. Hinc recte Lybicus quidā interrogatus, quod sterquiliniū
agro foret optimum, ac vtilissimum: Domini vestigia, respondit. Prætereà,
nōnne à villicis, ac rusticis vina, frumenta, ligna, & cætera id genus alimen-
ta vitæ nostræ vtilissima in urbem quotidie deportantur? sine quibus esse
ciuitas non potest, nedū bene esse. Per necessaria est igitur ipsa Agricultura,
vt cuius fructibus (inquit Socrates in Xenophontis œconomico) partim
vnuamus, partim deorum Aras extruamus, floribus quoque ob coronamē-
torum, odorumque delectationem incredibilem iucunditatem, percipia-
mus. Habet prætereà Agricultura (vt idem Socrates inquit) & diligentiam
quandam & animi voluptatem. Insuper & domus augmētum, exercitatio-
nēmque corporis quantum homini libero satis est. Et re vera (vt syncere
scribit Celsus lib. 1.) Quēadmodū ægris medicina præstat remedia, sic sa-
nis corporibus alimēta suppeditat Agricultura. Huc spe&tat illud Vitruuij.
Quēadmodum natus in fane sine nutricis lacte non potest ali, neque ad vi-
tæ crescentis gradus perduci, Sic ciuitas sine agris, & eorum fructibus in
mœnibus affluentibus non potest crescere, nec sine abundātia cibi frequē-
tiam habere, Populumque sine copia tueri. Hinc Nabathæis egregium, ac
memorabile hoc institutum fuit, vt qui rem familiarem auxissent, publicis
honoribus: qui absumpſissent, ac prodegiffent, publica pœna, atq; infamia
afficerentur. Nec abs re quidem. Nam vt medicinæ finis est sanitas, ita di-
uitias (si Peripateticis credimus) finem esse rei familiaris cōstat. in qua vir
parat foris, vxor parta domi conseruat. Sunt verò ob hoc potissimum vti-
les diuitiæ, quod & ornamentum adferunt possidentibus, & ad virtutem
exercendam facultates suppeditant. Prosunt etiam natis, quibus facilius
ad honores, dignitatēsque euehuntur. Nam quorum virtutibus obstat res
angusta domi, eos haud ita facile sursum attolli videmus. Vnde (quemad-
modū scite scribit Aristoteles) Fieri vix potest vt quis res præclaras agat
cui

cui facultates defunt, ac diuitiae. Quare bonis, ac honestis artibus sine fraude rem parare, & partam tueri, atque augere, honestū semper fuit ac laudabile. Sicut turpe, ac ignominiosum (quod & Cicero scribit) per luxum, ac vitæ intemperantiam, aut socordiam rem familiarem perire, ac labi sinere. Nam circa diuitias prudentia quadrupliciter se habet, cum aut eas adipiscitur, aut tuetur, aut adauget, aut eisdem prudenter vtitur. Cum ergo duplex sit hominum vita, rustica, & urbana, harum antiquior, melior, iustior, tutior, vtilior, viuacior, ac multò salubrior cēsetur rustica in aëre libero, & salubri degens, quæ sanè ad duos scopos maximè dirigitur, & ad vtilitatem & ad voluptatem. Vtilitas fructum, voluptas delectationem cum salubritate quærerit. Huc Ciceronis sententia spectare videtur, dum ait. Omnia autem rerū quibus aliquid acquiritur, nihil Agricultura melius, nihil vberius, nihil dulcius, nihil homine libero digni^o. Quod quidē planè nouerūt quā plurimi ex generosis huiusc Luteciæ ciuibus, quibus tantopere placet agrorum colendorum ratio, vt non solum oblationis, sed etiam vtilitatis gratia suos fæcundissimos agros sæpiissimè inuisant, veterum Romanorum more diligenter excolat, vt nihil eorum opera desit ad summum vrbis nobilissimæ, amplissimæ, populosissimæ ornamentum. Atque hinc Horatius poëta eximus, rure viuenteni beatum autumat.

Beatus ille qui procul negociis,

(Vt prisca gens mortalium)

Paterna rura bobus exercet suis,

Solutus omni fœnore.

Et Vergilius ille antiquitatis consultissimus.

O fortunatos (inquit) nimium, sua si bona norint

Agricolas, quibus ipsa procul discordibus armis,

Fundit humo facilem uictum iustissima tellus.

Quibus rationibus vndeunque deductis, facile colligi potest Agriculturā mortales alere, atque educare, ob idque humano generi pernecessariam esse. Ea vero quum ab Astrorum cognitione tota pendeat, cōsequio quodam relinquitur, ipsam Astronomiā Agricolis cognitu etiam esse necessariam.

Quod si est ita (quemadmodum est re vera) quis neget Astrorum cognitionem omnium esse longè nobilissimam, atque vtilissimam?

Medicis quantum conducat Astronomiæ cognitio.

Caput V.

De agri-

DE Agricolis satis est dictum, Nunc (quemadmodum superiori sermone institutum fuerat) ostendamus medicis, quantum proft, quāque sit necessarium Astra cognoscere, vt post vitæ conseruationem quæ ab alimentis pendet, etiam sanitatis fines breuissimè percurramus. Nam quod ad medicæ artis non temere exercēdæ (quæ est ad salutem corporum commodissima) professores attinet, quæ quidem mercedē abundè magnam addit sui studiosis, nempe corporis salubritatem, ac prosperam valetudinem, quod vnum tanquam summum bonum nemo est qui non maxime desyderet: Quis (Deus optime) adeo inscitiæ caligine circunfusus, aut mentis cæcitate captus, aut sensu communi carens inter mortales ire inficias temere audeat Cœlum, & Astra in hæc inferiora & agere, & instanter profluere? Virtutes suas infundere, vegetationem, vitam, rorem atque pluuiam salubrem rebus mūdanis spargere? Hos planè omnium rectè philosophantium placitis contrauenire sanè métis ambigit nemo, quibus persuasissimum est omnia inferiora moueri à superioribus, primordiaque rerum omnium è cœlo esse decidua. Quod per amplè testatur Aristoteles ille naturalium cauſarum diligentissimus indagator Meteororum primo, hūc in modum scribens. Est autem mundus hic inferior ex necessitate superioribus latiōibus attiguus, vt omnis ipsius virtus sempiterno quodam ordine tāquam summi Dei instrumentis gubernetur. Huic sententiæ applaudit Ptolemæus in centiloquio verbo. 9. dum ait. Vultus terrestres vultibus cœlestibus subiiciuntur. Itaque generationis, & corruptionis nostræ primordia ab astris tanquam à potiore natura profiscuntur, res quoque omneis Lunari globo subiectas esse, eorundem motu, lumine & influxu, potissimum Solis in obliquo circulo moderari, ac gubernari solertissimi ipsius naturæ interpres attestantur. Is est igitur diuinæ prouidentiæ ordo, vt per superiora regantur inferiora.

Lunæ vis in corpora inferiora.

Cap. VI.

Il verò quò facilius ad oculum ostendamus: Primum de lunæ in corpora inferiora defluxu, ac moderatione dicamus. Quis enim non miretur ita quod globum lunæ tantam aquæ maris molem ad se trahere, ac velocissimè tuisque rapere, vt ne eius quidem portionem millesimam (mirabile dictu) cuncta causæ terræ, marisque non traherent animalia? Cuius vis in omnia penetrat. Cuius inquam varia affectio, & dispositio, huius mundi inferioris corpora insigniter afficit, & repente denutat, terras saturat, accedensque corpora humore, animantiumque ossa medullis implet. Abscedensque eadem inanit. Ideo cum incremento eius, augeri conchyliorum, concharum, cancro rum,

5

rum, ostrearumque corpora, ad statum perueniunt cum Luna lumenibus plena est, & rursus cum illa paulatim minui, vacuari, atque arescere manifestè percipimus: adeò ut interlunio sine medullis animantiū ossa spectentur. Cerebrum itaque & sanguinem hominum etiam cū eius lumine augeri, ac minui, frondes quoq; ac pabula, illius vires, ac potestates sentire. Nam vt & obiter illud dicam, Veteribus cœnare noctu semper consuetum fuisse testatur Atheneus, ob Lunam quæ vim habet ad concoctionem præcipuam. Finitima enim cum sit terris, per illam cœlo nobiscum societas est, syderumq; quibus iuncta sit vires, ac potestates excipiēs, & mutuata has demum (tanquam vehiculum quoddam sit cœlestium virium) suo lumine, motuque ad nos trāffundit, animantiū quę corpora potenter ferit, alterat, immutat. Quapropter ut corporum sic & morborum quatenus illis inciderint, ea qua ad sydera fuerit constitutione rectrix est, & significatrix. Hinc à Lunæ bona, malave constitutione morborum præsagia desumi par est. Si quidem purgādum erit, aut sanguis mittendus (quæ prima sunt, & præcipua vacuationum genera, quibus morbi plerique omnes egēt) sit Luna in beneuolorum planetarum societate. hoc enim medicamenti opus auget & felicitat, corporisque vires iuuat ad salutem parandam, morbūmque profligandum. Ex his Galenus medicinæ antesignanus lib. de dieb⁹ decretoriis. 3. præter alia multa hunc in modum scripsit. Id vnum obseruātes verissimum esse comperimus Aegyptiis Astronomis inuentum, Lunam non modo ægris, sed etiam sanis, dies quales tandem futuri sint posse prænunciare. Si etenim ad Planetas temperatos steterit, salutares, faustos, ac bonos producit, sin ad intemperatos, graues, molestosque. Galeni item testimonio, humana corpora haud secus in terris habent, quam Luna in cœlis. Ad idem Julius Firmicus. Omnis substātia humani corporis ad Lunæ pertinet numinis potestatem. Itaque perpetuae atque manifestae revolutiones in corporibus nostris perficiuntur. Non paucos etiam furios hinc saepe videmus vexari Epilepticos circa quadras Lunæ, qui eam ob causam Lunatici dicuntur, quoniam eum qui interlunio natus est, morbum hūc ferè pati compertum est. Nec possunt mulieres ignorare, imò neque effugere Lunæ effectus in mēsium fluxibus. Scribit item Plutarchus ipsas mulieres partu in plenilunio facilius leuari, ac liberari. Lucianus item (si referre licet) in libello de Astrologia Lycurgum ait Lacedemoniis legem tulisse, in plenilunio ne prælium inirent. Prædictis adde (si lubet) ligna ad ædificationem cæsa, desinente, & sub terra exi-

stante Luna mense Decembri, aut Ianuario, diutius à putredine incolus
mia permanere.

Vis Solis in corpora inferiora.

Caput VII.

AC de luna quidem satis dictum esse videtur. De Solis dominio non nihil etiā est addendū, vt qui in generationibus, & conseruationibus rerum potissimum valeat, efficaciusque multò quām caussæ particulares. Vnde illud Albumazacis, Non esse vitam viuentibus post Deum, nisi per Solē & Lunā. De Sole autē scribit Aristoteles. 2. de generatione & corruptione ad hunc modum. Accedente Sole proprius ad nos, ad punctūmque verticale, omnia oriri, germinare, & pubescere videmus, abscedente vero tabescere, atq; marcescere. Est enim tempus generationis æquale tépori corruptionis. Quis igitur est tam hebetē visu, vt non videat Sole discedente naturam mōrēre, aues conticescere, plantas exarescere, frondes defluere, tabescere, marcescere, putrescere, natuumque calorem (qui naturæ est amicus) imbecilliorē fieri, virtutes debilitari. Rursus, ipso Sole (qui innati caloris, & spiritus obtinet imperium) reuertente, mundum exultare, terram lætari, plantas reuiuscere, iuuenescere, surculos, & nouellas proferre, & se reparare videntur. Denique omnia instaurari, oriri, repullulare, aptissimas, congruásque rerum generationes fieri, innatūmque calorem adaugeri, ac demum virtutes mēbrorū coētrices inualescere. Ex cuius cursu in signifero (vt planè constat) annus integer procedit, eiusque tempora distinguntur. Diuersaque eorumdem temperamenta prodeunt, variiq; humores in corpore progignuntur, qui in nobis à centro ad circunfērentiam, & econtrario plerumque mutari, ac commoueri liquidō constat. Ab hac opinione non longe abest Augustini viri sanctissimi lib. 10 de ciuitate Dei sentētia, dum ait. Non usque quaque absurdē dici potest ad solas corporum differentias afflatus quosdam valere sydereos, sicut solaribus accessibus, & decessibus videmus anni tempora variari, & Lunaribus incrementis, atque decrementis augeri & minui quādā genera rerum, sicut conchas, & mirabiles æstus oceanii, non autem animi voluntates positiōibus syderum subsidi. Vnde Gregorius, Liberum enim oportet esse quod est in nobis. Ex his Ptolemæus in centiloquio inquit. Cœlestia corpora quandam inclinationem præstāt corporibus humanis, necessitatē proorsus nullam. quandoquidem, vir sapiens dominatur Astris. Quod etiam sentit Vergilius lib. 2. Georgicorum.

sex fo-
olitione
t.

Felix

*Felix, qui potuit rerum cognoscere causas.
Atque metus omnis, & inexorabile fatum
Subiecit pedibus.*

**Sanorum atque ægrorum corpora ab ae-
ris constitutione immutari.**

Cap. VIII.

HAec vero quum ita sint, Lunaque atque adeo Sol ipse corpora nostra immutent, quid nunc amplius admiramur varia morborum genera clanculum in nobis suboriri? Aetius. Sanorum corpora, & multò magis ægrotorum ab aëris constitutione immutantur. Ex quatuor autem anni partibus (autore Celso) Ver est saluberrimum, ac minimè morbis, qui mortem afferat obnoxium. Proxima deinde ab hoc hyems, periculosior estas, Autumnus longe periculosissimus. Hymis enim certum est frigus, Aestatis certus est calor. Veris tēperata est constitutio: Autumni vero temporibus modò frigus, modò calor nos affligit. Quo fit, vt autumnus plurimos opprimat: Huius rei testis est Hippocrates medendi arte nunquam satis laudatus, aphorismorum. 3. seftione. Per autumnum (inquit) acutissimi, atq; exitiosissimi accidunt magna ex parte morbi. In eandem it sententiā Ouidius de autumno inæquali morborum agmina procreante loquens.

*Quum modò frigoribus premimur, modò soluimur æstu,
Aere non certo corpora languor habet.*

Ouid. se
de arte

Est igitur aér omnium maximè à medico considerandus, eo sanè calor natius ad sui conseruationem potissimum eget. Isque est Galeni testimonio sine quo nec tolli morbus, nec sanitas seruari potest: Proinde elaborandum maximè, vt is corpori nostro commode adhibeat. Nam is assiduè corpus nostrum ambit, nec vlla eius evitandi ratio est. quandoquidem inuitis etiam nobis est hauriendus. Nec illo (vt reliquis rebus quas non naturales vocat) ad tempus abstinere licet. Cibo quidem & potui per interualla inducias damus. Inuentique sunt qui ab his per multos dies abstinenter. Aere autem ad vitā nostram nullo tempore carere possumus. Nā si viuendum, certè respirandum est, Aerque respiratiōis & vtriusq; partis eius, inspiratiōis, & expirationis materia. Qui qualis insprietur, qualisve corporib' nostris admoueatur, pur' ne, & omnis mala qualitatis expers, an putris, aut corruptus nō parui refert. Sit autem

omnino purus, qui omnium optimus, ac saluberrimus existit, nulli non ætati vtilis , sicuti ediuerso , crassus , ac nebulosus vitiosus est, ac morbifer, omniq; ætati noxius. Neque enim parum prodest in lögis præfertim morbis aëris interdum mutatio. Id quod Hippocrates cōsulit ita scribens. In diuturnis morbis terram mutare confert.

Rerum omnium mutationes ex Solis, cœliq; motu.

Caput IX.

EX Solis, cœlique motu ac lumine plantæ , & animalia (quorum facultates medicum naturæ imitatorem nescire est indecorum) & quæcunque mundus hic genuit, alitque corpora à sublimi illa syderum hierarchia mutationes subeunt, statum habent , & suæ durationis rationem, vt adolescent, vt iuuenta cōstent , & senecta tabescant. Hinc animalibus omnibus , atque adeò plantis ipsis corruptelæ, ac interitus est connata necessitas, immodicæ videlicet siccitatis à suo calore natiuo humidum substantificum assiduè depascente. Et ita rerum à natura (quam omnis ars imitatur) definitus est exitus, definitaque periodus . Primum quippè plantas generari , hinc in stipitem, folia , flores, ac fructus crescendo diduci, moreque suo vigere, ac stare, tandem verò alterari, deficere, elanguescere, emorive percipimus. Quod sanè omniū animatorum natura communissimum est: Alioqui & seminis, & messis, & conceptus, & partus , & id genus similium eiusdem temporis instaret occasio. Et si rem ipsam ad corporis humani (quod licet) habitudinem referamus, An eiusdem aëris imtemperies à singulis vbique locorum semper inspiranda venit? An semper laborandum , exercitandum, quiescendūmye? An cibi, potuſve quanticunque aut qualescunque sint tum euchymi, tum cacochymi vbique locorum, tum frigidorum , tum calidorum, ab impuberibus, adulescentulis, florentibus ætate , senibus, decrepitis, sanis, neutrīs, ægrotisque interdiu semper, & noctu nulla cōstitutionis, consuetudinis, aut caloris innati ratione præhabita ingerēdi sint, an semper medicamento, aut alterandi, aut soluendi sunt humores? An venæ semper incidendæ? An Cucurbitulæ nullo non die admouentæ? An membra assiduè extenuanda, an corporis excrementa , tum fœculenta, tum liquidiora, tum mucosa, tum flatuosa semper continēda, aut assiduo secessu excernenda sunt? An horis quibusuis sine discrimine sopno indulgendū? aut insomnia, peruigiliōque atterendum ? An semper tristandum, vel gaudendum, vel concumbendum, aut perpetuæ pudicitiae seruiendum , & eiusce generis alia ex animi affectu agenda

7

sunt? Hæc dubio procul minimè esse agēda absque temporum anni, locorum, regionum, ætatum, sexus, personarum ratione pro comperto habemus. Maturo igitur cōsilio, & sagaci agendorum electione opus est. Sed perpēde (quæso) quod refert Cōstantinus Cæsar ex paxamo. Omne vinum (inquit) vt plurimum aceſcit, & in vappam transit circa Pleiadum occasum, et circa ſolſtitium Hybernum, aut efflorefcente iam vite. Et circa ſolſtitium æſtuum, & ſub Caniculæ æſtum. Et in ſumma circa omnes accessiones & frigoris, & caloris, aut largorum imbrium. idem contingit & propter violentos ventos, aut vehemens tonitru, aut etiam iuxta tempus quo rosæ florent, aut à fulgure violento. At ferum (inquit Zoroaſtres) operculis doliorum impositū, noxam à fulgere, & tonitru detrahit. Quidam Lauri ramos imponunt per naturalem contrarietatem auxiliaturos. Quid plura? Nónne & ortus pernicioſæ Caniculæ (quæ in ore leonis eſt) maximam habet virtutem in transmutando aërem ad vehementem æſtum? Nam tunc (Plinio adſtipulante) Solis vapores accenduntur, feruent maria, fluctuant in cellis vina, mouentur stagna. Sentiunt & syderis huius effectum canes quidem, quos toto eo ſpatio maximè in rabiem agi non eſt dubium. Proptereà pefifera eſt imprimis homini Canicula, quandiu ſol eſt in ipſa. Hinc dies Caniculares multis morbis obnoxij. Nam tunc geminatur calor: & humana corpora langoribus, morbis flagrantibus, tertianisve exquisitis à flaua bile pendentibus, vt plurimum afficiuntur. Vnde tunc temporis (præfertim in Canis vtriusque exortu, & paulò antè) Diuus Hippocrates ilie Archiatros consulit medicamenta non eſſe exhibenda, ne videlicet ex æſtu ambiente, ac medicamento purgante humorum inflamatio, febres ardentes, exercitationes, dysenteriæ, spirituum diſſolutio, caloris innati exhalatio, viriumq; totius corporis imbecillitas ac proſtratio inducantur, ſubsequantur.

*Electionem temporis secundum astra oportere habere, ob
facultates corporis dignoscendas* Caput X.

CVm verò vnicuique diſſimilari particulæ inſite ſint quatuor virtutes naturales, videlicet attractrix, retentrix, concoctrrix, & expultrix, vt variis in locis apud Galenum, & maximè in libris de potentiis naturalibus legitur: Nec ſemper easdem facultates eque validas, nec æquè ſuis fungētes officiis experiamur, ſed aliam moderatam quandoque, aliā langueſcētem ac hebetem, aliā exuperantem probemus. Ob hoc igitur tēporis electione opus eſt, quo virtus coctrrix cenſetur vali-

dior, si instaurandæ veniant particulæ: vel quo attractrix efficacior existit, si eadem particulæ exinanitæ: vel quo retentrix robustior euadit, dum fluidiores quam par sit redundunt corporis ventriculi. Vel quo ex pultrix promptior existit, excrementorum exoluendorum gratia. Coctrice autem virtus censetur validior, quum aëris intemperies frigida existit. Nam ex Hippocrate, Ventres hyeme calidissimi sunt. Attractrix efficacior redditur, quum aër incalescit. Retentrix, dum aëris intemperatura frigida, siccaque percipitur. Expultrix verò facultas suo probè fungitur munere, quū aër immoderatè humescit, eodem simul incalescente, frigescere nihil, aut parum differt. Quod autem non semper frigescat aër, nec semper incalescat, aut siccetur, nec semper pluat, nингат, roret, aut aliter humectetur, omnibus constat. Vicissitudinariæ igitur aëris affectiones videbuntur facultates eiusmodi multifariam excitantes, vnde cunque tamen ciētur extrinsecus, siue ab aëris affectibus vicissitudinariis, siue à varia victus ratione, siue à diuersis animi affectibus, earum tamen singulis calore nativo excitante opus est, ut qui omnium corporis facultatum motor sit præcipuus. quippe qui alimenta coquit, & humores coctū habiles reddit, partique nutriendæ assimilat. At semina, & stirpes terram ingressæ (ut author est Hippocrates, teste Galeno. 2. de elementis) sibi quæque idoneum, ac naturale exugunt, vel acre, vel dulce, vel amarum, vel salsum, vel diuersum. Primum igitur & plurimum eius quod ipsis maxime secundum naturam sit arripiunt, post alia quoque trahunt. Talem modum medicamenta simul in corpore seruant.

Purgationes, secundum temporum, ac morborum mutationem, variandæ. Caput XI.

Proinde, quum mutationes temporum (inquit Hippocrates ille veritatis amator) potissimum committant morbos, & in quibusdam temporibus magnæ mutationes aut caloris, aut frigoris appareant: atque ex anni constitutionibus (quod in totum dixerim) siccitates sint imbris salubriores, & minus mortiferæ, ob id etiam purgationes pro temporibus anni variandæ. Itaque tempus accommodatissimum ad purgationes, & venæ sectiones, ver esse solet. Quod etiam præcipit idem venerandus ille senex, dum ait. Quibuscunque venæ seatio, vel purgatio cum medicamento conuenit, hos vere purgare, vel veniam incidere oportet. Hoc enim tempus ut est æquale, ita nec nimis calidum, nec nimis frigidum est. Ob id veris initio pituitam, fine bilē flānam;

uam, & autūno atrā, ad vitandos vēnos, æstiuos, Autūnales, & Hyber-
 nos morbos purgare, & venam secare cōsueuit Galenus, nō æstate, nec
 hyeme. Nā æstate corpora calidiora, & sicciora, & ab aëre ambiēte dis-
 soluta, medicamētis purgātibus, & sanguinis vacuatione plurimū lēdū-
 tur, q̄ illa calfacit, siccatur, infirmat, ac dissoluit. Hęc inanitiōe viriū substā-
 tiōm dissipat. Hyeme verò excremēta cōcreta ad motū pigra medicamē-
 to trahēti dū non parēt, luēta in corpore torminosa fit, & molestissima,
 cui etiā Leipothymia ſepe succedit. Phlebotome verò aere frigido dū
 calorē natuū multū vacuat, & eius pabulū subtrahit, extinguēdi reliqui
 caloris periculū affert ab ambiēte frigido. Eā ob rē etiā æstate medica-
 mētis purgātibus raro vtimur, pr̄ſertim (vt dictū eſt) sub cane, & ante
 canē, vel ſimilē aeris statū: Aestate autē (ſi opus fuerit) per ſuperiora ma-
 gis ſi facile vomat, purgādi: hyeme per inferiora purgatiōes potius de-
 ligēdā, quia eō natura vergit, & locus eſt cōferēs. Finis autē vſus medi-
 camentorū eſt, vt affectū ē corpore pr̄ter naturam profligēt, ſiue mor-
 bus ſit, ſiue cauſa morbi, ſiue ſympτōma, ſiue duo ex his, ſiue omnia ſi-
 mul, ſiue morbus omnino factus eſt, ſiue nōdū gigni cēptus, ſed in pro-
 cinctu vt fieri incipiat, ſiue partim genitus, partim adhuc in gignēdo, &
 partim generādus, ſiue is affectus ſit intēperies aliqua, aut incōmodera-
 tio, aut ſolutio cōtinui. Pr̄terea medicamētorū vſus vt ceterarū cauſa-
 rū ſalubriū idoneus, eſt in ipſorū quātitate, & qualitate idonea, & tēpo-
 re apto. Occasio enim tēporis pr̄æceps. Qui autē medicamēti vim igno-
 rat, qua operādo iuuat, eo rectē vti nō potest. Hinc Alexāder magnus re-
 cētē videtur ſeſiſſe, qui inexperta remedia haud iniuria habuit ſuſpecta.
Galenus itē (vt ipſe teſtatur lib. de morbis curādis. 5) nihil medicami-
 num exhibuit vlli, quod ipſe non antea in ſeipſo fuſſet expertus. Sunt
 itaq;, inquit Damascenus, quedā medicamēta partibus quibusdam ami-
 ca, alia iſfdē inimica, alia his atq; illis affectibus idonea. Hinc nulli me-
 dico ne ſtudioſo quidē credēdū eſt, niſi & ætāte probato. Nulli etiā (in-
 quīt Gal.) quātumuis ſummo plus credendū eſt, quā quātum rationi, &
 experiētię eſt cōſonū. Quādoquidē (eiusdē teſtimōio) duo ſunt instru-
 menta per quę remedia inueniuntur, ratio, & experiētia. Literis enim
 tātū diuinis abſq; ratione credēdū. Propterēa plurimū refert in arte me-
 dica ppetuo versari, exerceriq;, omniū tamē efficacissimū eſt facta atq;
 euēta firmiter (qđ Gal. ſepe p̄dixit) meminiſſe. Ceterū inſpicere opor-
 tet (iuxta Hippo. ſententiam) & regionem, & tēpus, & etatē, & morbos
 in quib⁹ cōueniat, aut nō: p̄ter hęc, & vires egrotatis (vt i oib⁹ ferme

Naturā
mitari c
portet.

euacuationibus) sunt considerandæ, donec enim tolerat, & nondum la-
borat, tentandum est humorem exuperantem educere. Proinde immo-
dicæ purgationes fugiende sunt. Nam præter hoc quod vires deiiciunt,
etiam mirum in modum ventriculo obsunt. Vnde Galenus. 7. methodi
medendi inquit, robustis corporibus valentiora medicamenta, imbe-
cillis mitiora sunt adhibenda. Hinc curandum ut nunquam plusquam
pro virtutis ratione conueniat extrahatur. Cum igitur medicamenta
omnia præsertim purgantia, ventriculum præcipue neruofam eius par-
tem, & maximè sensilem lœdant, his odorifera sunt miscenda, quæ no-
xiam eorum obtundant, actionem verò non impedian, quæ prætereà
tenuent, crassos succos incident, tergeant, vias aperiant, per quas est va-
cuandum. Medicamenta verò iucunda esse quatenus licet debent, vt à
ventriculo compræhensa in æctum reducantur, ac ne nauseam, flatus,
fluctuationes ex insuauitate ipsa pariant, adeò vt cito suprà vel infrà vē
triculus excernat. Corpora item quum quis purgare volet, (inquit ille)
oportet fluida facere: Id est humores crassos tenuare, lentos incidere, &
tergere, & fluxiles reddere, ac meatus aperire, per quos facienda est va-
cuatio. Tunc sanè concocta medicari, atque mouere oportet, non cruda.
Citra quam operam si purgare vomitu, aut deiectione tētaueris, dif-
ficilis fit purgatio cum torniñibus, vertigine, multo fastidio, pulsu ma-
lo, dissolutione virium, & difficultate, ac rosione ibidem, quoniam om-
nes succi crudi sunt pigri, & ad motum inepti, ob crassitudinem & fri-
giditatem. Medicari autem in valde acutis si materia turget, eadem die
oportet tardare enim in talibus malum est. Signa autem coctionis pra-
uorum humorum (Hippocrate, & Galeno docentibus) in pleuritide
per sputum, in affectibus ventris inferioris, per deiectiones. In febribus
putridis, & affectibus venosi generis per vrinas desumuntur. Sed deie-
ctiones non multitudine sunt æstimandæ, sed si talia deiiciantur qualia
pro morbi natura, ætate, parte anni, præcedente victus ratione deiici o-
portet, & ægri facile tolerant. Cōtraria verò grauiter. Neque enim sem-
per optatoria sunt medicamenta quæ multam faciunt etiam noxiæ ma-
teriæ vacuationem, nisi æger huiusmodi vacuationem facile toleret.
Plurimum enim atque repente vacuare, vt replere malum. quandoqui-
dem omne nimium, & repentinum naturæ est inimicum. Vnde Plinius
lib. 17. cap. 27. imprimis cauendum ne ex remedii vitia fiant. Quod
euenit nimia, aut intempestiuia medicina. Purgandū autem initio mor-
borum est, aut sub finem vniuersalē morborum, aut vtroque etiā tem-
pore,

pore, initio quidem, ut minorem iam redditam materiam possit natura
facilius coquere: In omnibus tanien tutius est à minoribus & mitiori-
bus incipere, nisi affectus sit maximus. Nam Hippocratis cōfilio, extre-
mis morbis, extrema exquisitè remedia optima sunt. Medici namq; mu-
nus est cito, tuto, & iucunde curare, aut si non omnino curare possit, sal-
tem leuiorem reddere morbum, aut non augere, neque contrarium affe-
ctum inducere. In vitium enim dicit vitij fuga, qui caret arte. Quare
nullum damnosius medicamē adhiberi ægris posse videtur, quām igna-
ri medici consilium. Præterea, repletio ea quæ ad vasa dicitur in corpo-
re orta, inanitione aut euacuatione soluitur. Quandoquidem Hippocra-
te docente, quicunque morbi ex repletione fiunt, hos curat euacuatio:
Et quicunque ex euacuatione, repletio, & aliorum contrarietas. Non
ergo ignorare debet medicus morbos qui ex impletione proficiscuntur,
exinanitione curari: & è diuerso qui euacuefactione proueniunt, sanari
saturitate: qui à labore, hos quiete: qui ex ocio, eos exercitatione cui-
ci, atque vt vna, breuique oratione complextar, Contraria contrariis cu-
rantur. Tali nanque modo morbi vitium facillimè desistere poterit.
Etenim medicina, Hippocratis sententia, est additio, detractioque: De-
tractio exuberantium, additio deficientium in hominum corporibus.
Omne nanque auxilium corporis (inquit Celsus Hippocratis fidus in-
terpres) aut demit aliquam materiam, aut adiicit, aut euocat, aut repri-
mit, aut refrigerat, aut calefacit, simūlque durat, aut mollit. Quædam nō
vno modo tantum, sed etiam duobus inter se non contrariis adiuuant.
demitur materia sanguinis detractione, cucurbitula, deiectione, vomitu,
frictione, gestatione, omniisque exercitatione corporis, abstinen-
tia, sudore. Verùm, ex principis sententia, nonnulla corporis incommo-
da tempus idoneum exhibendi medicamentum maxime indicant, vide
licet tremor cordis, assiduus incubus, & scotoma, corporis saltus, &
faciei sensus turbidi, & motionum debilitas, vehemens faciei rubor, &
oculorum lachrymæ lumen effugientium, tristitia, & timor: spontanea
sine caussa lassitudo, & casus appetitus, & ad summum, omnis res
quæ de suo mutatur vsu, maximè autem ægritudo præsens medelæ indi-
gens declarat. Excernuntur autem corporis retrimenta, superfluentia
que, à viris quidem per aluum, per vrinam, per vomitum, per oculos,
per nares, per sputa, per sudores, per aures, per coitum, per poros occul-
tos, per pilos, & per vngues: Mulieribus adiiciuntur duo, lac, & men-
strua. Lac autem sanguis est, similiter & menstruum. Temporis igitur

eleſtioe opportuna qua omnia ſydere fauſto agēda ſint, opus eſt. Quod autem in morbis curandis tempus congruum eligendum veniat, ægrotantium iſtaurandorū gratia, Idem venerādus ille ſenex teſtatur aphoriforum ſectione prima, aphorismo 11. In accessionibus, & aliquan- diu ante accessiones nihil dare oportet. Nam cibum dare nocuum eſt. & quibus per circuitum fiūt accessiones, in ipſa accessione niſi virium imbecillitas adſit (tunc enim omni tempore cibandum) abſtinere oportet. Ibidem Aphorismo. 8. Quam morbus in ſuo vigore conſiſtit, tunc viētu tenuiſſimo vti eſt neceſſe: Nam fames ægrotis quam ingurgitatio magis conuenit. Itaque non pura corpora (ait ille) quanto plus nutrīes, tanto magis laedes. Quod autem temporis eleſtio neceſſaria ſit in me- dicamentis exhibendis, ex eodem elicitur Hippocrate, eadem particu- la, Aphorismo 20. Quæ iudicantur, & iudicata ſunt integre neq; mo- uere, neque nouare aliquid, ſiue medicamentis, ſiue aliter irritando, ſed finere. Quisquis eſt igitur qui sanitatem defendere, aut tibi ipſi à mor- bis præcauere, aut denique ingruentes repellere morbos expofcis, tem- pus congruum, aëris affectiones opportunas, viētu rationem cōferen- tem (quæ medicamentis præstat) præligere (citra neceſſitatem) non a- ſperneris, vt cuius facultatis membrorum ope pro morbis curandis, vel sanitate tuenda indigeas, validior, promptiorque tempore cōgruo, aëre opportunō, ac viētu ratione conferente reddatur. Aegrotantibus hoc paſto vim ullam inferre veritus, nec morbos ingruentes exacues, nec nouos induces, nec dolores ſympomaticos incuties, nec denique ægrū vita periclitari facies, modò etiam prius ſumma cura, ſummāque dili- gentia corporū naturas, morborū radices cauſasque priusquam manus adhibeas, altius ſciscitari, deprehendere, ac præcognoscere non ſpreue- ris. An ſcilicet fatigatio, an fitis, an frig^o, an calor, an ira, an melācholia, an vigilia, an famēs, an cibi, vinique copia, an intēperantia libidinis, aut quid aliud morbum fecerit. Subinde quid ſecundam, quidve aduersam valetudinem pariat, tollatve, iuuat mente compleſti: Quādoquidē ne- mo ſcire potheſt quo modo morbos curare deceat, qui vnde iij prodie- rint ignoret, & pro natura morbi remedia mutare nescierit. Diocles in epiſtola ad Antigonum regem ait, vt enim in cœlo nunquam tempeſtas oritur, quam non ſigna quædam præcedant, quibus naute, ceteri iq; haud imperiti homines tutiores reddātur, ita humānā naturam nullus vñquā afficit morbus, qui non ſigno aliquo poſſit præſagiri. Hæc ille. Morbi corporis pulſu, & colore deprehenduntur, eorūque aduentum color, &

Ilassitudo prænunciant: Hinc Hippoc. 2. aphorismorum, sp̄otaneæ laſſitudines morbos prænuntiant: Galenus item 4. sanitatis tuendæ, Color demonstrat nobis superabundantiam humoris peccantis per totum corpus. Duplex itaque ut plurimum cognitio necessaria est ad curam, medici scilicet & ægroti: Cumque (ex Auicenna) morbum ignoraueris, committe eum naturæ, nec præcipitanter agas, quoniam vel ipsa natura morbum euincet, vel monstrabit. Adde in contagiosis morbis, homines ab hominibus, & sanguine coniunctis facilius, ac promptius infici: quod quidem efficit naturæ similitudo. Tota igitur medicinæ sciætia (Autore Galeno secundo de crisi) ex duabus constat noti- ciis, Altera subiecti (quod est corpus humanum) circa quod medicus operatur, altera medicamentorum, quibus veluti instrumentis in suo opere vtitur. Vniuersa autem medendi vis in medicaminum qualitate, quantitate, & congruo tempore consistit. Nihil est (inquit Seneca) in morbis magis periculosem quam immatura medicina, sicut econtrario nihil salutarius medicina tempestiuè data. **Quod etiā planè innuit Ouid.** **Temporibus medicina ualeat, data tempore prosunt,**

Et data non apto tempore uina nocent.

**Astrorum motus tempestates, & varias anni,
ac dierum constitutiones præsignare.**

Cap. XII.

Sed rursus ad institutum nostrum reuertamur. Nubilus Vergilia- rum occasus (yt ferunt) pluuiosam hyemem denunciat. Si vero sereno tempore occiderint, asperitas hyemis prænunciatur. Si post vindemiam imber cōtinget ante Pleiadum occasum, præcox annus erit. Si vero simul cum occasu Pleiadum imber, fiet medius. Si vero post Pleiadum occasum pluua cœperit, serotinus fiet annus. **Quin** & illud quidem ex obseruatione tradunt, quod à septima mensis Martij usque ad decimam quartam eiusdem mensis aër frigidior fieri soleat. In illis enim diebus quadraginta martyres in Paganorum manibus traditi supplicio affecti, fidei suæ testimonium præbuerunt. Prædictis adde, quod ilices, & quercus multum fructuum ferentes, diuturniore fore hyemem significant. Et Capre, & oues initæ, rursusq; iniri expetētes, lōgiore hyemē portēdūt. Si animaliū greges terrā effoderint, & capita ad boreā extēderint, magnā hyemē prænūtiāt. Democrit⁹ itaq; talē futuram hyemē arbitratur, qualis fuerit brumæ dies, id est circulus

Capricorni,& circa eū therici.Dies item Ianuarij quintus,atque vice-
simus si serenus fuerit,frugum portēdi aiunt fertilitatem.Si nix cadat,
vel pluuia,caritatem rerum.Sin existant nebulæ,animalium multorum
interitum.Sin venti,arma.Quibus itaque annis in quercuum pomo re-
peritur musca,bellum futurum esse indicant,quibus Araneus pestem:
quibus vermis,caritatem . Adde quoque si lubet , quod Cicero nem-
nem qui Sirio ardentissimo sydere oriēte nascitur , aqua interiturū ait.
Nec item excidit quod Aristotelem scribere scimus in libro de elemē-
torum proprietatibus: Vbi planetæ coierint in Piscium signum,contin-
gere mox,vt aquis diluantur omnia. Quod si in geminis fiat coitus is,
futuram vniuersi conflagrationem. Sed iis addunt patrum nostrorum
scita diuinæ volūtatis iudicium,quod tam fallere,quām falli nescit. Sic
enim vniuersæ naturæ Deus (qui nihil ociosum,nihil inane , ac frustra
configit) cuius numine , ac maiestate mundus totus regitur (inquit
Augustinus)res quas condidit administrat,vt eas agere proprios motus
finat,monuitque ille summus rerum opifex (cuius opera perfecta sunt
omnia)vbi opus est ad res naturales(quas ipse de terra creauit) confu-
giendum esse,adque sydera cœlestia,ne ea frustra fecisse videatur.Cum
enim post maris rubri transitum venissent Iudæi in locum vbi fontes
erant amarissimi,Deus consulenti Moysi,remediūmque petēti,lignum
indicauit,quod naturali vi sua missum in aquas amaritudinem abstulit.
Poterat tamen sine ligno solo verbo succurrere . Sed ne res naturales
frustra produxisse videretur,monuit(vbi oportet)ad eas (non autem ad
incantationes,imagines,aut characteres damnatae Magiæ)recurrentē.
Vides ergo in sublimi illa syderum Hierarchia cœlum hoc immēsum,
innumeris syderibus ornatum,quod terram liquidis vlnis amplectitur.
Illinc quidem emittit seminum quibus opus est,principia . Terra vero
rerū parens grauidata seminibus calore solis omnia parit,alit,& fouet,
planræ,arbusta frondescunt,fructificant,maturescunt . Crescunt item
partim aëris temperie,partim imbribus,partim ventis salubribus,par-
tim stellis,ac Luna fountibus.Cæterum,Sol mundi oculis,cor cœli,iu-
cunditas diei,& cœli pulchritudo ornat omnia , omnibus vim amoris
ex se admiscēs.Qui(ut asserit Plinius lib.2.cap.6) Planetarum me-
dius fertur amplissima magnitudine , ac potestate naturæ regimen ac
numen est syderum ipsorum,cœlique rector.Hic Lucem rebus admini-
strat,aufertque tenebras,hic reliqua sydera occultat , hic vices tempo-
rum,annumque semper renascentem ex vsu naturæ temperat . De quo
etiam

etiam Macrobius lib. primo sic inquit. Non solum terram, sed ipsum quoque cœlum quod verè mundus vocatur, temperari sole certissimum est, adeò ut extremitates eius quæ longissimè à via solis recesserunt, omni careant beneficio caloris, & vna frigoris perpetuitate torpescat. Est igitur Sol Astrorum speciosissimus, longeq; mortalibus utilissimus esse dignoscitur. Cuius præterea tanta vis est, ut abstrusa quoque penetrando viuificet, sine quo fruges neque oriuntur, neque maturescunt. Quod aperte explicat Vergilius, dum ait. Nocent & frugibus umbræ. Hinc à sole quicquid sinistrum, remotumque, pestilens dicitur. Eam ob rem Aristoteles philosophiæ princeps, Solem & Lunam ubique obseruauit. Adde quod Ioseph deuter. 32. cap. vocat poma, fructus cœli, Solis & Lunæ. Nónne Aquarius ipsam vim solis ostendit? Vnde enim imber caderet in terras, nisi solis calor ad supra traheret humorem? cuius refusio pluuiialis est copia. Hinc Aristoteles physici auditus. 2. Astrologiam philosophiæ familiarissimam, & magis naturalem quam Geometriam censet: Ibidem subiūgens hominem à Sole & homine generari. Si igitur (inquit Marsilius fiscinus lib. de vita cœlitus) concedimus Deum rebus infra Lunam mirabiles inseruisse virtutes, multò mirabiores cedamus cœlestibus.

Naturam cuiusque hominis, syderibus obnoxiam.

Cap. XIII.

IAM etiam ostendamus hominum naturam maximè syderibus esse obnoxiam: Etenim pro diuersis cœli habitibus diuersos euadere hominum mores, inclinationes, varia ingenia, naturasque, pro comperto habetur. Tanta siquidem est in hominibus naturarum varietas, tantaq; in vultibus humanis dissimilitudo, ut specie nonnulli differre videantur, quod de animabus Platonici falso concedunt. Ut enim repries qui naturâ timidi sint, tardi, somnolenti, inertes, pigri, segnes, ignavi: Ita videoas qui nascantur animosi, strenui, vigiles, industrii, vegeti, cordati: ita pios, religiosos, iustos, continentes, modestos, benignos: Ita quosdam impios, irreligiosos, iniquos, auaritiæ deditos, procaces inuerrecundos, immanes. Quæ omnia Terentius in Phormione testari videtur, dum ait. Verum ita hoc est, quot homines, tot sententiae. Et alibi Suus cuique mos est. Plinius item epi. primo: Varia sunt hominum iudicia, variæ volūtates. Quod etiam expressit Ouidius, Pectoribus mo-

res tot sunt, quot in orbe figuræ: Idem sentit Persius, Mille hominum species, & rerum discolor usus, Velle suum cuique est, nec voto viuitur uno. Horatius aptissimam addidit allegoriam.

Tres mihi coniuæ prope dissentire uidentur,
Poscentes uario multum diuersa palato.

Alios itaq; alia delectant studia, aliisq; alia cordi esse manifestissimè dīgnoscimus. Ad quod D. Paulus Apostolus allusisse videtur, cum admonet vt ad præcludendam emulationem sinamus vnumquemque in suo sensu abundare. Nanque aliis aliæ res arrident, placentq;, nec omnium ingenia sunt disciplinis, & artibus accommodata. Ob id quisque ingenium suum solerter introspiciat, videatq; cui disciplinæ sit idoneus, & ingenij vires antē perpendat. Nam vt scitè præcepit Horatius,

Tu nihil inuita dices faciesq; Minerua,
Id est aduersante & repugnante natura. Ea nanque relutate irritus est labor. Ideoque vt monet Seneca,

Inclinandum est quo te uis ingenij refert.

Naturæ noscat semina quisque suæ.

Hic satus ad pacem, hic castrisibus utilis armis.

Quidam etiam (vt ait Fabius) rus ablegandi sunt. pars nanque hominum studio, pars ludo, (vt ait Plato) sunt geniti, atque hi quidem libidinum serui, sponsi Penelopes, fruges consumere nati. Alios item videre est plus habere ostentationis quam operis, alios contrà, plus in recessu quam in frōte promittere. Sunt etiam (inquit Arist. Politic. i.) qui naturæ impetu ferè nullo moueātur ad iram, vt ij qui segnes, imbellles, stupidi, ignauique nascuntur. At ediuerso quosdam reperias ita bile feruidos, vt iram in potestate minus habeant, & ad temeraria verba qualibet indignatione prorumpant. Quidam vrbaniatem non reprimentes, lætiferas non parcunt salibus. At inter ipsos homines (eiusdem testimonio) imperans quidam naturâ, & parens propter conseruationem. Nam qui mente prospicere rem potest, naturâ imperat, ac dominatur. Qui vero corpore ita affectus est, vt exequi ista possit, nihil ipse admodum dispiens, paret naturâ, atque seruit. Sunt item nonnulli ad venerem, ebrietatemque naturâ proni, virtutis tamen beneficio fulti castimoniam seruant, vt de Socrate legimus, qui cum iuxta Metoposcopi iudiciū, ex totius corporis filo atque habitu iudicantis, esset naturâ vinolentus atque venereus, ea vitia sic diligentia profligauerat, vt nemo esset ea tēpestate cōtinētior, & sacerdior. Ita ferè in omni virtutis, ac vitij genere cōtingit.

Nec

Nec indecens erit h̄ic annotare, quod Arist. lib. 2. de historia animalium ad h̄ic modū scribit. Quibus facies magna, segnes, quibus parua, mobilis, quibus lata, mente moueri idonei, quibus rotunda, iracundi. Sed vir sapiēs dominatur astris. Vires itaq; synderibus date, terrā, & terre nascētia sic afficiūt, vt hoc si coniedas, in bilē, illud in pituitā, aliud in sanguinē trāsmutetur. Quo fit, vt homine variis pro libito cibis vtēte, mutetur ī eo & vētriculi, & hepatis, & renī, & seminis cōstitutio. Sinit ergo de⁹ pro seminū qualitate, pro dispositione materni vteri, pro cœli, & stellārū aspectibus, pro ciborū & regiminis natura, hominū tēperamēta fieri diuersa, & corpora nostra in infinitas ire differētias. Proptereā, corporib⁹ nō vno semp modo affectis, nō vno semper modo imaginamur, recordamur, intelligimus, sapimus, appetimus, non eisdem semper delectamur. Non eadem placent exercitia, non iisdem studiis, ludis, iocisve oblectamur, non eadē insomnia cernimus. Pro quorū etiā varietate vt docet Hippo. lib. de somniis, Medicorū scholæ nouerūt de humorū dominio coniectari. redundāte enim sanguine letiores, felle inardescente, ac riores, pituita excrescēte pigriores, atra hile regnante, meticulosi, ac tristiores efficiuntur. Hinc etiā peritiores medici ægrotatiū somnia diligenter exquirunt, & obseruant: Quandoquidem ea interdum sunt cauissē, aut signa humanarum dispositionum, quorundamve humorum redundantiam indicat, Qui enim subuolare se opinatur, prætenuibus humoribus abundare creditur, & quātitatis moderatæ. Principatum sanguinis significare somnia censemur, cum se quis rubentia spectare opinatur, aut sanguinis ē corpore profluuium. At si aquarum, fluminum, niuum, frigoris ingerantur εἴδωλα, phlegmatis ea primatem indicant statum. Si imagines concipientur ignium, bilis præualet rubra. Eādem verò atram pollere, prænuntiant somnia terrifica. itaque bene dispositi à natura (vt videre licet) minori negocio, ac diligentia proficiunt. At quibus nouercali odio natura difficilis fuerit, solent omnia faciendo parum aut nihil proficere, & operam, ac impensas vt plurimū perdere. Nec Chœrilus malus Alexātri poëta, nec Mæuius, & Bauius, minūsq; Homerus, & Vergilius perdiscendæ poëticæ studium impendisse putādi sunt, sed minus habuisse (vt credere par est) fauoris à natura. Quod manifestare videtur Vergilius hoc pastorali versiculo,
Dicite Pierides, non omnia possumus omnes.

Et vt habet tritū Adagiū, Nō ex quo quis ligno fit mercuri⁹. Qđ & planē

Satyricus poëta docet cum ait , Culpa docentis Arguitur, quod læuā in parte mamillæ Nihil salit Arcadico iuueni. Vbi asinina significatur ignavia. Quod tamen prius & lucidius à Marone dictum est, quando ait.
Frigidus obſtiterit circum p̄cordia ſanguis.

Itaque quemadmodum constitutio quæ vni genti salutifera est , alteri, mortem minatur: Et vt corporum dispositionibus, sic morib⁹ , legibus, ſententiis differūt, & ingeniis. His de cauſis Athenienses ingeniosiores, Thebani robustiores habiti ſunt: quod videlicet illi in puriore aëre, iſti in crassiore aëre versarentur. Eusebius. 8. præparationis euangelicæ, Græcia, inquit, ſola homines generat verè cœleſtes, atque diuinos naturā ad omnem ſcientiam natos, cuius rei cauſa eſt aëris ſubtilitas. Solent enim ingenia ſequi aëris qualitatem . Vnde & Bœotios crassi & ſtupidioris ingeni (Vnde eſt de iſis prouerbiū, Sus boeotia) propter crassum aërem fuſſe legimus. Imò regio intemperata, inquit Galenus) corpus temperatum non gignit . Quare multum refert quo ſemine quis progenitus ſit, quibus horis natus infans, quibus cibis & exercitiis educatus, quibus cū alitus, quibus disciplinis imbutus, ſub qua cœli parte nutritus. Nō igitur omniū æquè nationum corpora ſunt ad ſapientiæ, ac intelligentiæ perceptionem idonea . Vnde Socratem vel vt alij volunt Thaletem dicere ſolitum accepimus, Propter tria ſe maximè Deo gratias agere, quod ſcilicet mas non fœmina, homo non bestia, Græcus non barbarus natus eſſet. Tanta ſiquidem eſt hominum diuersitas, vt quod vni honestū, alteri turpe: quod nobis iustum, aliis iniustum ſit, pro cuiusque temporis, loci ſtatū, hominum opinionibus , vel legibus. Porrò habent & ſingulæ nationes à ſuperis agnata ſibi morum discriminæ, per quæ facile à ſe inuicem diſcernantur , vt cuius quisque nationis ſit oriundus, à voce, à ſermone, ab oratione, à conſilio, à cōuerfatione, à vietu, à negocio, ab amore, & odio , ab ira, ac militia , ſimili-búsque exercitiis facile cognoscatur . Habet etiam vnaquæque natio quantuncunque etiam ſiue ciuilis, ſiue barbara peculiares mores, ritusque ſibi à cœlis influxos à cæteris diuersos, qui ſub nullam artem philoſophiamque cadere nequeant, ſed ſola naturali virtute abſque omni disciplina hominibus adgenerantur. Itaque inſequi videntur & nationes ſua vitia ex ſyderum influentia contrafacta. Hinc non ineptè extat illud Adagium, Mores hominum regioni respondent, vt plantæ . Quæ quia à Firmico materno ſatis ſuperque notantur, hīc ea memorare forſan videri poſſet odiosum.

Virtutes occultas rerum à cœlesti virtute prouenire.

Cap. XIII.

Porrò autem virtutes rerum occultæ quæ speciales à medicis non minantur, non ab elementari natura fiunt, sed cœlesti. Nónne suffragante cœli vultu (inquit Marsilius Ficinus de vita cœlitus) innumerabiles sæpe ranæ, similésque animantes ex arenis momento profiliunt? Nónne etiam familiæ quedam (eiusdem testimonio) apud Illiricos, & Triballos iratę intuitu homines interemisse ferūtur? Et fœminę quedam in Scythia idem facere consueuisse? Nónne principis in vrbe vultus quidem clemēs, & hilaris exhilarat omnes: ferox verò vel tristis repente perterret? Quid non ergo cœlestium vultus omniū terrenorum dominos aduersus hæc efficere posse putas? Quippe cùm etiā coeuntes ad prolem plerumque non solum quales ipsi tunc agunt, sed etiam quales imaginantur, soleant filiis diu posteà nascituris cōfestim imprimere. Cuius rei Iacob non ignarus, ouium fœtus in vtero colorabat. Qui fit etiam quòd Septimestres infantes sint vitales, octimestres minimè? Porrò permulta rerum parés natura (quemadmodum Plutarchus prodit) quæ vel cœcis laborent discordiis, vel quæ consensu mutuo concordent. Hoc sympathiam, illud antipathiam Græci vocant, quæ miraculo digna frequenter nobis occurunt, nōsque magnam in admirationem trahunt. Quid est (quæso) quòd elephantes illos enormes porcina vox, grunitusque terrificat? Elephas item insanus, ac furens ariete conspecto mansuetus. Taurus quantumcunque ferox mitescit, domaturque fico arbori adalligatus. Leones item generosissimos animalium, gallorum gallinaceorum cantus, & facies cristata perturbat. Quid inquam magnetem lapidem mira naturæ lege ad polum conuertitur, ferrumque ad se trahit, rursusque abigit à se, si allio confricitur, sed ut extincta fere vis reuiuscet, ac recreetur, hircino proluitur sanguine. Coralius lapis in domo iniuriam omnem emolitur, & insidias expellit. Sed non alia ratione dicere licet, Leo gallum veretur, nisi quoniam (inquit Marsilius Ficinus) in ordine phœbeo gallus est leone superior. Eadem ratione, inquit Proculus Apollinentum dæmonem qui nonnunquam sub figura leonis apparuit, statim obiecto gallo dispersus. Philosophi itaque naturas rerum cognitione priuatas volunt ab intelligentiis, quæ voluendis cœlorum orbibus à deo præfectæ sunt in

opera dirigi, & aliena prudentia, ne operando peccet gubernari. Quod fit, ut res insensiles quales herbæ sunt, & arbores, & id genus alia, tanto minus in procreandis fœtibus suis errat, quanto perspicacioris naturæ iuantur ingenio. Ideo à Peripateticis dicitur opus naturæ, intelligetiæ opus esse. His de caussis si quis recte examine apud se librauerit, Astrologiam (quæ cœlorum, astrorumque motus, syderum ortus, & occasus contemplatur) medicis humanarum passionum prouidis cōsultoribus, præcipue ad venæ sectionem, corporis purgationē (quæ prima, & præcipua sunt vacuationum genera, quibus morbi plerique omnes egent) decretorios dies, integrumque morborum curationem summè utilem facile dijudicabit. Quod voluit Hali verbis sequentibus, Astronomiam ignorans (inquit ille) est tanquam cæcus viam baculo tentans, huc & illuc turpiter offendens. Galenus etiā primo Methodi medendi, planè fatetur Astronomiam medico necessariam, dum carpit Thessalum improbum medicum, qui neque Geometriæ, neque dialecticæ, neque Astronomiæ, neque ullius bonarum disciplinarum indigere artis medicæ studiosos dicebat.

Quæ commoda ex syderum scientia.

Cap. XV.

Maxima commoda ex syderali sciētia, Astrorumq; obseruatio-
ne profluere nemo est qui ignoret. Hæc enim Solis rerum pa-
rentis, Lunæque varios cursus, hæc meatus syderū, hæc ratio-
nem temporum depræhendit, aperitque futuri temporis euen-
tus, vitæque pericula monstrat. Hac item pendentia fata (si Manilio cre-
dimus) discerni possunt, dum ait: Fata quoque & vitas hominum suspē-
dit ab astris. Sic felix, aut triste venit per singula fatū. Hac peritus quis-
que Astrologus multa mala obseruare potest, quæ secundum stellas vē-
tura sint, quoniam cum earum naturā præsciuerit, sic eum præmunit,
cum mala (licet non necessario) ventura sunt, ut cùm venerint possit il-
la facilius tolerare. Adde quòd medicinæ atq; diuinationis cōsociatæ
sunt disciplinæ. Nam medicus vel commoda, vel incommoda in cor-
pore futura prænoscit, sicut ait Hippocrates: Oportet medicum dicere
de ægroto quæ sint, quæ fuerint, quæ mox ventura sequentur. Nec du-
bitandum est ex motu cœlestium corporum plurimos rerū euentus pē-
dere, potissimū ex his quæ à nostro nō manat arbitrio. Nā & in Genesi
legitur, Luminaria cœli ad hoc producta esse, vt sint in signa, & tēpora,
& dies,

& dies, & annos præsertim in naturalibus effectibus. Signat enim syde
ra futura tēpora, an natura sicca, aut humida vētura sunt. Secus in euen-
tis quæ ex arbitrio procedunt, & cū ratione dirigi possunt. Verū ex Al-
farabio hēc ars partim mēdax est, & hominibus incognita. Quis(rogō)
hominum nouit, omnium, tamque diuersarum stellarum varias natu-
ras, & effectus, & inde virtutes ex omnibus mixtas, vt prēnuntiet innu-
meros euentus etiam naturales tum in elementis, tum elementatis con-
tingentes, vt absque errore dicere possit, harū stellarum coniunctio, ne-
cessario siccitatēm facit, aliarum verò coniunctio, aquarum abundan-
tiā efficit, & quarumdam pestilentiam inducit, & cetera id gentis quę
pater posuit in sua potestate & in suis thesauris. Nemo sanè nouit ista
pro certo prædicere, sed per quas dā coniecturas fallaces afferūt, nōnul-
la ex his quæ aliquādo cōtigerunt. Ea de cauſa Astronomiæ iudicia-
riæ minimè credēdū. Ex cuius ſinu profluxisse ſuperftitionū omniū va-
nitates, locupletiſſimus auctor Varro teſtatur. Sed huius farinæ homi-
num demētia irridēda, qui ſcire ſe ſimulāt quæ in cœlo agūtur, quāfi cō-
filio cœleſtiū interfuerint, atq; recēs inde venerint, cū tamen quę in ter-
ra, quę in domo vxor, ſoror aut ancilla eius egerit ignorent. De quibus
apostolus ait, Ad ſobrietatem non ſapiētes ſtulti facti ſunt. Hanc artem
pro clypeo quodam ſuę iniquitatis nō pauci temere ſectātūr, vene-
rātūr, & colunt. Nempe Diuinaculi, Necromantici, Chiromantici, Py-
romantici, Hydromantici, Aruspices, Harioli, Genethliaci, præſtigia-
tores cane peius & angue fugiendi. & ideo huiusmodi vaticulis calami-
toſo hominū generi (quoniam multa mendose effutientes fortunas ho-
minum dicere volunt, quāfi de fortuitis euentibus ſcientiam habentes)
fidem aliquām dare ſtultiſſimum eſt. De quibus ſcribitur Leuitici
decimonono cap. Non declinetis ad magos, nec ab Ariolis aliiquid ſci-
ſitemini, vt polluamini per eos. Nec ab his cōiectatoribus veritatem
expectes agnoscere. Nec quid astra de te requiras, aut quid de te fu-
tūrum ſit. Quandoquidē id Deus ſciri non vult. Sed quid astrorū condi-
tor ſanxerit, bonis operibus expecta. Sed vt vnde digressus ſum redeā,
Nōnne, & Viatoribus, & nauigantibus, qui longam, ac defertam viam
capeſſunt, regionum ſitum stellarum obſeruatione ſignare neceſſum eſt,
qui cūm eō vīque prouecti ſunt à terra vt iam cœlum vndiq;, & vndiq;
pōtus, stellarū indicio curſum moderari ſolēt, maximē Cynosure, & He-
lices. Hēc eadē oīm ſalutē cōſeruare docet. Hac etiā duce (vt ferunt) ad

humanarum, diuinarumque rerum notitiam peruenimus, eademque ad
sacra (vnde salutis nostræ recte beateque viuendi præcepta hauriun-
tur) confert intelligenda. Prophetarum princeps Psal. 18. Cœli enarrat
gloriam dei, & opera atque facta manuum eius annunciat firmamentū.
Si ergo dei notitiam habere desideramus, cœli, stellarumque scientiam
habere decet. quod maxime viris ecclesiasticis, & cunctis deum timen-
tibus conuenit. Nam qui exactius pensitarit, rem totam comperiet li-
quidò cœlestem claritatem adeo præcellere naturæ quadam præsigni
maiestate, vt in perenni, ac vitali luce illa augustissimum diuinitatis my-
sterium sit facile deprehensurus. Siquidem vertiginosus ille motus am-
pliorum nobis indicat potestatem. Lux nitidissima, sapientiam. Calor
suauissimus, amorem. Quibus à principe summo rerum deo cœli, soli-
que monarcha mouentur, illustrantur, perficiuntur omnia, atque seruā-
tur. sine hoc nec inferius generabitur quippiam, nec genitum suas ex-
ercebit functiones. Et quidem sicuti intimus & vitalis calor noster, cor-
pora confouet, ac seruat, eiusque fomento, quæ agunt in nos non fru-
stra agunt: Ita si non adsit cœlestis ille calor, corporū virtus omnis præ-
fertimque ille ipse tam vitalis, tamque familiaris nobis calor proficitus
depereat necesse est. Quoniam verò cœlum corpus est perfectissimum,
comarem quoque locum, id est supremum habere. ex rerum dignitate
consequens fuit. Scitum illud Aristot. est ex lib 8. auscultationis physi-
cæ, motum primi cœli vitam esse omnibus, quandoquidem euidentissi-
ma est, & communis operatio vitæ, intimus motus: cessante autem cœ-
lo, nec cætera mouebuntur. Sicut in minori item mundo si cesset mo-
tus cordis, omnes animalis motus perire necesse est. Nec lapis itaque
deorsum moueretur, nec ascenderet ignis. Adde Solem, & lunam in re-
gione illa cœlesti (vt Ptolemæi verbis vtar) veluti Reges ducesque præ-
sidere: ad quos præcipue mundanarum rerum mutationes & veluti ne-
gocia referantur. Cæteras autem stellas corundem subministras esse, &
in cœlesti illo exercitu quasi tribunos, cæturiones, & milites, qui impe-
rata à regibus suis exequantur. Propterea Pici Mirandulæ sententiæ ac
quiescendum minime censeo, afferentis, præter solem & lunam reliquas
stellas nihil in rebus inferioribus viriū exercere. Quasi sapientissimus
ille architectus, & naturæ author Deus tam magnam nobilissimorū cor-
porum molem, tantum numerum cœlorum, tam varios illorum mo-
tus, tam admirabilem, tam ordinatum ipsorum inter se motuum conce-
tum frustra, & sine alia operatione creasset. Sed vt ratio postulat, duo-
bus

bus luminaribus primarias virtutes tribuimus, reliquis autem secundarias, & earundem subministras.

Astronomiæ commendatio, ab iis qui eam exercuerunt, & effectu quem habet.

Caput XVII.

Quantopere commendata fuerit antiquis Astrorum cognitio, passim apud omnes authores videmus. Vnde Chaldæi syderalis scientiæ consultissimi, eidem maximas vires contribuerunt, qui ex motu syderum, vique stellarum cætera omnia fieri existimant. Aegyptij item omnium philosophiæ disciplinarum parentes, in omnibus medendi libris scientiam syderum prognosticationibus coniunxerunt: eo scilicet ut existentium temperaturarum qualitate per stellas, necnon & symptomata corpori euentura deprehenderent, hi sane planetarum motus, & vagas vertigines, coitus, oppositiones, Solis labores, & lunæ defectus excogitarunt, quæ etiam astrorum vires erga animantium generationem, quæcumque aut bona, aut mala importarent, ac portenderent hominibus diligenter scrutati sunt. Sæpius itaque quod melius futuris occurri posset, sterilitatem fructuum, & vbertatem, morbos tum hominibus, tum brutis animantibus imminentes, terræmotum atque inundationum tempora, cometarumque prænuntiabant. multa etiam reliquis cognitu difficultima diuina obseruatione significabant. Huius artis adipiscendæ gratia Pythagoras Philosophus sapientissimus è Samo in Aegyptum traxiuit, & Persarum magos adiit, à quibus stellarū naturas, cursus, & syderum motus cognouit. Sic Plato (qui doctrina plurimum excelluit) Aegyptum. Sic Apollonius philosophus intravit Persas, pertransiuit Caucasum, Albanos, Scythas, Massagetas. opulentissima Indiæ regna penetrauit, & ad extremam latissimo Physon amne transmisso peruenit ad Brachmanas, ut Hiarcham in throno sedentem aureo de natura, de motibus syderum, ac dierum cursu audiret docentem. Inde per Elamites, Babylonios, Chaldæos, Medos, Assyrios, Parthos, Syros, Phœnices, Arabes, Palestinos reuersus Alexandriā perrexit Aethiopiam, ut Gymnosophistas, & famosissimam Solis mensam videret in fabulo. Quid Athlantem (cuius filiæ finguntur septem Pleiades) cælum ipsum humeris sustinere finxit antiquitas, nisi quod Astrologus fuerit peritissimus. Verum huius negotijs relictis Ethnicorum, prophorum, et externorum innumeris suffragiis, Ad Christicolarum

historias nos confugere par est. Nam Adamus Protoplatus ille Astronomiam tanti fecit (teste Iosepho authore sanè grauissimo, antiquitatū primo) vt duas columnas reliquerit: vnam æneam, alteram lateritiā, in quibus syderum motus descripserat, ne per aquæ cataclysmos, & incendiorum conflagrationes, quæ futura esse diuino spiritu afflatus prænoverat, ea scientia quādoq; deperiret. D. itaque Hierony. ad Paulinum scribens, adfirmat Medicorum, Astronomorum, Astrologorumque scientiam mortalibus vel vtilissimam esse. Nōnne tres Magi illi sapientissimi philosophi syderalis scientiæ periti, & Reges sanctissimi ab oriente (vnde dies nascitur) stella duce confestim venerunt, & eisdem natum regem Iudæorum indicauit? eosdemque ad eum adorandum inuitauit? Nōnne etiam D. Dionysius Areopagita philosophus tutelare Galliarū numen, magnus Astronomiæ cultor fuisse perhibetur? qui Athenis percipiens in die passionis dominicæ, solis deliquium in plenilunio contigisse, nec huius caussam inueniens, illud non esse naturale, sed miraculosum naturæ contrarium sanè diiudicauit, ac viso portento territus continuò exclamauit, aut Deus naturæ patitur, aut tota mūdi machina dissoluitur. Sed vt de cæteris taceamus, Christus ille Anthropotheos virginis filius pientissimus, à quo salus, & vita resurgit, eandē artem comprobauit, & ex elementorum ordine, atque constātia posse, & serenos, & pluuiæ dies prænosci, & quodāmodo augurari futura posse videtur testari Luc. 12. In cœlo aliud hyemis, aliud sereni tēporis signū est. Ad idem Mat. ca. 16. Cūm accessissent ad Christum Pharisei, & Saducæi tentantes rogauerunt eum vt signum de cœlo ostenderet eis. At ille respondens ait. Facto vespere dicitis, serenum erit. Rubicūdum est enim cœlum. Et mane hodie tēpestas, rutilat enim triste cœlum. Quo fit vt tota via, totoq; cœlo mihi aberrare quidam insolenter philosphantes videantur, qui suam inscitiam prodentes, audent temere in Astronomiam illam sublimem philosophiæ familiarissimam surgere, quiq; nescio quo ore, quāve fronte huic diuinæ arti nigrum præfigere th̄cta conantur: & ab hominum cōsortio perperam, & iniquè seque strare cōtedūt. Hos enim puto leuiter dānare quę penitus ignorāt, & de ea sentire, quod cæci de colorū differētiis. Nā vnusquisque bene iudicat de his quę bene nouit, horūq; bonus est iudex. Quapropter, felices esent artes, si de illis soli artifices iudicarēt. Artis enim suę quęq; & auctorē, & disputatorē optimū esse abigit nemo. Nā iuxta Horati flacci vulgarē sētētiā, Quod medicorū est promittat medici, tractet fabrilia fabri.

Sacerdo-

Sacerdotes inculpatæ vitæ esse debere.

Cap. XVII.

Nunc demum ad viros Ecclesiasticos rerū spiritualiū administratores, orthodoxęq; fidei proceres & columina, vices Christi servatoris (qui maximus est pōtifex) in terra gerētes verba cōuerto: quos synceris, & expolitis moribus, vita vndiquaq; inculpata, mente pura, & ab omni humanarū rerū cōtagio immunes, cultūq; dēcēti ornatos imprimis esse decet. quibuscum feliciter ageretur si secularibus negociis, caducisq; reb^o hominē excēcantibus, & id genus aliis plerisq; quę gentē sanctā, regale sacerdotiū minimē decēt) prorsus reieētis suo quisq; officio probē fungeretur, ac in sese descēdere tētaret, haberētq; semper præ oculis prudentis more, Græcū illud ex Apollinis oraculo deprōptū, γνῶθι σεαυτὸν, nosce te ipsum, quod qui adsequūtur, diligentia quādam & artē qua boni efficimur acquirūt. Res sane præclara est sacerdotiū, si quis se in eo gerēdo qualē oportet præbeat. Nam ex Chrysostomo, qui alios purgandi curā suscipit, aliis sanctior, purgatiorq; esse debet. Qui igitur (vt vna breuiq; oratiōe cōpletear) animas protegēdas vt patronus, curandas vt medicus, erudiendas vt doctor, nutritias vt pastor suscipit, hic re vera sapiens, amplisque honoribus dignus censetur. Hinc extat beati Pauli sentētia, Qui bene præsunt presbyteri, duplii honore habeantur. Scribitur item Ecclesiastici capite 7. Honora Deum ex tota anima tua, & sacerdotes illius sanctifica.

Sacerdotibus necessariam esse Astrorum cognitionem.

Cap. XVIII.

Si cuiquā igitur ex mortalibus necessaria est cœli, Solisque cognitio, cui magis esse debet quam sacerdoti? cuius tanquam senioris, atque adeo prudētioris officium est populū erudire, de rebus arduis diuino quodam ingenio tractare: nihil aliud quam diuinum ac cœlesti meditari. ad ipsos igitur sacerdotes spectat tempus ipsum, cœlestiāq; mysteria, syderumque motus ad festa mobilia, cæteraque decus, & statū christianę ecclesiæ cōcernentia, æquis oculis (prout eorum statui congruit) pensiculatius contemplari. Nam quam honesta, quānque digna sit bono viro syderalis scientiæ cognitio, abundē testatur Ouidius, dum ait.

*Felices animæ quibus hæc cognoscere primum,
Inq; domos superas scandere cura fuit.*

Credibile est illos pariter uiciūsq; iocis que

Altius humanis exeruisse caput.

Ad hæc accedit cuiusdam sequens distichon.

Astra colit sapiens, terram ueneratur avarus,

Impius nanc Pluto, Iuppiter illa tenet.

Ea enim nos euocat ab his tenebris, & crasso aere, & in superiorem illam lucidissimamque domum tot luminaribus distinctam, oculos atque animum inducit, in quem aspicienti iucundum est varias fixarum stellarū imagines discernere, & erraticas suis locis, nominib[us]que dentare, earūq; coniunctiones, & item alternos Solis, & Lunæ motus, oppositiones, congressus, defectusve longè antè præuidere, prænoscere, atq; prædicere. Ex quibus plurima commoda consequimur, & non parua pericula, & incommoda vitamus. Astronomiæ itaque præstantia vel ex hoc vno potissimum dignosci potest, quod circa obiectum Dei maxi- mi opus summè admirandum (quod est corpus cœleste) versatur, quo quid absolutius? quid pulchrius, quid maius? quidve admirabilius vide- ri, & excogitari potest? Corpus inquam inter omnia corpora capacissi- mum, præstantissimum, sphæricum, nulli alteratiōi prorsus obnoxium, inuariabili substantia semper manens, supremo, & nobiliori loco, mo- tuque à Deo præscripto regulari, ac circulari omnium motuum priori, ac perfectiori decoratum. Cuius moles tam vasta, tanque insignis est, vt quantitas totius terræ cum oceano, sit tanquam centrum, & punctus ad ipsum firmamentum relata. Adde quoque (si lubet) quod soli homini cunctarum animātium sublimis, ac erecta est statura, quo commone- mur omnes non esse hic nos vt incolas, & habitatores, sed quasi specta- tores superarum rerum atque cœlestium, quarum spectaculum ad nul- lum aliud genus animantium pertinet. Deuteronomij 4. Deus corpo- ra cœlestia fecit in mysterium cūctis gentibus quæ sub cœlo sunt. Pro- pterea, Mercurius sanè (inquit) generatio hominum ad diuinorum est operum cognitionem, ad cœlestium discursum suspiciendū, cuius cauf- sa sunt omnia à Deo quodammodo producta. Tantæ enim sublimitatis est homo ex corpore & anima constans, vt omnium quæ cœlo continē- tur, imò & cœli ipsius, ac Dei sit capax. Vnde philosophi gentiles mul- ta de Deo recte scripserunt, vt quod vnuis, quod immēsus, quod incor- poreus, quod sempiternus, quod optimus, quod omnipotens, quod sem- per vigilans, quod affectibus carens, quod mundi opifex, quod primus motor, quod finis omnium atq; principium. Cœlum autem quod tan- to inter-

to interuallo remotum est , sic ducente oculorum acie ratio penetrauit , vt polos, vt axes , æquinoctialem , Eclipticam , maximas solis declinationes , Tropicos , arcticum , & antarcticum circulos , necnon & Epicyclos , motus etiam planetarum & firmamenti ita deprehendebit , vt qui diligenter supputare , & ad calculum mathefeos reducere voluerit , vix vnquam errare possit . Quod exēplo declaratur Hipparchi . Ipse enim , teste Plinio , Solis & lunæ cursus , & eclipses in sexcētos annos seculo ipso attestante præcinuit , non minus verè quām si consilio rum naturæ particeps fuisset . Tāti insuper vigoris est , vt sit eius animo celeritas vēto citatior , igne volucrior , tantæ felicitatis , vt sit paulò minus minutus ab angelis , sicut propheta inquit . Sortitus etiam corpus quod immortalitatem possit induere , ad imaginem quoque dei factus . Omnia præterea animantium dominus , habens ad custodiam sui angelos quasi pēdagogos . Cœli insuper nisi deum contemnat , hæres futurus . Cacodæmonibus , & apostatis imperat . Insuper & promerendi paradisum , habet arbitrium . Et vt in . 2 physic . meminit Aristote . homo quodammodo finis est omnium . De quo Marcus Manilius lib . 2 . astrenomicon ita inquit . Eximiam natura dedit linguaque , capaxq ; ingenii volucremque animum , quem denique in vnum descendit Deus atque habitat , ipsumque requirit . Cūm enim statuisset summus ille rerū dispensator , omniumque bonorum caussa Deus , ex omnibus animalibus solum hominem facere cœlestem , ceteraque vniuersa terrena , hunc ad cœli contemplationem erectum fecit , bipedemque constituit , scilicet vt eadem spectaret , ac contemplaretur , vnde illi origo est . Illa vero de pressit ad terram , vt quia nulla his immortalitatis expectatio est , toto corpore in humum proiecta ventri , pabuloque inferuiren̄t . Hinc recte cecinit Ouidius .

*Pronaq; cūm sp̄ectent animantia cetera terram ,
Os homini sublime dedit , cœlumq; uidere
Iussit , & erectos ad sydera tollere uultus .*

Hinc Anaxagoras Clazomenius philosophus non modò generis gloria , & opibus , verū animi magnitudine clarissimus , rerum mundanarum , suarumque contemptor , quum quispiam exprobraret , quod patrię nulla esset illi cura . Imo , inquit , mihi patrię cura , & quidem summa est , digito cœlum monstrās : Idem rogatus curnam se natum arbitraretur ? Respondit , cœli , ac solis , & lunæ videndi caussa . Eccle . cap . ii . Dulce lumen , & delectabile oculis videre solem . Hinc Moses vir sanctissimus

cœlestium dominum in die solem arbitratur, nocte Lunā, quasi nocturnum solem. Nā legimus, Et in sole posuit tabernaculum suum. Credidit etiam Plato Solem esse perspicuā Dei statuam, in hoc tēplo mundo ab ipso Deo positam. Hic enim (vt disertissimè scribit Plinius) cœli tristiciam discutit, atque etiam humani animi nubila serenat. Hic lumen suum cæteris quoq; syderibus, fœnerat, Luna virtute Solis domina generationis. Fas itaque putemus in terris ediscere, quorum agnitione perdurabit in cœlis. Nónne etiam in summa illa hierarchia est cœlum Empireum, palatium Dei, & omnium electorum, vbi beati æterna consuetudine Dei fruuntur, immortalique felicitate potiuntur? In quo nec oculus vidit, nec auris audiuit, neque cor cogitauit quæ dominus Deus omnipotens præparauit diligentibus se. Ad cuius agnitionem & ad immortalitatem conditi sumus. Cuius inquam deliciæ sunt esse cum filiis hominum. Sanitatem quidem corporis Hippocrates, animi vero Socrates pollicetur, sed veram utriusque sanitatem solus ille præstat qui sic exclamat. Venite ad me omnes qui laboratis, & onerati estis, & ego vos reficiam. Ego sum via veritas, & vita. Caput igitur mentemque in illud pulcherrimum, ineffabile, & immortale domicilium mūdum cœlestem extollant, diui Pauli salutiferi consilij non immemores dicentis: Quæ sursum sunt sapite, nō quæ super terrā: Illuc tendimus omnes, illic scopus noster præcipuus figendus, & ultimus finis constituendus, illic nostra est patria, terra promissionis, quam exules cōquirimus, qua nihil omnibus bonis affluētius cogitari potest. Struamus ergo nobis illic (nō in terra) thesauros, quò neque fur penetrat, neque rubigo exedit, neque tinea rodit, neque ullus territat metus. Hinc omnis merces laboratibus expectatur, illuc summa, & supernaturalis felicitas, vita verè beata, solida, perpetua, & immortalis: hoc est visio gloriæ Dei, diuinique vultus contemplatio, quæ est summa lēticia finis creationis, & merces iusti. Sūmumque hominis bonum in mente, ac præ oculis semper habendum, quo Solo humanæ conditionis dignitas (inquit Augustinus) satiatur, in quo omnium bonorum essentia, perfectiōque continetur, ad cuius contemplationem caligat mens, rapiturque trāfusa, veluti altioribus mera tenebris. Proinde desinat homo se ignorare, respectetque ad opificem suum, quo ut possit perfrui, ex bonitatis illius fonte exuberatissimo in Lucem vitalem est emissus. Ad quod nos inuitat, hortatur, & sincerè admonet qui ait. O felix mortale genus si semper haberetis æternum præ mente bonum, finemque timeres. Cauemus ergo ne irritum faciamus

ciamus apostoli consilium. Cōuersatio (inquit) vestra sit in cœlis. Quo modo autem in cœlis conuersabimur, interea dum adhuc anima in corpore clausa est, nisi cogitando quanta sit Dei maximi excellentia? Hæc autem vnde melius discetur quam ab operibus illius, quæ sunt omnia summa admiratione digna. Est tamen sicut habet regius propheta, mirabilis in altis domin⁹, qui respicit terram, & facit eam tremere, qui ministrat semen seminanti, & panem comedenti, per quem nec ales esurit. Qui Solus stellarum multitudinem numerat, eisdēq; nomina designat: qui tangit montes, & fumigant, qui operit cœlum nubibus condensis, & parat terræ pluuiam ut fœcudentur nascentia. Cuius nomen admirabile est in vniuersa terra, qui vbique est, & omnia implet quem vniuersalē vocat Pythagoras. Qui Solo verbo vltra hominis captum cœlum & terram condidit, qui nutu dirigit orbem: Cuius ab imperio fulmina missa cadunt. Vnde Paulus primæ ad Corinthios octauo cap. Vnus est Deus, in quo omnia, & per quem omnia, & ex quo omnia, cuius sermo veritas est infallibilis. Pulchrum quidem est admirari varias Dei creaturas, super terram sparsas, pulchrius certè contemplari latissimam, ac pulcherrimam fabricam illam cœli, quam dominus digitis suis (sicut cætera) compegit, eamque nostris addixit visibus. Non est profectò dignus appellatione hominis, multoq; minus nomine Christiani, qui non saep admiratur donum illud iucundum, amabile, & necessarium Solaris Lucis, Lunaris, & syderalis. Aue quidem cœli, canes, & cætera ferè bruta corpora illa cœlestia inspectant: imo inter pisces est Ouranoscopos, sed intuitus huiusmodi sensum corporeum non excedit. Quibus non immerito bestialiores erimus, si magnifica illa Dei opera solo corporis oculo non etiam mente perspicaci contemplemur. Itaque in illis intueri debet mēs humana pulchritudinem utilitatem, ordinem, circuitumque definitum à summo illo Archetypo ad illius gloriam, & nostram necessitatem. Veteres quidem philosophi propter vitæ suæ commoditatem hoc studium amplexi sunt. nos autem quos decet magnalia Dei (qui Solus est æternus) discere, & ea quibus possumus laudibus euhere debemus, vel hoc Solo nomine cœlestium creaturarum differentias, & virtutes exquirere. sic enim cum illa cognitiōe] crescat amor Dei, fietq; vt verū agnoscamus Pauli dictū, inuisibilia Dei, per ea quæ facta sunt visibilia intellecta cōspiciūtur, semiperna quoque virtus ipsius potentia, & diuinitas. Quæcum vera sint,

E ij debeant-

debeantque omnes Christiani magnificare opera domini, æquius est
prefecto ut Ecclesiæ rectores qui positi sunt in medio populi tanquam
lucernæ, præluceant cunctis scientia, veritate, virtute: quæ suos cultores
Deo efficit dignos. fide, charitate, & exemplis bonæ vitæ exerceant se-
se, non solum in contemplatione misericordiarum domini, verum-
etiam laudem Deo cœlorum cōditori quærant à cognitione creatura-
rum tum terrestrium, tum etiam cœlestium. Id quod fecisse constat ma-
iores nostros, diuinitus impulsos, à quibus accepimus institutionē piā,
& sanctam ecclesiasticarum solennitatum. Legimus enim priscos pa-
tres (qui sapientia & pietate excelluerunt) tantam curam, ac diligētiam
ad rectam sacratissimi festi Paschæ, ac Pētecostes, cæterarumque solēni-
tatū celebrationē, olim adhibuisse, vt merito statuerint, ac decreuerint
olim neminū in sacerdotium admittēdum, qui Computū, hoc est Solis
motum, ætatis Lunæ normam, temporum distributionem, rationem ter-
minorum Paschalium, festorumque mutandorum (vt annorum curricu-
lo vario contingit) ordinem, indagationem, & situm ignorauerit, Licet
non conueniat Christianis dies, & lunationes superstitionē obser-
uare. Cum igitur omnes viri Ecclesiastici debeant callere, & habere
Chronognōsin, id est temporis notitiam, sitque vita hæc qua fruimur
admodū breuis, summa ope adiuti decet, vt has horas rapidissimas, diēs-
que festos officio diuino maximè destinatos, cursusque, & rationes so-
lis, & Lunæ (ducum anni) quoad licet cognoscamus, cū præsertim Ro-
mana Ecclesia in suis negociis disponendis, & absoluendis dūtaxat So-
lis & Lunæ, reliquorum planetarum motibus posthabitatis, vtatur. Atq e
hæ demum sunt rationes quibus persuadere possumus non rusticis mo-
dō, atque adeò infimæ sortis hominibus, verum etiam reliquis, tum me-
dicis, tum etiam sacerdotibus, Solis, ac Lunæ, reliquorumque astrorum
cognitionem perutilem. nedum necessariam esse. Cuius rei arduitas cū
animū nostrū in diuersa pertraheret, factum est ad extremum vt quos-
dam Canones, ac Schemata describeremus, quibus ea omnia quæ ad
Cycli Solaris, Literæ dominicalis cuiuscunque anni propositi, interual-
li & Concurrentium, Cycli Lunarī, siue Aurei numeri, indictionis, cy-
cli Clavium communium, festorum mobilium, situs planetarum, nu-
merum, ordinēsque Sphærarum, ac non paucorum aliorum scitu digno-
rum indagationem pertinerent, omnibus legentibus essent facillima.
Quæ iuxta usum Roma. ecclesiæ sacerdotibus, ac christianę fidei stu-
diosis, sint oninum maximè necessaria. Ea verò sequenti libro ad yn-
guem expressa atque planè explicata videbuntur.

Finis primi Libri..

IOANNES GVIDO ARTIS ME-
DICAЕ PROFESSOR, LODOVICO MON-
tis sanctæ Mariæ, & Charitatis Abbati me-
ritissimo S. D.



T sunt varia singulorum ingenia, re-
ligiosorū Religiosissime, ita etiam va-
rias esse ad diuersa scientiarum studia
inclinationes, tum in dicēdo, tū etiam
scribendo, atq; exercendo certissimū
est. Sūt enim quibus placeat bene at-
que ornatè dicendi præceptis incumbere, ea laudare, iis
omnem impendere atq; adhibere operam. Sunt etiam
quos magis oblectat Agriculturæ cognitio, alij de na-
turæ in rerum procreatione incredibili artificio disce-
ptāt, totos se ad eius rei inuestigationē dedūt, immer-
gunt: quam ob id Philosophiam appellant. Neque de-
sunt quorū animus ad diuina, ac superiora illa mystica
(quæ μῆτα φυσικὰ Græci vocāt) magis erigatur. Mihi ve-
rō præter cætera astrorū insigni ac longè omnium no-
bilissimę cognitioni animum vtcunque aduertere pla-
cuit. Itaque libellum præsentem de Solis, & Lunæ va-
riis motibus (vt certa anni, mensiumque descriptio ha-
beretur,) conscripsi. Quarum rerum cognitionem ad
religionem, & ad multas vitæ partes necessariam esse
perspicuum est: Quanta enim esset confusio præsen-
tium negotiorum, contractuum, pactorū, iudiciorum?
quantæ tenebræ, si nulla esset annorum, ac mensium

distinctio? quanta denique in historiis caligo esset, sublata annorum enumeratione? Non enim mundi initium cogitari, non exordia religionum discerni, non mutationes imperiorū distingui possent. Eam ob rem satis mirari nequeo multorum cæcitatem, qui hāc doctrinam de cœlestibus motibus, & anni descriptione apertè vilipendunt, dānant, vituperant. Videmus enim laudatissimis viris (qui sapientia, & pietate excelluerūt) magnæ curæ fuisse, vt annum quām rectissimè describerent, vt discerni tempora, & rerum memoria propagari, & conseruari posset, vtq; tū immobilium, tum mobilium festorum recta institutio, & pleraque alia etiam ad Christianam religionem pertinētia haberentur. Hoc opus laboremq; nostrum tibi in primis nuncupare venit in mētem, Vir & pietate, & sanctitate sp̄etatissime. præbebit enim argumentum veteris amicitiæ refricandæ. Et cùm longis interuallis locorum distemus, erit velut pignus mutuæ benevolētiæ: quæ semper (vt spero) tam ardēs fuit, & futura est inter nos absentes, ac si præsentes essemus. interim Magnum illum & adorandum vniuersi gregis Christiani pastorem precor, vt tibi religiosorum Pastorom omniania læta, ac prospera largiatur. Vale
Parisiis. Calendis Septembris.

Proœmium Libri Secundi.

Voniam Sol diei, noctisque author, omnium Astrorum splen
 didissimus est, de quo scribitur Ecclesiastici primo cap. Ori-
 tur Sol, & occidit, & ad locum suum reuertitur, ibique rena-
 scens gyrat per Meridiem, & flectitur ad Aquilonē. De quo item Ma-
 crobius lib. 2. Nihil aliud tēpora efficit, nisi cursus Solis. Similiter Ge-
 nesis capite primo. Fecit Deus duo luminaria magna, luminare maius,
 vt præcesset diei, & luminare minus, vt præcesset nocti: posuitque ea in
 signa, tempora, menses, & annos. Hæcque duo clarissima mundi lumi-
 na in rebus terrenis plurimum dominantur. Siquidem Luna instar Cō
 sulis, Sol instar maximi regis (vt scitissimè docet Galenus) exercet im-
 perium. Ex quorum motibus pendet Calendarium, à Cyclo solari tan-
 quām digniori, & generaliori præsentis negotij sumemus exordium. Gal. lib.
diebus a
toriis.

De Cyclo Solari, Lite- RA DOMINICALI, ATQVE AN- no bissextili, Canon I.



Cyclus solaris definitur esse spatum, siue mensu-
 ra 28.annorum solarium, secundum 28 mansio-
 nes Solis, quas olim Astrolabij spectatores (vt fe-
 runt) satis superstitionē considerabant. Verūm ex
 illis superstitionibus (si superstitiones fuerint)
 Cyclus solaris nobis restat, quo literæ dominica-
 les, festa immobilia, Concurrentes, & annus bis-
 sextilis cognoscuntur. Cyclus autem à Græco vo-
 cabulo κύκλος, quod Latinè sonat orbis siue circulus, deducitur. Ut si
 quid ab aliquo designato puncto tanquam initio, definito quodam tem-
 pore exire incipit, & post definita quadam temporis intercedente in
 id redit, & hoc modo suos exitus, & reditus cōtinuat, dicitur fecisse cy-
 clum .i. orbem, siue circulum. Et dicitur solaris à sole, non quod sol in eo
 temporis spatio suum cursum cōpleteat, orbē Zodiaci, aut circulum pro-
 priū permeando. Sed ideo quod 28,annis expletis oēs mutationes quæ
 ex litera dominic. & bissexto possunt accidere, ad sua debita redeunt

principia, in pristinamque formam immobilium festorum celebri-
tes, dominicalesque literæ omnino similes redeunt, ac bissexus per o-
mneis currit ferias. Ob id ergo cyclum hunc eo tempore absolui di-
cimus, quod bissexus septies, & cum quavis litera dominicali semel ad
vnguem reperiatur. Septenis vtique annis eadem prorsus redirent lite-
ræ, ni bissexti obstaret intercalatio. Hunc ergo solarem vocitant, quod
solari cursu festa immobilia regantur, non secus quam lunari mobilia.
Cycli huius partes sunt septem, feriarum elementa quater repetita, rur-
susque semel in annis bissextibus. Transactis ergo tribus annis com-
munibus sequitur bissexus. Hinc Cyclus solaris in annis quater septem
circumuoluitur. Hic aduerte quod Romani ante Iulium Cæsarem non
sunt vsi calendario quo nunc vtitur ecclesia. Cuius initium est, calendis
Ianuarij. Quoniā autē in calendario Romano sunt dies 365, qui effici-
unt 52 hebdomadas cum uno die, singulos 7 hebdomadæ dies primis
abecedarij latini literis distinxit Iulius: Ita quod in anno primo ab eo-
dē instituto, primus dies cuiuslibet hebdomadæ repræsentabatur per A
literam. In secundo per G. In tertio per F, & sic consequenter in literis
retrogrediendo, quæ retrogressio contingit propter vnum diem qui vi-
tra hebdomadas in calendario supercrescit. Similiter in anno bissexti-
li propter incrementum duorum dierum, primus dies hebdomadæ re-
præsentatur per duas literas, per unā scilicet ante punctū intercalatio-
nis, & postea per alteram, ut paulopost clarius videbitur. Primus autem
hebdomadæ dies vocatur à nobis dies dominicus, quoniam in eo Chri-
stus natus est, surrexit, mundum fecit, & dona spiritus sancti Aposto-
lis misit. Et secundus, secunda feria. Et tertius, tertia feria, & sic deinceps. Apud Gentiles verò quales erant Romani temporibus Iulij Cæ-
sar, quilibet hebdomadæ dies nomen sortitus est ab aliquo 7. plane-
tarum. Primus, à Sole. secundus, à Luna. tertius à Marte. quartus, à Mer-
curio. quintus à Ioue. sextus à Venere. & septimus à Saturno. Iulius er-
go annum instituit ad cursum Solis. Hinc non mirum est si à Sole pri-
mum diem anni sui, & ita primum diem hebdomadæ primæ, reliqua-
rumque hebdomadarum nominauit. Sunt igitur feriarum elementa,
7.a,b,c,d,e,f,g. Porro aduerte ex ipsorum antiquorum traditionibus, :
quod huiusmodi 7 literæ possunt esse dominicales: Imò lunares, etiam
martiales, mercuriales, Iouiales, venereæ, & saturninæ. Sed illarum lite-
rarum vicissitudo est, quippe has dominicales vocitamus, nō quod plus
dominicæ diei seruant quam alteri: sed dominicæ diei hunc honorem
impen-

impedimus, licet multò maiori sit digna decore. Litera ergo dominicalis à dominico die appellatur. Dominicus autē dies, à domini, ac seruatoris nostri Iesu Christi resurrectione à mortuis nomen desumpsit. Et hic dies videtur propriè ad dominum pertinere, quoniam in eo die Christus natus est, & surrexit. In hac die mūdus sumpfit exordium, in hac die per resurrectionem, & mors interitū, & vita habuit initium. Nec solum dies Paschæ pro die dominico colendus est, sed etiā oēs alij per anni circulū occurrentes. Quod docetur de consecratione Distin. 3. Sabbato. Vbi habetur, diem dominicam ob venerabilem resurrectionem domini nostri Iesu Christi nō solum in Pascha celebramus, verum etiam per singulas hebdomadas ipsius Dei imaginē frequentamus. Cùm enim Mose teste, sex dierum spatio Deus omnia condidisset, septimū quietis ociique diem esse voluit: Hoc est, sabbatū seruari præcepit: Leuitici cap. 16. Sabbatū enim requietionis est. Et paulo post 19. ca. Sabbathata mea custodite. Item cap. 23. Sex diebus facietis opus, dies septimus quia sabbati requies est, vocabitur sanctus: omne opus seruile non facietis in eo. Sabbatū enim est in cunctis habitationibus vestris. Nam sabbatū lingua Hebraica (vt Iosephus scribit) requie significat, quod septimo die Deus quieuit mundo constructo. Ad idē Gregorius in registro ait, Dominico die à labore terreno cessandum est, atque omnino orationibus insistendum, vt si quid negligētiæ per sex dies agitur, die resurrectionis expietur. Porro, literæ dominicalis annua mutatio ex dupli causa enascitur. Prior annus Solaris communis 365. continet dies, quos si per 7. diuiseris, videbis in quotiente 52. Hebdomadas, & diem vnum residuum. Cùm igitur feriarum elementa (vt dictū est) sunt 7. quibus crebra repetitione omnes cōpleteantur, & numerētur Hebdomadæ, tandem vñus erit dies residuus, propter quem in calendario Romano A. litera in anni principio, & fine inseritur. quare necessum erit anno cōpleto literam dominicalem variari. Inde etiā liquidò constat, easdem literas retrogradè numerari. Secūda huius mutatiōis causa, ex anno bissextili suboritur. Annus enim solaris Caij Julij Cesaris Dictatoris quem Romani sunt secuti, 365. diebus naturalibus cum quadrante, Id est sex horis conflatur, quæ annuatim collectæ in quarto anno diem vnum naturalem constituunt. Quam omnem rationem solo disticho poëta ingeniosissimus lib. 3. Fastorū. conclusit. Ita enim ait,

Is decies senos tercentum, & quinque diebus

Iungit, & è pleno tempora quarta die.

Ob id quarto quoque anno dies Bissextilis, siue intercalaris est adiectus: Ita vt 3. primi anni 365 dies, quartus autem 366 cōpleteretur. Is 6 calen. Mart. in litera f. repetita intercalatur. i. interponitur. Et ex cōsequutione literæ do-

minicalis variatio. Distinctis itaque 365 dieb. per 7 dies hebdomadæ ad crē
atoris imitationem, 52 hebdomadæ in quotiente consurgunt, profilient, ac
reliquus erit dies vñus A. elemento signatus, quod dominicalem literam mu-
tare sufficiet, quum ab eo annus (vt dictum est) incipiat, finiatq;. Ex prius di-
ctis colligere licet Calendarium Rom. tot continere dies, quot sunt dies in
tegri in anno solari, puta 365. Ne autem quadrans deesset, ordinatum est à Iu-
lio vt quolibet quarto anno dies ex quadrantibus consurgens, vt dictum est,
intercaletur, puta 6 calend. Mart. Sed de anni vñualis vario initio omissis an-
tiquorum ritibus, nos quoq; Christiani vario initio vtimur. Nam Romani à
natali Christi inchoant, alij à passione, alij à Paschate, alij ab seruatoris nostri
incarnatione occipiūt. Nos verò cum Gallorū philosophis (qui Druydæ cō-
muni nomine appellantur) anni nostri initium à calen. Ianuar. semper sumi-
mus. His peractis, si quadam methodo scire cupis, anno quopiam quotus sit
annus numeri cycli solaris, inde quānam litera dominicalis currat, vulgata
annorum Virginei partus supputatio (quam Diony. Abbas Rom. cognomē
to exiguus primus induxit) consideranda est. Primo igitur adde annis Chri-
sti domini oblati 9, quia Diony. censet Christū dominū natū anno 9 cycli
solaris. quare sequenti anno 10. annū decimū cycli solaris indicarūt. & à do-
minica circuncisione collectū numerū per 28 diuidito, semper abiiciēdo 28
quoties poteris (quia vltra 28 hic numerus nō progreditur) & quicquid su-
perauerit, cyclū solarē anni propositi ostēdet. Adde ergo annis Christi 9. &
productū numerū per 28 diuidito, & quicquid superfuerit, cyclus solaris erit
anni propositi. Dicas igitur ex 100 annis à dominica circūcisione, diuisione
facta per 28, & 28 restare 16. Ex 400, 8, ex 1000. 20. Verūm ex 1400 ānis ni-
hil restat. & ex 1500 restat 16, quibus addere oportet 9, & sic eodē anno re-
māserūt 25 anni, qui fuerūt numerus cycli solis. & ita partiēdo, & semper 28
quoties poteris substrahendo, cōperies quōd anno Christi 1532 remāsīt vñus
qui fuit numerus cycli solaris, fuitq; annus bissextilis, cuius literæ dominica
les fuerūt g f, vt numerus annorū humanæ salutis in capite, siue in prima do-
mūcula subsequētis circuli post crucē ad dextrā notatus clarē ostēdit. Sūt e-
nīm g f in illo circulo primæ literæ iuxta crucis signū ad dextrā suū habētes
locū, Et g durauit tantū à principio Ianuar. vsque ad festū Mathiē Apostoli.
deinde f vsque ad finē eiusdē anni, à quo si dextrorsum pergas, occurrēt 2 pro
numero cycli solaris, cui subponitur e litera, quæ fuit debita dominicis die-
bus, anno prædictū mox sequēti, videlicet 1533. Sed anno 1539 numerus cycli
solaris fuit 8, cui numero è direcō dominicalis litera, quæ est e) respondet.
Numeralis autem semper dextrorsum pergēdo pro annis futuris, & pro præ-
teritis sinistrorsum siue retrogradē. & ita sequens figura tum pro præteritis,

tum pro

tum pro futuris annis est perpetuō duratura. Quod si anno Christi cur
rente (quo hæc ipsa commentamur) 1540, scire volueris dominicalem
literam, incipe numerare à primis literis g f, in prima sede post crucem
sitis, quæ debet, ut diximus, anno 32, & perge donec venias ad annum
40, cuilibet anno seriatim literā assignando, & inuenies literas d c cōpe-
tere anno Christi 40 supra 150, eritq; bissexus. Pro quo aduerte quod
annus bissextilis semp accidit 4. quoq; anno. & ita duæ literæ sub uno
numero cycli solaris repertæ, semper annū bissextilem notat. Prior, siue
superior litera, vim habebit à Ianuario vsq; ad festū Mathiæ Apostoli,
Reliqua ad finē anni vsq;. Insuper in anno bissextili litera f die Mathiæ
Apostoli geminatur. Festūq; ipsum Apost. vel priori, vel posteriori die
celebrabitur, prout dioecesis aliqua obseruare consueuit. Ex dictis clarè
cōstat, quod inuenio numero cursus cycli solaris per subiectā tabellā,
litera dominicalis (quæ dicto nūero annuatim è directo subponitur) di-
cto citius manifestabitur. Si vñica occurrat litera, annum esse commu-
nem intelliges. Si verò duplex, annum bissextilem pronunciabis. Prior,
id est superior, aut quæ primò occurrit, vsque ad festum Diui Mathiæ
Apostoli vtilis erit. Posterior, id est inferior ad residuam anni partem
accōmodabitur, id quod effigies subscripta tibi apertius indicat.




Tabella
solaris,
ræ domini

Numeru
norum c
solaris, c
teris don
calibus.

METHODO NON DISSIMILI
à priori, anno cycli Solaris cognito, literam
dominicalem (vt sequitur) facile ve-
nari docet Canon II.

Sequens tabula non multum superiori dissimilis, primò in sinistra parte numerum cycli solaris (qui seriatim currit ab. 1. ad 28.) continet. Inde anni bissextiles quarto quoque anno contingentes sese offerunt, quibus succedunt ad dextram pergendo dominicales, ac omnium aliarum feriarum literæ, suis lineis, ac diebus notatæ. Nam è directo numeri cycli Solaris cuiuscunque anni propositi, statim habebis literam dominicalem eidem diei subiectam. Quare anno cycli solis cognito, dominicalem literam anni tui eidem numero ad dextram pergendo respondentem facilè dignoscet, quæ si vñica occurrat, annū esse communem intelliges. Si duplex, tunc Bissexus celebrabitur. Prior serviet à Ianuario ad festum diui Mathiæ apostoli usque. Posterior reliquæ parti anni aptabitur: Verbi loco, anno humanæ salutis 1532. numerus cycli Solaris erat vñus, in prima sede huius tabulæ ad sinistrā insertus. Et ita eodem anno dominicales literæ fuerūt G.F. (Nam is annus fuit Bissexus) in hac tabula primam ex dominicalibus literis habentes sedem. Et G. durauit tantum usque ad festum Mathiæ apostoli. Subinde F. usque ad finem anni, à quo si seriatim deorsum pergas, occurret e litera, quæ fuit debita dominicis diebus anni, prædictum mox sequentis, videlicet 1533. Et iterum sequens litera occurret D. quæ fuit debita anno 1534. sicque deinceps perge donec ad numerum anni tui propositi peruerteris, quoniam literæ, aut litera super quam edirecto cadet tunc numerus cycli Solis, erit dominicalis. Quare anno præsente, (quo nos hæc scribimus) 1540. est Bissexus, cui dominicis dieb⁹ alternatim duces seruiūt literæ, videlicet D.C. Scito autē q̄ peractis & absolutis 28. annis, siue vbi ab 1. ad 28. annos ordine peruentū fuerit, rursus ad principium, siue ad. 1. cū annis tunc currentibus erit redeundū, quandoquidē hæc tabula (vt præcedens) semper est duratura, donec sacrosancta mater Ecclesia aliter prouiderit, quod in caussa erit, æquinoctij vernalis anticipatio. Numerum autem cursus cycli Solis pro voto a suppuratione demes, aut diminues pro præteritis, aut augebis pro futuris. Cætera per dictiones in fronte proximiæ sequentis tabellæ adscriptas, dicto citius discernes.

Numerus
cycli Solis.

1
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28

Annus bis.
G sextilis.

B

D

F

A

C

E

Sabbati.
Dominica.

Lunæ.

Martis.

Mercurij.

Louis.

Veneris.

Tertia literarum Dominicalium Tabella.

A	g	f	d	c	b	a	f	e	d	c	a	g	f
	e				g				b				
c	c	b	a	g	e	d	c	b	g	f	e	d	b
d				f				a				c	

Vperior tabella etiam literam dominicalē singulis annis venari docet, hoc pāsto, primam literam quæ est A. tribuas huic anno 1542. Sed anno mox sequenti 1543. g. litera cōcedetur. Sicque deinceps pergas pro futuris, donec peruerteris ad numerum anni cuius literam scire desideras, quia litera super quam cadit numerus illius anni, erit litera dominicalis. Pro præteritis autem ordine retrogrado est progrediendum. Et si vnica occurrit litera, annum communem esse intelliges. Si duplex, bissextile, & tūc superior (vt sēpius dīctū est) usque ad festum Mathiē apostoli deseruit. Inferior autem ad reliquā anni partem accommodabitur. Finitis autem, & absolutis 28. annis redendum est ad principium tabellæ cum annis tunc currentibus.

De interuallo & concurrentibus.

Canon III.

Interuallum (vt præsenti negocio deseruit) dicitur tempus quod numeratur à natali saluatoris nostri ad dominicam in qua cantatur introitu missæ, Esto mihi in Deū protectorē &c. Illa enim est dominica quæ immediatè præcedit diem cinerū. Et ita semp duorū annorum pars est denoīationē sumēs à posteriori, quoniā in eo finē habet. A fine enim nūcupari oīa, consentaneū est. Sūt itaq; interualli partes duæ, videlicet Cōcurrētes, & septimanæ: vnde cōcurrētes, siue dies ītercalares, sunt dies anni prioris septenario pauciores, qui septimanis interualli ad numerātur, illi scilicet q; sunt inter natalē Christi, & Dominicā illā proximè sequentem, etiam die natalitia computata, quos quidem accidere necessum est, quoties natalis Christi domini prēter diem Dominicum peragit. Quocircà rectè præcipitur in anno Bissextili, cùm duplex sit litera dominicalis, hebdomadas integras per posteriorem: Concurrentes verò per priorem quæri debere. Inuentis ergo quæ sunt à Dominicā die immediatè natalem Christi sequente usque ad Dominicam pingue hebdomadibus, scitu dignū est, quod si a. Dominicalis litera fuerit, cōcurrentis dies nullus cū hebdomadibus prædictis est addendus, sed integrę septimanę. Si b. dies vn⁹ prædictis hebdomadibus adiūgitur. Si c. duo. Si d. tres. Si e. quatuor. Si f. quinque. Si g. sex. Ut planè docet subsequēs tabella, verbi loco, Anno domini 1541 (proximè venturo) sumus habituri

habituri literam dominicalē B. ergo eodē anno vltra hebdomadas supradictas dies vn⁹ est addēdus. Sed anno subinde sequēti (qui erit ann⁹ 1542) litera dominicalis erit a. Et ita hebdomadis supradictis nullus dies celebratur, sed integrē septimanæ. Anno autem 1543. litera dominicalis erit g. ergo hebdomadis integris sex dies addendi sunt, qui concurrentes vocantur. Cætera apud te ipsum conie&tabis. Notandum prætereà quod à numero hebdomadarum supradictarum, duæ sunt remouēdæ si septuagesimā queris, quæ est quādo pro introitu missæ cantatur, Circundederunt me &c. Sed hebdomadibus supradictis addēdæ sunt septē hebdomadæ, si sacrū Pascha celebrare volum⁹. Sed Paschatis numero quīq; adiūgem⁹, dū Rogatiōes celebraſim⁹, quib⁹ Rogationibus diuas adiiciem⁹ si Pētecostē celebremus, vt posteà clari⁹ videbitur.

Subiecta tabella pro interuallo peraccōmoda secundum vulgatum vſum Romanæ Ecclesiæ.

Aurus numeris							concurrentes. Literæ dominicales.
	o.	1.	2.	3.	4.	5.	
a.	b.	c.	d.	e.	f.	g.	
1	8	8	8	8	7	7	7
2	6	6	6	6	6	6	6
3	9	9	9	9	9	8	8
4	8	7	7	7	7	7	7
5	6	6	6	6	5	5	5
6	9	9	8	8	8	8	8
7	7	7	7	7	7	6	6
8	10	10	10	9	9	9	9
9	8	8	8	8	8	8	7
10	7	7	6	6	6	6	6
11	9	9	9	9	9	9	9
12	8	8	8	7	7	7	7
13	6	6	6	6	6	6	5
14	9	9	9	9	8	8	8
15	7	7	7	7	7	7	7
16	6	6	6	5	5	5	5
17	9	8	8	8	8	8	8
18	7	7	7	7	6	6	6
19	10	10	9	9	9	9	9

Hebdomadæ interualli.

De cyclo Lunari , siue aureo numero.

Canon. III.

lus de=
menal.

CYclus Lunaris spatiū 19.annorum solarium cōpleteatur . Et hic à Ianuario habet initium,quēadmodum litera dominicalis , annus solaris , & annus ab incarnatione domini in principio Ianuarij apud Latinos renouātur . Ex huius autem cursu , interualium,ac festa mobilia(vt aiunt) haud secus quām solari cursu , festa immobilia regūtur . Et aduerte quōd aureus numerus,Cyclus Lunaris aut decēnouenalis idem . Et eius particulares numeri,scilicet 1.2.3.4.5.6. &c.dicuntur numeri,aut quotæ ipsius cycli decennouenalis . Reperimus Chaldęos Romanis hunc decennouenalem cyclum pro Lunationum initiis misisse,quem Calendario aureis numeris inscripserunt . Et eapropter hoc nomen numeri aurei sortitus est , eodēmque à tempore sunt vſi . Anatholius eundem cyclum pro Paschæ inuentione præcipue instituit,& ordinavit . Sed nostri recētiores superuacaneam,& inutilem esse dissertationem de aureo numero,quem modō plumbeum , modō explodendum,abiiciendum,atq; relegandū autumant . Cōstat enim peritis in arte,aureum numerum in Calendario Romano positum (quōd sedem mutauerit) defectum non mediocrem in se continere,quem exātē corrigere non est facile . Insufficientia etiam Calendarij quo ad annum & menses,in hoc depræhenditur . Cūm enim annus cum Bissexto mensurare motū Solis de pūcto dato æquinoctiali,vel solstitiali vſq; ad redditū nō possit,docuit experiētia per anticipationem solstitiorum , & æquinoctiorum in diebus mensium,annum solarem minorem esse quām Julius instituit,aliquot saltem horarum minutis . Ex qua re euenit vt non sit in ea Martij die hoc tempore æquinoctium vernale,quo erat tēpore Felicis philosophi,Abracis,Ptolemæi,Alpetragij,Thebitis,aut aliorum antiquorum magistrorum probationum . Quantus autem hic error existat,cūm sit paruo tempore imperceptibilis,nec ex quibuscūque maximis etiam instrumentis punctalis veritas experimento infallibili haberi hucusque potuerit,& adhuc latet . Fateri ergo licet hūc cyclum decennouenalem,& eius numeros quos aureos vocitant,non integrē præstare id quod prisci sunt polliciti . Sunt tamen indices multarum rerum vtilium,quare non prorsus posthabendi . Insuper numerus, aut quotus cycli decennouenalis hodiernis tēporibus hoc pacto adiscitur . Annis Christi domini oblatis iunge vnum,quoniam(vt Dionysio

nysio placet) Christus natus est anno primo cycli decenouenalis. Produ-
ctū itaq; numerum diuide per 19, & facta diuisione si quid residui fue-
rit, pro numero cycli decenouenalis teneto. Si nihil, cōplementū totius
cycli sumito. Si ergo scire desideras anno quopiā quotus sit annus cycli
Lunarī, adde annis Virginei partus vnū, & aggregatū totū per 19. diui-
dito, & quicquid excreuerit pro aureo numero teneto. Vbi autē 19. ex-
creuerint, toties 19. abiicito (nam hic cyclus vltra 19. annos nō se extē-
dit, sed illinc ad vnitatē redit) & residuū denuo Lunare cyclū ostendet.
dicas igitur ex 100. annis diuisiōe facta per 19. & 19. restare 5. ex 1000.
12. Ex 1500. annis 18. Sed ex 1539. diuisione facta vt dictum est, nihil
restat. Verū quia annis ab incarnatione domini (veluti p̄dictimus) vnū
annū adiūgere oportet, dicēdū est anno superiore videlicet 1539. vnū
restitisse, qui fuit numerus cycli Lunarī, quē numerū aureū vocitāt, in
prima domūcula sequētis cycli iuxta crucē à dextris sedē habens. Hinc
anno p̄sente 1540. seriatim ad dextram progrediendo subsequuntur
2. qui sunt numerus aureus eiusdem anni. & sic deinceps ad annos fu-
turos prosequere, donec ad annū tuū peruerteris, ac finitis 19. annis re-
deundū est iterū ad principiū, siue ad vnitatē, cū annis tūc occurrenti-
bus. Hinc subscriptitur tabula quædam generalis his rebus pro tempo-
re accommoda quæ tibi annos & futuros, & præteritos cycli Lunarī
semper monstrabit, donec ad id alia cōstitutio ab Ecclesia fiat.




Tabella cōlunarī, siue
aurei numeri

De inductione, siue cyclo inductionis.

Canon V.

CYCLUS INDICATIONIS, (qui vulgo inductione appellatur) quindecim annos solares, aut lustra tria continet. Vnde inductione definitur esse spatium trium lustrorum. Lustrum autem quinque annos complectitur. Hic cyclus a Romanis cum rerum potiretur, quondam usurpatus: qui tribus lustris tributa a subiectis nationibus Romanae rei publicae soluenda indicebat. Sunt qui Augustum Cæsarem scribunt inductiones ante Christi aduentum primum instituisse, incipiente octauo calend. Octobr. hoc est 24 Septembr. Sunt & inductiones hoc praesertim tempore in usu, cum primis apud publicos sribas & notarios. Indictiones ergo 15 annorum circuitu in sua semper vestigia reducuntur, quas etiam antiqua Rom. industria comperimus institutas ad cauendum errorem, qui de temporibus forte oboriri poterat. Non desunt tamen ex ecclesiasticis scriptoribus, qui rem ita tradant: Romanos aiunt cum non facile ex longinquis regionibus possent nationes Romam venire ad tributa soluenda, statuisse, quod singulis saltem lustris ea deferrent, & primo quidem lustro ferrum, secundo argentum, tertio aurum. & quoniā semper ab auro ad ferrum redibant, ideo inductiones 15 annorum constitutas, qui circulus quasi quidam esset. Si ergo inductionē qua ipsi Romani vntūt scire desideras, annis Christi oblatis adde annos treis, quoniam Diony. in suo calculo Christum inductione tertia natum afferit. Et numerum collectū per 15 diuidito, & quicquid restiterit, pro cyclo inductionis accipito. Quoties aut huiusmodi numerus ultra 15 unitates excreuerit, toties 15 auferes, & quicquid remanserit, pro cyclo inductionis habeto. Hoc enim argumēto quota sit in quolibet anno inductionis, cognoscere possumus. Quare hoc anno 1540 (si recte diuiseris) huius cycli nos 13 habere cōperies. Anno verò sequenti 1541, 14 accipito. Itaq; anno 1542, 15. Ergo is numerus videlicet 15, erit inductione. Quapropter anno Domini 1543 renouabitur inductione, eritq; redundū ad unitatē. Annoque 1544, 2 inductionē faciet. Et sic cōsequēter. Hoc quidē disticho tota hēc ratio breuissimē continetur.

Si tribus adiunctis domini diuiseris annos,

Ter tibi per quinos inductione certa patebit.

Aliter aut, & facilius rē totā capies, hac via. Addas annis Christi 3, & totū a ggregatū per 15 diuidito, & restantes anni inductionem mōstrabūt. Si aut ad plures, vel pauciores annos requiras, adde, vel substrahe ex figura sequen-

sequēti prout in aliis edoctū fuit. Huius cycli partes hodie literis pontificū, publicorū scribarū, Notariorū, Tabellionū instrumētis, & aliis id genus ad caudā inserūtur. Ex dictis collige, quod hæc indictio 15. annorū circuitu in sua semper vestigia reducitur. Indictio autem incipit singulis annis ab octauo Calendas Octobris, hoc est 24. Septembris. & eodē die terminatur, dum Sol decimumquartū gradū librę ingreditur.

Tabella inductionis.

1. 2. 3. 4. 5. 6. 7. 8. 9. 10. 11. 12. 13. 14. 15.

De anno, & partibus eius Canon VI.

Cyclus i.
ctionis.

Astronomi mensurare solent res successivas, & maximè tēpus, sex mensuris, quæ sunt annus, mēsis, hebdomada, dies, quadrans, hora, minutū. Annus vertens, siue annus noster (autore Cēforino) est dū Sol percurrens 12. signa, eodem vnde profect⁹ est reddit. unde apud antiquos solet depingi serpens propriam caudā deuorans. Hoc quidē tempus quot dierum esset, ad certū nōdum Astrologi reperire potuerunt, multa licet multi cōmenti sint. Claudius Galenus medicorum antesignanus credidit annū cōstare diebus 365. & particula quadā quæ quadrante maior sit. Sed annus (vt nonnulli docēt Astronomi) trecentos sexaginta quinque dies naturales, & sex horas cum aliquot minutis cōtinet. Hebdomadas duas & quinquaginta, & diem vnum: quæ omnia Iulius Cæsar Astronomiæ peritus in 12. menses, sicut 12. sunt signa in zodiaco distribuit: qui sunt Ianuarius, Februarius, Martius, Aprilis &c. Inter quos Ianuarius, Martius, Maius, Iulius, Augustus, October, & December, dies singulos, & tricenos habēt. Aprilis verò, Iunius, September, Nouember, tātū tricenos. Solus Februari⁹ duodetriginta: nisi quādo bissexturn celebratur. Nā tunc 29. diebus cōstituitur. Vnus etenim dies inter diem Petri, & Mathiae apostoli additur. Et est Bissexturn, dies vnuſ ex horis in anno superfluis, quarto quoq; anno collectus. Accidit enim annus bissextilis toties, quoties anni à Dominica incarnatiōe in 4. partes æquales secari possunt. Et dicitur Bissexturn, quoniā sexta dies Martium p̄æcedens bis computatur, & celebratur: vt clare docent sequentes versus.

Triginta Aprilis, Iunij, septēmque, nouēmque,
Vno plus alij, uiginti Februus octo.
At si bissexturn fuerit, superadditur unus,
Et tunc bis sexto Marti conscribe Calendas.
Hec oīa in figura sequēti, etiā luce clarius patebūt, quib⁹ subdūtur feriē

ad primum diem cuiusvis mēsis, siue literāe per quas ipsi menses incipere habent, aut mensem aliquem in Calendario ingredimur. Inchoamus aut incipimus, cum numero dierum, quos quisq; mēsis cōtinet. Præterea, succedit ordine triplices numeri à Roma. magno habiti honore, in quos cuiuslibet mensis dies distinguuntur. In Calendas scilicet, nonas, & idus. Ita ut primi singulorum mensium dies Calendæ eiusdem mensis nuncupentur, sequentibus quaternis, aut senis quādoque diebus, qui dicuntur Nonē. Item, quilibet mensis 8. idus complectitur. Dies autem reliqui omnes Calendæ numeratæ vocantur, numeris tam earum quām præcedentium appellationum continuè decrescentibus. Cū enim barbarorum dies numero crescunt, nostra cōputatione diminuūtur. Quāuis autem Calendæ initiales, nonæ item, atque idus, à mēse in quo scribuntur denominationem sumant: Calendæ tamen numeratæ ad sequētem referuntur mēsem, & ab ipso denominantur. Quot verò dies, quot nonas, & idus quilibet mensis habeat, in conditos hos versus pro canone adscribam.

Ter denos September habet, totidēmque Nouember,

Iulius Aprilis, reliquis superadditum unus.

Sit nisi Bissexturn, uicenos Februus octo.

Prima dies mensis cuiusque est dicta Calendæ.

Sex Maius nonas: October, Iulius, & Mars,

Quatuor at reliqui, tenet idus quilibet octo.

Inde dies alios omnes dic esse Calendas,

Quas retro numerans dices à mense sequenti.

Non ergo te lateat cuiuslibet mensis Calendas esse in mense præcedenti, ac nominandas esse, siue computandas ordine præpostero. Similiter nonæ, & idus præpostera serie computātur. Ex dictis inferre par est, primo quoque die mensis dicendum Calendis: Quinto, nonis: Decimo tertio, idibus, ubi nonæ 4. Vbi verò 6. septimo, nonis. Decimo quinto, idibus in casu sexto. Reliquis autem diebus, pridie, tertio, quarto, Calendas, aut nonas, aut idus, in casu quarto retrorsum numerando usque ad eum diem, quo aut Calendis, aut nonis, aut idibus dicimus, quæ omnia, (si quis nondum peritus fuerit Calendarū, Nouarū, aut iduum) in nostro subsequenti Calendario etiā luce clarius patebūt. Calendæ dicuntur Ἀρχὴ τῆς ηὔλεως, id est vocare. Pontifex enim calata, vel vocata in Capitolium plebe, quot dies à Calēdis ad nonas supereffent pronunciabat. Porro, cū Græci Calendis carerent, Augustus Cesar cū mutuum

nunquam

nūquā reddituros significare vellet, ad Calēdas Græcas soluturos dice-
re solitus erat, vt tradit Suetonius. Id quod & pōst ad alia prouerbij lo-
co usurpatum est. Sed non modo à Romanis Calendę colebantur, sed &
Numenīæ à Græcis, & Hebræis, vt Isidorus obseruat.

Nonæ vero dicuntur, quia ab his ad idus dies semper nouem sint.

Idus, quōd nonas à Calendis diuidant. Iduare hetruscum vocabulūm,
diuidere est. Is enim dies mensēm diuidere videtur.

Nomina & Per quā li- Numerus Nume- Nume- Nume-
ordo 12. mē- terā quili- dierū mē- rus no- rus i- rus calē
fium anni. bet mensis sium. narum. duum. darum.
incipit.

| | a | 31 | 4 | 8 | 19 |
|--|---|----|---|---|----|
|--|---|----|---|---|----|

| | | | | | |
|-------------|---|----|---|---|----|
| Februarius. | d | 28 | 4 | 8 | 16 |
|-------------|---|----|---|---|----|

| | | | | | |
|----------|---|----|---|---|----|
| Martius. | d | 31 | 6 | 8 | 17 |
|----------|---|----|---|---|----|

| | | | | | |
|----------|---|----|---|---|----|
| Aprilis. | g | 30 | 4 | 8 | 18 |
|----------|---|----|---|---|----|

| | | | | | |
|--------|---|----|---|---|----|
| Maius. | b | 31 | 6 | 8 | 17 |
|--------|---|----|---|---|----|

| | | | | | |
|---------|---|----|---|---|----|
| Iunius. | c | 30 | 4 | 8 | 18 |
|---------|---|----|---|---|----|

| | | | | | |
|---------|---|----|---|---|----|
| Iulius. | g | 31 | 6 | 8 | 17 |
|---------|---|----|---|---|----|

| | | | | | |
|-----------|---|----|---|---|----|
| Augustus. | c | 31 | 4 | 8 | 19 |
|-----------|---|----|---|---|----|

| | | | | | |
|------------|---|----|---|---|----|
| September. | f | 30 | 4 | 8 | 18 |
|------------|---|----|---|---|----|

| | | | | | |
|----------|---|----|---|---|----|
| October. | a | 31 | 6 | 8 | 18 |
|----------|---|----|---|---|----|

| | | | | | |
|-----------|---|----|---|---|----|
| Nouember. | d | 30 | 4 | 8 | 18 |
|-----------|---|----|---|---|----|

| | | | | | |
|-----------|---|----|---|---|----|
| December. | f | 31 | 4 | 8 | 19 |
|-----------|---|----|---|---|----|

De cyclo Clauiu m communium.

Canon VII.

Cyclus Clauium communium, decem & nouem annis solarib⁹, quēadmodū cyclus decennouenalis absolvitur, ac cōpletur. Pro cuius cognitione, duo sunt imprimis animaduertēda, aure⁹ numerus scilicet anni currētis, & locus clauiū cū earundem numero. Numerus clauium communis quotānis hac formula inuestigatur. Cū vnitatis, aureus numerus fuerit, clavis eiusdem anni colligitur, ex 19. annis cycli decēnouenalis, & 7. diebus hebdomadæ. Eā ob rem, numer⁹ primæ clavis est 26. Claves autē sequētes, reliquorūm ve annorū extrahūtur & formātur per additionē 19. Adde igitur clavi præcedētis anni 19. & summa inde proueniens erit clavis sequentis anni. Quod si summa in 40, aut vltrā creuerit, reiice 30. & residuum clauem cōmunē optati anni demonstrabit, verbi gratia. Offertur mihi annus quispiam, cuius numerus aureus est 2. vt est præsens annus 1540. Nam eius aureus numerus est 2. Volo experiri eiusdem anni clauem communē. Addo clavi præcedentis anni scilicet 26. 19. & colligo 45. Remoueo 30. & remanent 15. clavi anni obiecti. item, offertur mihi annus cuius aureus numerus est 3, vt erit annus sequens, videlicet 1541. & petitur eius clavis cōmunis, redeo ad annum illum præcedentem, cuius clavis fuit 15. iungo eidem 19. & suscito 34. quæ sunt clavis anni oblati. Nec dissimiliter reliquorum annorum claves excerves. Harum rerum sequentem sume formulam, cuius duo sunt ordines. in priori qui est ad sinistram, aureus numerus iacet. In altero clavis eidem conueniens edirecto exponitur. Loca autem clauium, his signantur versibus.

*In iano prima, supremāque Marte secunda,
Aprilis terna sex monstrat et ultima claves.*

Festa igitur mobilia habita clave anni currētis cū loco clavis, hoc modo vñaberis: Animaduerte quot vnitates sunt in clave anni currentis. Deinde tot dies numera deorsum descēdēdo à loco cuiuslibet clavis inclusiue in Calēdario subsequēti notatæ. Vbi autē numer⁹ ille terminatur, ibi dominica proxima sequēti tale festū peragetur. Est enim documentū tenēdū, quod terminus & festū nunquā simul fūt, vnde habētur versiculi. Terminus & festū nūquā celebrātur ibidē. Lux teneat domini post ternum proxima festū: vnde termin⁹ dies est clavē finiēs, festū mobile futurū in die Dominica proxima annuatim designās. In anno tamē bissextili, si Septuagesimā, aut Quadragesimā queris, clavi adde vnitatem.

tem. Et si quadragesima iuxta talē supputationem in 24. die Februarij, vel pōst inuēta fuerit, ipsa per vnū diem retracta, erit peragēda. Cognita igitur clave anni currentis, recurrito ad claves festorū mobilium in Calēdario paulo pōst sequēti, scilicet in mēsibus Ianuarij, Martij, & Aprilis super literas g. adnotatas. Ex dīctis collige huiusmodi numeros qui claves dicitur inuētos esse, vt 5. festorū mobilium sedes habeātur. Vnde clavis est numer⁹ in vnoquoq; annorū cycli decēnouenalīs diuersus, festorū mobilū certitudinē per terminū ostendens. Nam sicuti per claves fit introitus in domū, ita per numeros istos in noticiam festorū mobilium. Cum igitur in cyclo decennouenali sint 19. anni, vnuſquisque suam habebit clavē, veluti in figura cycli decēnouenalis subiicitur.

Tabella clavium communium.

Aureus numerus. Clavis festorum mobilium.

| | |
|----|----|
| 1 | 26 |
| 2 | 15 |
| 3 | 34 |
| 4 | 23 |
| 5 | 12 |
| 6 | 31 |
| 7 | 20 |
| 8 | 39 |
| 9 | 28 |
| 10 | 17 |
| 11 | 36 |
| 12 | 25 |
| 13 | 14 |
| 14 | 33 |
| 15 | 22 |
| 16 | 11 |
| 17 | 30 |
| 18 | 19 |
| 19 | 38 |

Tabella clavium communium.

De Festo Paschæ, cæterisque festis
mobilibus. Canon VIII.

Maxima cura, summoque studio nobis connitendum est, ut pietatem illam priscorum, qui fidei ianuam nobis aperuerunt, proxime sequamur, & illorum exemplo celebritatem, dignitatem, ac nobilitatem sacratissimi festi Paschæ (quod Solis, ac lunæ cursus consequitur) ritè, iustè, ac definito tempore obseruemus. Est sanè hoc tempore inter peritos non mediocris controuersia, qui status, & verus sit paschatis, aut passionis dominicæ dies. Cuius quidem exacta cognitio peritorum Astrologorum sententia adeo difficilis est, vt Sybillæ foliis implicatior videri possit. Nam quemadmodum leges humanæ iuxta locorum differentias, mores hominum, & rerum conditiones mutantur, sic pascha quod è cœlo labitur. A quo cætera festa mobilia dependent, quādoquidem summa religiōe tum Iudæi, tum Christiani cōtemplantur. Est enim sacrosanctum & illis, & nobis hoc vnum festū. Illis quidem in figura, & vmbra, nobis autem in luce, & veritate. Eam ob rem statuerunt Romani Pontifices, & sacrorum conciliorum, synodorumque dogmata confirmingant pascha domini, die illo quo dominus surrexit à mortuis, annuo circuitu celebrandum, quod quidem fieri non potuit citra aliquam mutationem, vnde festum mobile dicitur, imò etiam omnium festorum mobilium radix præcipua habetur. Pascha enim (quemadmodum cætera festa mobilia) semper debet celebrari die dominico. Sed cùm vna & eadem litera in calendario non semper denotet diem dominicum: non potuit pascha, nec cætera festa mobilia habere certum locum in calendario. Dicuntur autem mobilia festa quæ stabilem sedem, siue fixum locum in calendario Romano non habent. Nec semper sub eisdem calendis, aut eodem die mensis annuatim celebratur. vel sic, Festū mobile est quod penes ascensum vel descensum lunationis celebratur, nullum sibi locum in calendario habens assignatū. Nam festa mobilia ex lunationis discretione habētur. Numerantur autem quinque, Septuagesima, Quadragesima, Pascha, Rogationes, & Pentecoste, quibus adduntur (vt quidam volunt) Ascensio Christi domini, Celebritas sacratissimi corporis Christi, & aduentus domini. Præterea hoc animaduertendum est quod festa fixa & mobilia, hoc habent inter se discrimen. Fixa nanque nullum in se continent mysterium, aut sacramentum, sed significat solū rem eo die gestam. Mobilia autē festa (quæ Lunæ

lunæ motum sequuntur) vltra rem gestam in se habent aliquod myste-
rium, aut arcanum, quandoquidem vltra rem gestam, gerunt typum, si-
ue figurā rei præteritæ, aut futuræ, exempli gratia, Dies nativitatis Chri-
sti domini nihil futurū indicat, sed dūtaxat significat Christū eo die fu-
isse natum, scilicet 8 Calendas Ianuarij, vbi signatur b pro litera domi-
nicali, fuitque dies ille, vt creditur dominicus. Nō igitur celebratur ob
sacramentum. Pascha vero vltra rem gestam videlicet immolationem
agni eo die factam, habet in se arcanum, & sacramentum, quia fuit futu-
ræ rei figura, nempe immolationis Christi in ara crucis pro redemptio-
ne, & salute humani generis, & rememoratiuum rei præteritæ, videli-
cet redemptionis filiorum Israël ab angelo Aegyptum deustante.

Nunc autem signum est memoratiuum resurrectionis eiusdem Christi
saluatoris nostri, id quod Paulus 1.ad Corint. 5. testatur, cùm ait, Pascha
nostrum immolat⁹ est Christus. Est etiam pascha nostrum resurrectio-
nis nostræ, & transitus de morte ad vitam significatiū. Apostolus, mor-
tuus est propter delicta nostra, & resurrexit propter iustificationem no-
stram. Pascha enim Hebraicè phase dicitur, quod sonat transitum domi-
ni. Quare & eo ipso die sacrosancta mater Ecclesia ad lætitiam nos in-
uitat, his verbis. Hic est dies quē fecit dominus, exultemus, & lætemur
in eo. Verum vt huius salutaris solennitatis paschalis sedem secundum
vulgatum usum Romanæ ecclesiæ, quotannis facile iuxta supputationē
Dionysiacam (hac enim Romana ecclesia hodie vtitur) cognoscas, in-
gredere, vt dictum est, subsequens calendarium, & in Martio, ac Apri-
li iuxta sanctorū celebritates dextrorum offendes aureos numeros pa-
schales literis gradiusculis passim insertos. Illic inuestiga aureū numerū
anni tui, & sub eo literam dominicalem, in anno quidem bissextili per
posteriorem semper inuestigabis. Ea litera dominicalis proximè subsequens
eundem numerum currentem, pascha Christianum tibi ostendet.
A quo si ordine retrogrado in calendario sex hebdomadas numeraueris,
facile deducēris in dominicam quadragesimæ. A qua si tres conse-
quenter computaueris, dominica Septuagesimæ tibi occurret. Memen-
to tamen in anno bissextili mensi Februario 29 dies tribuendos, & in
posterioribus eius diebus, vt negocium postulat, ad priorē literam do-
minicalem transeundum esse. Item, à dominica quadragesimæ recense
vnam hebdomadam, & habebis dominicam in qua ecclesia canit, Esto
mihi, &c. diem carniungi. A qua die integras hebdomadas numera pro
interuallo. Concurrentes vero litera dominicalis. In anno tamen bissex-

tili prior semper indicat, puta A. o. B. i. C. 2. D. 3. E. 4. F. 5. G. 6. Verū ut
dies annuæ celebritatis Paschalis prōptius dignoscatur, altera via subse-
quēti quā ordinavimus, particulari tabula exactè supputata planè doce-
beris. quandoquidem litera dominicali in fronte eiusdem tabulæ præ-
cognita cum aureo numero anni currentis, aut alterius de quo quæris,
In latere lēuo seriatim posito. A quo deinde seriatim ad dextrā pergēdo
notantur sedes, siue domunculæ cum dierum numeris Martij, & Apri-
lis sub literis dominicalibus e directo respōdentibus, in quibus sacrum
Pascha annuatim est ab omnibus Christicolis rite celebrandum. Adhęc
à die Paschæ supputa consequenter quinque hebdomas, & offendes
Dominicam Rogationum. Rursus à Paschate ad Ascensionem domini
vtroque festo inclusō 40. dies numerantur. Item, à die Rogationum,
duas consequenter supputa septimanas, & Pentecosten (quæ est quin-
quagesimus dies à Paschate) inuenies. A quo sequenti die dominico, fe-
stum indiuiduæ Trinitatis occurret. Et die Iouis proximè subsequenti
festum sacrosancti corporis Christi cadet. Ut igitur omnem vites erro-
rem, subsequentem sume formulam, quæ dicto citius (communem se-
quendo usum) te docebit quo die Martij, aut Aprilis sit perpetuò Pa-
scha celebrandum. Hic aduerte quod septuagesima à 70. quasi 70. dies
continēs, illud autem tempus recolit Ecclesia ad memoriam 70. anno-
rum in quibus filij Israel fuerunt sub seruitute Babilonica. Quadrage-
sima dicitur à 40. continet enim 40. dies. Et illud tempus recolit Ec-
clesia, quoniam Moses tot diebus ieiunauit, cum acciperet legē domi-
ni. Elias etiam tot dies ieiunauit. Christus etiam tot diebus ieju-
nauit, & cacodæmonis vicit tentationes. Et quia omnis

Christi actio nostra est instru&tio, & nos tot

diebus iejunare debemus.

Paschalis tabula perpetua.

| aureus. | N | Literæ do- | A | B | C | D | E | F | G |
|---------|----|------------|----|---------|---------|---------|---------|--------|-----|
| | | minicales. | | | | | | | |
| 1 | 9 | April. | 10 | Ap. 11 | Ap. 12 | Ap. 6 | Ap. 7 | Ap. 8 | Ap. |
| 2 | 26 | Mart. | 27 | Mar. 28 | Mar. 29 | Mar. 30 | Mar. 31 | M. 1 | Ap. |
| 3 | 16 | Ap. | 17 | Ap. 18 | Ap. 19 | Ap. 20 | Ap. 21 | Ap. 15 | Ap. |
| 4 | 9 | Ap. | 3 | Ap. 4 | Ap. 5 | Ap. 6 | Ap. 7 | Ap. 8 | Ap. |
| 5 | 26 | Mar. | 27 | Mar. 28 | Mar. 29 | Mar. 23 | Mar. 24 | M. 25 | M. |
| 6 | 16 | Ap. | 17 | Ap. 11 | Ap. 12 | Ap. 13 | Ap. 14 | Ap. 15 | Ap. |
| 7 | 2 | Ap. | 3 | Ap. 4 | Ap. 5 | Ap. 6 | Ap. 31 | M. 1 | Ap. |
| 8 | 23 | Ap. | 24 | Ap. 25 | Ap. 19 | Ap. 29 | Ap. 21 | Ap. 22 | Ap. |
| 9 | 9 | Ap. | 10 | Ap. 11 | Ap. 12 | Ap. 13 | Ap. 14 | Ap. 8 | Ap. |
| 10 | 2 | Ap. | 3 | Ap. 28 | Mar. 29 | Mar. 30 | Mar. 31 | M. 1 | Ap. |
| 11 | 16 | Ap. | 17 | Ap. 18 | Ap. 19 | Ap. 20 | Ap. 21 | Ap. 22 | Ap. |
| 12 | 9 | Ap. | 10 | Ap. 11 | Ap. 5 | Ap. 6 | Ap. 7 | Ap. 8 | Ap. |
| 13 | 26 | Mar. | 27 | Mar. 28 | Mar. 29 | Mar. 30 | Mar. 31 | M. 25 | M. |
| 14 | 16 | Ap. | 17 | Ap. 18 | Ap. 19 | Ap. 13 | Ap. 14 | Ap. 15 | Ap. |
| 15 | 2 | Ap. | 3 | Ap. 4 | Ap. 5 | Ap. 6 | Ap. 7 | Ap. 8 | Ap. |
| 16 | 26 | Mar. | 27 | Mar. 28 | Mar. 22 | Mar. 23 | Mar. 24 | M. 25 | M. |
| 17 | 16 | Ap. | 10 | Ap. 11 | Ap. 12 | Ap. 13 | Ap. 14 | Ap. 15 | Ap. |
| 18 | 2 | Ap. | 3 | Ap. 4 | Ap. 5 | Ap. 30 | Mar. 31 | M. 1 | Ap. |
| 19 | 23 | Ap. | 24 | Ap. 18 | Ap. 19 | Ap. 20 | Ap. 21 | Ap. 22 | Ap. |

De aduentu domini.

Canon IX.

Dominica dies, festo beati Andreæ apostoli proximior aduentum domini celebrat, siue illa dies fuerit ante aut post festum sancti Andreæ, quod celebratur 30. die mensis Nouembris. Et si illud festum die dominico occurrat, ibi celebratur aduentus domini. Si ergo huiusmodi festum euenerit die Lunæ, Martis, aut Mercurij, dominica ante dictū festum Andreæ celebratur. Si verò die Iouis, aut veneris, aut Sabbati, dominica post dictum festum incipit aduentus domini. Et durat usque ad nativitatem eiusdem, aliter sic. Aduentus domini semper incipit Dominica post festum Lini, iuxta vulgarem versiculum.

Aduentus domini sequitur solennia Lini.

Festum sancti Lini agitur 26. die Nouembris. Variatur autem aduentus domini ex diuersitate literæ dominicalis in anno solari.

De ieuniis festorum fixorum Canon X.

Sequētūm festorum ecclesia Gallica ieunia religiose & celebrat, & obseruat, scilicet ieunium pridie nativitatis beati Ioannis baptistæ, id est vicesima tertia Iunij. Item pridie sanctorum Petri, & Pauli apostolorum, id est antepenultima Iunij. Similiter, pridie sancti Laurentij, nona Augusti. Item pridie assumptionis beatæ Mariæ virginis, decimaquarta Augusti: Item pridie sancti Matthæi apostoli & euangelistæ, scilicet vicesima Septembris. Item pridie Symonis, & Iudæ apostolorum, id est vicesimaseptima Octobris. Item, pridie omniū sanctorū. Item, pridie sancti Andreæ apostoli, id est penultima Nouebris. Item, pridie natalis domini nostri Iesu Christi, Lucéque Marci.

De ieuniis quatuor temporum anni Canon XI.

Vatuor sunt anni tempora, quibus Sol per diuersa cœli spatia discurrens temperat orbem, Ver, æstas, Autumnus, & hyems.

Qvnde Plinius. Cardo téporum quadripartita anni distinctione constat. His vtique 4. anni temporibus nostra religio per summos pontifices trium dierum ieunia instituit, quibus & ad sacros ordines prouehimur: Feria quarta id est die Mercurij, Feria sexta. i. die veneris, & Sabbato. Prima ieuniorum quarta, fit post faces, quas alij vocitant brandones. Secunda Post missiōnem spiritus sancti, id est Pentecosten. Tertia post crucem, id est festum exaltationis sancte Crucis, quod celebratur die 14. Septembris. Et ita 4. sunt tempora anni solaris etiam ex mente philosophorum assignata. Quorum primū est ver, quod fit progressu Solis sub Ariete, Tauro, & gemellis. Secundum tempus dicitur æstas, quod accedit motu Solis sub Cancro, Leone & Virgine. Tertium dicitur Autumnus, quod accedit Sole currente sub Libra, Scorpione, & Sagittario. Quartum tempus est hyems, quod fit meatu Solis sub Capricorno, Aquario, & Piscibus. Primum tempus, scilicet ver, oritur circiter decimum Martij, id est in æquinoctio verno. Secundum scilicet æstas, incipit circiter duodecimum Junij, dum scilicet Sol Cancrum signum aggreditur. Tertium scilicet Autumnus, circiter decimumquartum Septembris. Quartum & ultimum, scilicet hyems circa tredecimum Decembris incipit. Sol quidem suo motu, has 4. differentias facit. Ex

cit. Ex dictis (etiam ad peritorum Astrologorum mētem) colligere licet 12. esse signa in zodiaco, per quę Sol in anno discurrit. Et illorū tria semper vnam quartam partem anni constituere. Nam, Aries, Taurus, Gemelli (vt dictum est) ver constituant. Cancer, Virgo, Leo, æstatem. Libra, Scorpio, Sagittarius, Autūnum. Capricornus, Aquarius, Pisces, hyemē adscribuntur. Pythagoras has 4. anni partes 4. hominum ætatis comparabat. Ver pueritiae, æstatem adolescentiae. Autūnum iuuentuti, Hyemem senectuti vt Laertius scribit. Alij 4. cœli partibus adscribunt. Ver quippe Orienti datur, quia tunc ex terra omnia oriuntur, æstas meridiei, eo quod calore, æstuque pars ea sit flagrantior: Hyēs Septentrioni, quodd frigoribus & perpetuo gelu torpeat. Autumnus occidenti, quodd graues morbos habeat. Vnde & folia ex plantis vt ait Isidorus defluunt: Et huiusmodi quatuor anni partes (vt dixim⁹) 4. anni iejunia retinent, quæ quidem quartis Feriis præscripta festa proximè sequentibus semper incipiunt, scilicet post diem exaltationis sancte Crucis, Luciæ, Cinerum, & Pentecostes. Verū si aliquod præscriptorū festorum ceciderit in quartam Feriam, iejunium ad subsequentis septimanę quartam Feriam protrahito. Et huiusmodi 4. temporum anni iejunia sacrosancta mater ecclesia ad corporis macerationem, vitiorum repressionem, spiritus pertinacis expulsionem, diuinæ gratiæ implorationem ritè instituit, vtque ad dominum Deum in quauis dictarū partium anni religiosius mentem extollamus. Ipsumque religiosius requiramus, colamus, ac veneremur. Primum quidem tempus obseruatur tē pore verno, quoniam quēadmodū tūc omnia pullulare, germinare, vivere, ac florere incipiunt, cunctāq; tunc ferè gignūtur, & nascendi claustra aperit natura, ita etiam virere, ac florere in nobis debent virtutum opera, supplantari vitia, libidinisque impetus (qui tunc fortes in omnibus animantibus commouentur) corporali iejunio frangātur, & dissipentur, virtutes augeantur. Secundum, tempore æstiuo, vt simus vere feruentes in charitate domini Dei, & proximi. Tertiū, Autumnus obseruat, ut in nobis fructus bonorum operum abundè exuberent. Quartum, in hyemali tempore obseruatur. Nam sicuti folia ex arboribus tūc defluūt, decidunt, ac moriuntur herbæ nocentes, Ita in nobis vitia, ac mundanæ superfluitates marcescant, moriantur, ac defluant danda est opera, opitulante eo qui solus crimina potest debere, & virtutes animis nostris inserere. Præter hæc habemus dies quadragesimę (ad Christi iejunantis imitationem) ieuniis consecratos. Hieronymus. Nos quadra-

gesimam secundum traditionem Apostolorem iejunamus. Matth. 4.
Cùm iejunasset Iesus quadraginta diebus & quadraginta noctibus, postea esuriit. 2. Corin. 6. In omnibus exhibeamus nos sicut dei ministros in multa patientia, in laboribus, in vigiliis, in ieuniis. Porro aduerte quod in cultu diuino tria requiruntur, fides, spes, & charitas, in fide, quid credendum. In spe, quid sperandum. In charitate, quid sit amandū. Cæterū, quām attente, quām religiosē, quamque ex destinato deum sumum comprecari addeceat, optimè omnium monstrasse Pythagoras videtur. Cùm veneris (inquit) in templum adora, neque aliquid interim, quod ad victimum pertineat, aut dicas, aut agas.

De cultu festorum anni, & sanctorum veneratione, Canon XII.

EX sacrosanctæ matris ecclesiæ instituto dies festi in veneratione sanctorum quotannis celebrantur, & ipsi populo Christiano salubriter celebrandos indicit, ut festū nativitatis D. Ioannis Baptista, sanctorum apostolorum Petri, & Pauli, qui mundum sacrissimis prædicationibus illuminarunt, cæterorumq; apostolorum, atque Euangeliistarum. Nonnullorum etiam Martyrum, confessorum, atque virginum, quorum catalogus magna ex parte in nostro habetur calendario. Præterea, ex ecclesiastico decreto quotannis unus est dies festus omnium sanctorum venerationi consecratus, & dedicatus, ut puta primus dies mensis nouembris, qui per totum orbem christianum in honorem sanctorum omnium cœlestis gloriæ incolarū habetur celeberrimus. Nec quenquam latere debet (ex sincera theologorum sententia) nos gratū obsequium domino deo præstare, cùm sanctos æternæ gloriæ ciues omnes, & eisdem honorem impendimus. omnia tamē in deum summum tanquam in ultimum finem referentes. Nam & ipsi pro nostris necessitatibus, nostraque salute suis precibus sedulò deum exorāt. Et licet sancti non sint adorandi, latria, quia soli deo debetur, sunt tamen dulia venerationi. Hic ergo mos celebrandi sanctorum festiuitates in ecclesia est introductus, non solum ut à Prophanis negotiis abstineremus, sed etiā ut deorum cultui liberius vacaremus, utque sancti amici dei ciues cœlestis gloriæ virtute, & meritis præclari à fidelibus corde, ore, & opere venerarentur. Quod Tibullus religiosē admonet.

Luce sacra requiescat humus, requiescat arator,
Et graue suspenso uomere cesset opus.
Omnia sint operata Deo.

Verū hodie Christianorū vulgus, ferias, siue dies festos olim ad pietatis usum ritè institutos, in cōpotationes, in scorta, in aleas, in ludos, in rixas in pugnas, in blasphemias, & nonnunquā in homicidia miserè cōmutant. Huiusmodi etenim hominū genus fugitāt laborē, & festos dies optāt, quod liceat ociāri, vētriq; & voluptatibus indulgere. Nec ullo tēpo re (nefandū) plus flagitiorū cōmittitur, quā quo maximè conueniebat à flagitiis & abstinere, & abesse, quod in nostræ religionis perniciem vergere palā est. Sed omnia dij bene vortāt. Præter annumeratas ferias, aliæ nō paucæ magna cū veneratiōe per anni circulū occurrūt celebrādæ, videlicet dies dominic⁹ in omni septimana Deo cōfecrat⁹. Natalis Christi, Circūcisio, & Epiphania eiusdē. Natiuitas, Cōceptio, Annuntiatio, Purificatio, & Assumptio intemeratæ Mariæ virginis. Item, sacramentum Pascha, cæterāq; festa mobilia. Quibus adduntur inuētio sanctæ Crucis, dedicatio sancti Michaelis archāgeli, dedicatio cuiuscūq; oratori. Et illæ festiuitates, quas singuli episcopi in suis Dioceſibus cū populo collaudarint, & in deuotione habuerint, quę vicinis tātum circōmorantibus (non generaliter omnibus) indicendæ sunt. Ad reliquarum festiuitatum cultum Christiani cogendi non sunt, nec prohibēdi. Sanctorum ergo festa quando sunt celebranda, laicis est pronūciandū. Et eadem colenda sunt pro Dioceſeo cuiusque ritu.

Forma calendarum imaginum ex Concilio Nicæno.

Nam Deus est quod imago docet, sed non Deus ipsa,

Hanc uideas, sed mente colas quod cernis in ipsa.

Pſal. 150.

Omnis spiritus laudet dominum.

Matthæi. 19.

Si vis ad vitam ingredi, serua mandata.

De 12. signis Zodiaci, & eorundem qualitatibus

Canon XIII.


Zodiacus, maior est circulus in Sphæra, in quo signa 12 animantium imaginibus designantur, habens in sua latitudine 12. gradus, quos linea ecliptica (quæ est via Solis) secundum Zodiaci longitudinem diuidit, vtrinq; scilicet à dextris, & à sinistris sex grad⁹ relinquēs per quos diuersis modis sydera spaciantur. Sed hic circulus in longitudine sua trecentos sexaginta continet gradus secūdum cuiuslibet signi mensurā, quæ triginta est graduum. Signa autē Zodiaci sunt duodecim: quorum quodlibet tres facies habet, facies autem quęlibet

quælibet decem gradus. Et huiusmodi 12. signorum nomina, & ordo, duobus versiculis à Mancinello colliguntur.

Sunt Aries, Taurus, Gemini, Cancer, Leo, Virgo,
Librāque, Scorpius, arcitenens, caper, amphora, Pisces.

Primum igitur signum est Aries signorum princeps, quod Martio attribuitur. Secundum signum est Taurus, quod Aprili attribuitur. Tertium signum faciunt Gemelli, quod Maio conceditur. Cancer, quartū signū, Iunio seruit. Leo, Julio. Virgo, Augusto. Libra, Septembri. Scorpius, Octobri. Sagittarius, Nouembri. Capricornus Decembri. Aquarius, Ianuario. Pisces, Februario adscribitur. Et ita in quo libet mense dicitur sol intrare nouū signum. Sed notiora sunt hæc, vel ex picturis, quam hīc debeant explicari: Præterea, sciendum est pro qualitate 12. signorum cognoscenda 4 esse elemēta, seu principia omniū rerum communia, scilicet ignem, qui est calidus & siccus. Terram, frigidam & sicciam. Aquam frigidam & humidam. Et Aërem, qui est calidus & humidus. His ergo elementis tali ordine, igne, terra, aëre, aqua constitutis in summitatibus 4. digitorum, quodcunque signum computando cum elemento coinciderit signum, qualitates illius obtinebit: Verbi gratia, quæro proprietatem Arietis, & inuenio quod cadit super summitatem indicis vbi est ignis. Vnde Aries est qualitatis ignis, scilicet calidus & siccus. Similiter, petitur prosperitas virginis, & inuenitur quod cadit sup summitatem medij, vbi est terra. Vnde, virgo est qualitatis terræ, scilicet frigida & sicca. Ulterius, si scire desideras an aliquod signum sit mobile, fixum, vel commune: ordina in tribus summitatibus trium digitorum has tres dictiones, Mobile, fixum, commune. Et quod signum cum dictione coinciderit, demonstrabit naturam, verbi gratia. Virgo computando, cadit vbi ly cōmune sedem habet. Vnde fit, ut Virgo commune sit signum. Cætera apud te ipsum facile coniectabis. Hic aduerte signa 12. partibus humani corporis addito Lunæ meatu dominari, quia eorum potentia in his membris valde operatur, accedente etiam quadam nominis similitudine. Item, cauendum ne quis tangere audeat ferro membrum (scilicet vulnerādo) alicui signo deputatum, dum Luna sub illo signo discurrit, quoniam Luna tunc facit, & auget in membris humores: Ut Aries respicit caput. Taurus collum. Gemelli, humeros, Brachia, manus. Cancer pectori, stomacho pulmonique accommodatur. Leoni dorsum, ac latera subiacent. Virgo ad ventrem, ac intestina spectat. Libra, umbilicum, Lumbos inferioraque ventris fortitur. Scorpio

partes pudibūdas gubernat. Sagittario, crura, & coxae adscribūtur. Capricornus, genua, & poplites gubernat. Aquarius, suras, & tibias regit. Pisces, in tutelam pedes recipiunt. De quibus Manilius,
 Iamque Aries capiti, Taurus ceruicibus hæret,
 Brachia sub Geminis censemur, pectora Cancro.
 Te scapulæ Nemæe vocant, téque ilia Virgo,
 Libra colit clunes, & Scorpius inguine gaudet.
 Et femur Arcitenens, genua & Capricornus amauit,
 Crurâque defendit iuuenis, vestigia Pisces.
 Sic erit humana signis descripta figura.



Signa
zodi
qua
at sol
fitio.

Nomina signorum Zodia-
ci, ordinatio, numerus
& characteres.

- | | |
|----|-------------|
| 1 | Aries |
| 2 | Taurus |
| 3 | Gemini |
| 4 | Cancer |
| 5 | Leo |
| 6 | Virgo |
| 7 | Libra |
| 8 | Scorpius |
| 9 | Sagittarius |
| 10 | Capricornus |
| 11 | Aquarius |
| 12 | Pisces |

Nomina mē-
sium Roma-
norum.

- | | |
|---|-------------|
| ♈ | Martius. |
| ♉ | Aprilis |
| ♊ | Maius. |
| ♋ | Iunius. |
| ♌ | Iulius. |
| ♍ | Augustus. |
| ♎ | September. |
| ♏ | October. |
| ♐ | Nouember. |
| ♑ | December. |
| ♒ | Ianuarius. |
| ♓ | Februarius. |

Dies mēsium in
quibus Sol signa
subingreditur.

- | | |
|----|--|
| 10 | |
| 10 | |
| 11 | |
| 12 | |
| 13 | |
| 13 | |
| 14 | |
| 14 | |
| 13 | |
| 13 | |
| 12 | |
| 11 | |
| 9 | |



Quatuor partium anni mutationes.

| | Arietis | Ver | | Vernale. |
|--------|------------|----------|--------------|------------|
| Sol in | Libræ | Autumnus | Aequinoctium | Autumnale. |
| capite | Cancri | Aestas | Solsti- | aestiuale |
| | Capricorni | Hyems | tium. | hyemale |

Quas humani corporis partes signa tueantur.

| ♀ | ♂ | □ | ☽ | Ω | ☿ |
|---------|----------|----------|----------|-----------|----------|
| Caput. | Collum. | Humeros, | Pectus. | Dorsum. | Ventrem. |
| Faciem. | Ceruicem | Brachia | Stomachū | Latera. | Viscera. |
| | Guttur. | Manus. | Pulmonē. | Cor. | Ilia. |
| | | | | Scapulas. | |

| □ | ☽ | ⇒ | ♂ | ≈ | ✗ |
|------------|-------------|--------|-----------|---------|--------|
| Lumbos. | Inguina. | Coxas. | Genua. | Crura. | Pedes. |
| Vmbilicum. | Anum. | Femur. | Poplitem. | Tibias. | Talos. |
| Renes. | Penem. | | | | |
| Vesicam. | Testiculos. | | | | |
| Clunes. | | | | | |
| Vertebras. | | | | | |

Planetarum 7. ordo, Charakteres, & nomina
cum eorundem qualitatibus.

| | | | |
|-------------|-----|------------|--------------------|
| | 1 ♂ | Saturnus. | Frigidus & siccus. |
| Superiores. | 2 ♀ | Iupiter. | Calidus & humidus. |
| | 3 ♂ | Mars. | Calidus & siccus. |
| Medius. | 4 ☽ | Sol. | Calidus & siccus. |
| | 5 ♀ | Venus. | Frigida & humida. |
| Inferiores. | 6 ☿ | Mercurius. | Promiscuus. |
| | 7 ☽ | Luna. | Frigida & humida. |

Syderum errantium colores.

Suus cuique color est, Saturno candidus, Ioui clarus, Marti igneus, Lucifero candens, Vespero refulgens, Mercurio radians, Lunæ blandus, Soli cum oritur ardens, posteà radians.

Dies artificialis.

| Maxima. | Media. | Minima. |
|-------------------|---------------|-------------|
| Caput | Caput arietis | Caput |
| cancri. | & Libræ. | capricorni. |
| Minima. | Media. | Maxima. |
| Nox artificialis. | | |

Dierum artificialium, noctiumque longitudo, necnon
tempus ortus & occasus Solis. pro latitudine 48. graduum.

I ij

Ianuarius.

es.hor. M. noct.M.ho.M.ho.
diei. diei hor. ort. occ.M
Sol. Sol.

Februarius.

hor.mi. hor. M. hor. ho.
diei dici noc.noc.Sol.
ort. occ.

| | | | | | | | | | | | | | | | |
|----|----|----|----|----|----|----|----|----|----|----|----|----|----|----|----|
| 8 | 28 | 15 | 32 | 7 | 46 | 4 | 14 | 9 | 46 | 14 | 14 | 7 | 7 | 4 | 53 |
| 8 | 28 | 15 | 32 | 7 | 46 | 4 | 14 | 9 | 56 | 14 | 4 | 7 | 2 | 4 | 58 |
| 8 | 28 | 15 | 32 | 7 | 46 | 4 | 14 | 9 | 56 | 14 | 4 | 7 | 2 | 4 | 58 |
| 8 | 34 | 15 | 26 | 7 | 43 | 4 | 17 | 9 | 56 | 14 | 4 | 7 | 2 | 4 | 58 |
| 8 | 34 | 15 | 26 | 7 | 43 | 4 | 17 | 10 | 6 | 13 | 54 | 6 | 57 | 5 | 3 |
| 8 | 34 | 15 | 26 | 7 | 43 | 4 | 17 | 10 | 6 | 13 | 54 | 6 | 57 | 5 | 3 |
| 8 | 40 | 15 | 20 | 7 | 40 | 4 | 20 | 10 | 6 | 13 | 54 | 6 | 57 | 5 | 3 |
| 8 | 40 | 15 | 20 | 7 | 40 | 4 | 20 | 10 | 16 | 13 | 44 | 6 | 52 | 5 | 8 |
| 8 | 40 | 15 | 20 | 7 | 40 | 4 | 20 | 10 | 16 | 13 | 44 | 6 | 52 | 5 | 8 |
| 9 | 8 | 48 | 15 | 12 | 7 | 46 | 4 | 24 | 10 | 16 | 13 | 44 | 6 | 52 | 5 |
| 1 | 8 | 48 | 15 | 12 | 7 | 36 | 4 | 24 | 10 | 26 | 13 | 34 | 6 | 47 | 5 |
| 2 | 8 | 48 | 15 | 12 | 7 | 36 | 4 | 24 | 10 | 26 | 13 | 34 | 6 | 47 | 5 |
| 3 | 8 | 54 | 15 | 6 | 7 | 33 | 4 | 27 | 10 | 26 | 13 | 34 | 6 | 47 | 5 |
| 4 | 8 | 54 | 15 | 6 | 7 | 33 | 4 | 27 | 10 | 36 | 13 | 24 | 6 | 42 | 5 |
| 5 | 8 | 54 | 15 | 6 | 7 | 33 | 4 | 27 | 10 | 36 | 13 | 24 | 6 | 42 | 5 |
| 6 | 9 | 2 | 14 | 58 | 7 | 29 | 4 | 31 | 10 | 36 | 13 | 24 | 6 | 42 | 5 |
| 7 | 9 | 2 | 14 | 58 | 7 | 29 | 4 | 31 | 10 | 46 | 13 | 14 | 6 | 37 | 5 |
| 8 | 9 | 2 | 14 | 58 | 7 | 29 | 4 | 31 | 10 | 46 | 13 | 14 | 6 | 37 | 5 |
| 9 | 9 | 10 | 14 | 50 | 7 | 25 | 4 | 35 | 10 | 46 | 13 | 14 | 6 | 37 | 5 |
| 20 | 9 | 10 | 14 | 50 | 7 | 25 | 4 | 35 | 10 | 56 | 13 | 4 | 6 | 32 | 5 |
| 21 | 9 | 10 | 14 | 50 | 7 | 25 | 4 | 35 | 10 | 56 | 13 | 4 | 6 | 32 | 5 |
| 22 | 9 | 18 | 14 | 42 | 7 | 21 | 4 | 39 | 10 | 56 | 13 | 4 | 6 | 32 | 5 |
| 23 | 9 | 18 | 14 | 42 | 7 | 21 | 4 | 39 | 11 | 8 | 12 | 52 | 6 | 26 | 5 |
| 24 | 9 | 18 | 14 | 42 | 7 | 21 | 4 | 39 | 11 | 8 | 12 | 52 | 6 | 26 | 5 |
| 25 | 9 | 26 | 14 | 34 | 7 | 17 | 4 | 43 | 11 | 8 | 12 | 52 | 6 | 21 | 5 |
| 26 | 9 | 26 | 14 | 34 | 7 | 17 | 4 | 43 | 11 | 18 | 12 | 42 | 6 | 21 | 5 |
| 27 | 9 | 26 | 14 | 34 | 7 | 17 | 4 | 43 | 11 | 18 | 12 | 42 | 6 | 21 | 5 |
| 28 | 9 | 36 | 14 | 24 | 7 | 12 | 4 | 48 | 11 | 18 | 12 | 42 | 6 | 21 | 5 |
| 29 | 9 | 36 | 14 | 24 | 7 | 12 | 4 | 48 | | | | | | | |
| 30 | 9 | 36 | 14 | 24 | 7 | 12 | 4 | 48 | | | | | | | |
| 31 | 9 | 46 | 14 | 14 | 7 | 7 | 4 | 53 | | | | | | | |

Martius.

dies. hor. M., noc. hor. hor.
diei. hor. M. ort. M. occ. M.
solis solis

Aprilis.

ort. occ.
Ho. M. hor. M. Sol. M. Sol. M.
diei noc. hor. hor.

| | | | | | | | | | | | | | | | | |
|----|----|----|----|----|---|----|---|----|----|----|----|----|---|----|---|----|
| 1 | II | 28 | 12 | 32 | 6 | 16 | 5 | 44 | 13 | 14 | 10 | 46 | 5 | 23 | 6 | 37 |
| 2 | II | 28 | 12 | 32 | 6 | 16 | 5 | 44 | 13 | 14 | 10 | 46 | 5 | 23 | 6 | 37 |
| 3 | II | 38 | 12 | 22 | 6 | 11 | 5 | 49 | 13 | 24 | 10 | 36 | 5 | 18 | 6 | 42 |
| 4 | II | 38 | 12 | 22 | 6 | 11 | 5 | 49 | 13 | 24 | 10 | 36 | 5 | 18 | 6 | 42 |
| 5 | II | 38 | 12 | 22 | 6 | 11 | 5 | 49 | 13 | 24 | 10 | 36 | 5 | 18 | 6 | 42 |
| 6 | II | 50 | 12 | 10 | 6 | 5 | 5 | 55 | 13 | 34 | 10 | 26 | 5 | 13 | 6 | 47 |
| 7 | II | 50 | 12 | 10 | 6 | 5 | 5 | 55 | 13 | 34 | 10 | 26 | 5 | 13 | 6 | 47 |
| 8 | II | 50 | 12 | 10 | 6 | 5 | 5 | 55 | 13 | 34 | 10 | 26 | 5 | 13 | 6 | 47 |
| 9 | I2 | 0 | 12 | 0 | 6 | 0 | 6 | 0 | 13 | 44 | 10 | 16 | 5 | 8 | 6 | 52 |
| 10 | I2 | 0 | 12 | 0 | 6 | 0 | 6 | 0 | 13 | 44 | 10 | 16 | 5 | 8 | 6 | 52 |
| 11 | I2 | 0 | 12 | 0 | 6 | 0 | 6 | 0 | 13 | 44 | 10 | 16 | 5 | 8 | 6 | 52 |
| 12 | I2 | 10 | II | 50 | 5 | 55 | 6 | 5 | 13 | 54 | 10 | 6 | 5 | 3 | 6 | 57 |
| 13 | I2 | 10 | II | 50 | 5 | 55 | 6 | 5 | 13 | 54 | 10 | 6 | 5 | 3 | 6 | 57 |
| 14 | I2 | 10 | II | 50 | 5 | 55 | 6 | 5 | 13 | 54 | 10 | 6 | 5 | 3 | 6 | 57 |
| 15 | I2 | 22 | II | 38 | 5 | 49 | 6 | 11 | 14 | 4 | 9 | 56 | 4 | 58 | 7 | 2 |
| 16 | I2 | 22 | II | 38 | 5 | 49 | 6 | 11 | 14 | 4 | 9 | 56 | 4 | 58 | 7 | 2 |
| 17 | I2 | 22 | II | 38 | 5 | 49 | 6 | 11 | 14 | 4 | 9 | 56 | 4 | 58 | 7 | 2 |
| 18 | I2 | 32 | II | 28 | 5 | 44 | 6 | 16 | 14 | 14 | 9 | 46 | 4 | 53 | 7 | 7 |
| 19 | I2 | 32 | II | 28 | 5 | 44 | 6 | 16 | 14 | 14 | 9 | 46 | 4 | 53 | 7 | 7 |
| 20 | I2 | 32 | II | 28 | 5 | 44 | 6 | 16 | 14 | 14 | 9 | 46 | 4 | 53 | 7 | 7 |
| 21 | I2 | 32 | II | 28 | 5 | 44 | 6 | 16 | 14 | 24 | 9 | 36 | 4 | 48 | 7 | 12 |
| 22 | I2 | 42 | II | 18 | 5 | 39 | 6 | 21 | 14 | 24 | 9 | 36 | 4 | 48 | 7 | 12 |
| 23 | I2 | 42 | II | 18 | 5 | 39 | 6 | 21 | 14 | 24 | 9 | 36 | 4 | 48 | 7 | 12 |
| 24 | I2 | 42 | II | 18 | 5 | 39 | 6 | 21 | 14 | 24 | 9 | 36 | 4 | 48 | 7 | 12 |
| 25 | I2 | 52 | II | 8 | 5 | 34 | 6 | 26 | 14 | 34 | 9 | 26 | 4 | 43 | 7 | 17 |
| 26 | I2 | 52 | II | 8 | 5 | 34 | 6 | 26 | 14 | 34 | 9 | 26 | 4 | 43 | 7 | 17 |
| 27 | I2 | 52 | II | 8 | 5 | 34 | 6 | 26 | 14 | 34 | 9 | 26 | 4 | 43 | 7 | 17 |
| 28 | I3 | 4 | 10 | 56 | 5 | 28 | 6 | 32 | 14 | 42 | 9 | 18 | 4 | 39 | 7 | 21 |
| 29 | I3 | 4 | 10 | 56 | 5 | 28 | 6 | 32 | 14 | 42 | 9 | 18 | 4 | 39 | 7 | 21 |
| 30 | I3 | 4 | 10 | 56 | 5 | 28 | 6 | 32 | 14 | 42 | 9 | 18 | 4 | 39 | 7 | 21 |
| 31 | I3 | 14 | 10 | 46 | 5 | 23 | 6 | 37 | | | | | | | | |

September.

ort. occ.

| | | | | | | | | |
|-------|------|----|------|----|------|----|------|----|
| Dies. | hor. | M. | hor. | M. | Sol. | M. | Sol. | M. |
| diei | | | noc. | | hor. | | hor. | |

| | | | | | | | | | | | | | | | | |
|----|----|----|----|----|---|----|---|----|----|----|----|----|---|----|---|----|
| 1 | 12 | 42 | 11 | 18 | 5 | 39 | 6 | 21 | 10 | 56 | 13 | 4 | 6 | 32 | 5 | 28 |
| 2 | 12 | 42 | 11 | 18 | 5 | 39 | 6 | 21 | 10 | 56 | 13 | 4 | 6 | 32 | 5 | 28 |
| 3 | 12 | 32 | 11 | 23 | 5 | 44 | 6 | 16 | 10 | 56 | 13 | 4 | 6 | 32 | 5 | 28 |
| 4 | 12 | 32 | 11 | 28 | 5 | 44 | 6 | 16 | 10 | 46 | 13 | 14 | 6 | 37 | 5 | 23 |
| 5 | 12 | 32 | 11 | 28 | 5 | 44 | 6 | 16 | 10 | 46 | 13 | 14 | 6 | 37 | 5 | 23 |
| 6 | 12 | 22 | 11 | 38 | 5 | 49 | 6 | 11 | 10 | 46 | 13 | 14 | 6 | 37 | 5 | 23 |
| 7 | 12 | 22 | 11 | 38 | 5 | 49 | 6 | 11 | 10 | 36 | 13 | 24 | 6 | 42 | 5 | 18 |
| 8 | 12 | 22 | 11 | 38 | 5 | 49 | 6 | 11 | 10 | 36 | 13 | 24 | 6 | 42 | 5 | 18 |
| 9 | 12 | 10 | 11 | 50 | 5 | 55 | 6 | 5 | 10 | 36 | 13 | 24 | 6 | 42 | 5 | 18 |
| 10 | 12 | 10 | 11 | 50 | 5 | 55 | 6 | 5 | 10 | 26 | 13 | 34 | 6 | 47 | 5 | 13 |
| 11 | 12 | 10 | 11 | 50 | 5 | 55 | 6 | 5 | 10 | 26 | 13 | 34 | 6 | 47 | 5 | 13 |
| 12 | 12 | 0 | 12 | 0 | 6 | 0 | 6 | 0 | 10 | 26 | 13 | 34 | 6 | 47 | 5 | 13 |
| 13 | 12 | 0 | 12 | 0 | 6 | 0 | 6 | 0 | 10 | 16 | 13 | 44 | 6 | 52 | 5 | 8 |
| 14 | 12 | 0 | 12 | 0 | 6 | 0 | 6 | 0 | 10 | 16 | 13 | 44 | 6 | 52 | 5 | 8 |
| 15 | 12 | 50 | 12 | 10 | 6 | 5 | 5 | 55 | 10 | 16 | 13 | 44 | 6 | 52 | 5 | 3 |
| 16 | 11 | 50 | 12 | 10 | 6 | 5 | 5 | 55 | 10 | 6 | 13 | 54 | 6 | 57 | 5 | 3 |
| 17 | 11 | 50 | 12 | 10 | 6 | 5 | 5 | 55 | 10 | 6 | 13 | 54 | 6 | 57 | 5 | 3 |
| 18 | 11 | 38 | 12 | 22 | 6 | 11 | 5 | 49 | 10 | 6 | 13 | 54 | 6 | 57 | 5 | 3 |
| 19 | 11 | 38 | 12 | 22 | 6 | 11 | 5 | 49 | 9 | 56 | 14 | 4 | 7 | 2 | 4 | 58 |
| 20 | 11 | 38 | 12 | 22 | 6 | 11 | 5 | 49 | 9 | 56 | 14 | 4 | 7 | 2 | 4 | 58 |
| 21 | 11 | 28 | 12 | 32 | 6 | 16 | 5 | 44 | 9 | 56 | 14 | 4 | 7 | 2 | 4 | 58 |
| 22 | 11 | 28 | 12 | 32 | 6 | 16 | 5 | 44 | 9 | 46 | 14 | 14 | 7 | 7 | 4 | 53 |
| 23 | 11 | 28 | 12 | 32 | 6 | 16 | 5 | 44 | 9 | 46 | 14 | 14 | 7 | 7 | 4 | 53 |
| 24 | 11 | 18 | 12 | 42 | 6 | 21 | 5 | 39 | 9 | 46 | 14 | 14 | 7 | 7 | 4 | 53 |
| 25 | 11 | 18 | 12 | 42 | 6 | 21 | 5 | 39 | 9 | 36 | 14 | 24 | 7 | 12 | 4 | 48 |
| 26 | 11 | 18 | 12 | 42 | 6 | 21 | 5 | 39 | 9 | 36 | 14 | 24 | 7 | 12 | 4 | 48 |
| 27 | 11 | 8 | 12 | 52 | 6 | 26 | 5 | 34 | 9 | 36 | 14 | 24 | 7 | 12 | 4 | 43 |
| 28 | 11 | 8 | 12 | 52 | 6 | 26 | 5 | 34 | 9 | 26 | 14 | 34 | 7 | 17 | 4 | 43 |
| 29 | 11 | 8 | 12 | 52 | 6 | 26 | 5 | 34 | 9 | 26 | 14 | 34 | 7 | 17 | 4 | 43 |
| 30 | 10 | 56 | 13 | 4 | 6 | 32 | 5 | 28 | 9 | 26 | 14 | 42 | 7 | 21 | 4 | 39 |

October.

ort. occ.

| | | | | | | | |
|------|----|------|------|------|------|------|------|
| hor. | M. | hor. | M. | Sol. | M. | Sol. | M. |
| diei | | | noc. | | hor. | | hor. |

| | | | | | | | |
|----|----|----|----|---|----|---|----|
| 10 | 56 | 13 | 4 | 6 | 32 | 5 | 28 |
| 10 | 56 | 13 | 4 | 6 | 32 | 5 | 28 |
| 10 | 56 | 13 | 4 | 6 | 32 | 5 | 28 |
| 10 | 46 | 13 | 14 | 6 | 37 | 5 | 23 |
| 10 | 46 | 13 | 14 | 6 | 37 | 5 | 23 |
| 10 | 46 | 13 | 14 | 6 | 37 | 5 | 23 |
| 10 | 36 | 13 | 24 | 6 | 42 | 5 | 18 |
| 10 | 36 | 13 | 24 | 6 | 42 | 5 | 18 |
| 10 | 36 | 13 | 24 | 6 | 42 | 5 | 18 |
| 10 | 26 | 13 | 34 | 6 | 47 | 5 | 13 |
| 10 | 26 | 13 | 34 | 6 | 47 | 5 | 13 |
| 10 | 26 | 13 | 34 | 6 | 47 | 5 | 13 |
| 10 | 16 | 13 | 44 | 6 | 52 | 5 | 8 |
| 10 | 16 | 13 | 44 | 6 | 52 | 5 | 8 |
| 10 | 16 | 13 | 44 | 6 | 52 | 5 | 8 |
| 10 | 16 | 13 | 44 | 6 | 52 | 5 | 8 |
| 10 | 6 | 13 | 54 | 6 | 57 | 5 | 3 |
| 10 | 6 | 13 | 54 | 6 | 57 | 5 | 3 |
| 10 | 6 | 13 | 54 | 6 | 57 | 5 | 3 |
| 10 | 6 | 13 | 54 | 6 | 57 | 5 | 3 |
| 9 | 56 | 14 | 4 | 7 | 2 | 4 | 58 |
| 9 | 56 | 14 | 4 | 7 | 2 | 4 | 58 |
| 9 | 56 | 14 | 4 | 7 | 2 | 4 | 58 |
| 9 | 56 | 14 | 4 | 7 | 2 | 4 | 58 |
| 9 | 46 | 14 | 14 | 7 | 7 | 4 | 53 |
| 9 | 46 | 14 | 14 | 7 | 7 | 4 | 53 |
| 9 | 46 | 14 | 14 | 7 | 7 | 4 | 53 |
| 9 | 46 | 14 | 14 | 7 | 7 | 4 | 53 |
| 9 | 46 | 14 | 14 | 7 | 7 | 4 | 53 |
| 9 | 36 | 14 | 24 | 7 | 12 | 4 | 48 |
| 9 | 36 | 14 | 24 | 7 | 12 | 4 | 48 |
| 9 | 36 | 14 | 24 | 7 | 12 | 4 | 48 |
| 9 | 26 | 14 | 34 | 7 | 17 | 4 | 43 |
| 9 | 26 | 14 | 34 | 7 | 17 | 4 | 43 |
| 9 | 26 | 14 | 34 | 7 | 17 | 4 | 43 |
| 9 | 26 | 14 | 42 | 7 | 21 | 4 | 39 |
| 9 | 18 | 14 | 42 | 7 | 21 | 4 | 39 |

Nouember,

| Dies. | hor. | M. | hor. | M. | Sol. | M. | Sol. | M. |
|-------|------|----|------|------|------|----|------|----|
| diei | noc. | | hor. | hor. | | | | |
| 1 | 9 | 18 | 14 | 42 | 7 | 21 | 4 | 39 |
| 2 | 9 | 10 | 14 | 50 | 7 | 25 | 4 | 35 |
| 3 | 9 | 10 | 14 | 50 | 7 | 25 | 4 | 35 |
| 4 | 9 | 10 | 14 | 50 | 7 | 25 | 4 | 35 |
| 5 | 9 | 2 | 14 | 58 | 7 | 29 | 4 | 31 |
| 6 | 9 | 2 | 14 | 58 | 7 | 29 | 4 | 31 |
| 7 | 9 | 2 | 14 | 58 | 7 | 29 | 4 | 31 |
| 8 | 8 | 54 | 15 | 6 | 7 | 33 | 4 | 27 |
| 9 | 8 | 54 | 15 | 6 | 7 | 33 | 4 | 27 |
| 10 | 8 | 54 | 15 | 6 | 7 | 33 | 4 | 27 |
| 11 | 8 | 48 | 15 | 12 | 7 | 36 | 4 | 24 |
| 12 | 8 | 48 | 15 | 12 | 7 | 36 | 4 | 24 |
| 13 | 8 | 48 | 15 | 12 | 7 | 36 | 4 | 24 |
| 14 | 8 | 40 | 15 | 20 | 7 | 40 | 4 | 20 |
| 15 | 8 | 40 | 15 | 20 | 7 | 40 | 4 | 20 |
| 16 | 8 | 40 | 15 | 20 | 7 | 40 | 4 | 20 |
| 17 | 8 | 34 | 15 | 26 | 7 | 43 | 4 | 17 |
| 18 | 8 | 34 | 15 | 26 | 7 | 43 | 4 | 17 |
| 19 | 8 | 34 | 15 | 26 | 7 | 43 | 4 | 17 |
| 20 | 8 | 28 | 15 | 32 | 7 | 46 | 4 | 14 |
| 21 | 8 | 28 | 15 | 32 | 7 | 46 | 4 | 14 |
| 22 | 8 | 28 | 15 | 32 | 7 | 46 | 4 | 14 |
| 23 | 8 | 24 | 15 | 36 | 7 | 48 | 4 | 12 |
| 24 | 8 | 24 | 15 | 36 | 7 | 48 | 4 | 12 |
| 25 | 8 | 24 | 15 | 36 | 7 | 48 | 4 | 12 |
| 26 | 8 | 20 | 15 | 40 | 7 | 50 | 4 | 10 |
| 27 | 8 | 20 | 15 | 40 | 7 | 50 | 4 | 10 |
| 28 | 8 | 20 | 15 | 40 | 7 | 50 | 4 | 10 |
| 29 | 8 | 16 | 15 | 44 | 7 | 52 | 4 | 8 |
| 30 | 8 | 16 | 15 | 44 | 7 | 52 | 4 | 8 |

December.


| dies. | hor. | M. | hor. | M. | Sol. | M. | Sol. | M. |
|-------|------|----|------|------|------|----|------|----|
| diei | noc. | | hor. | hor. | | | | |
| 1 | 8 | 16 | 15 | 44 | 7 | 52 | 4 | 8 |
| 2 | 8 | 12 | 15 | 48 | 7 | 54 | 4 | 6 |
| 3 | 8 | 12 | 15 | 48 | 7 | 54 | 4 | 6 |
| 4 | 8 | 12 | 15 | 48 | 7 | 54 | 4 | 6 |
| 5 | 8 | 10 | 15 | 50 | 7 | 55 | 4 | 5 |
| 6 | 8 | 10 | 15 | 50 | 7 | 55 | 4 | 5 |
| 7 | 8 | 10 | 15 | 50 | 7 | 55 | 4 | 5 |
| 8 | 8 | 8 | 15 | 52 | 7 | 56 | 4 | 4 |
| 9 | 8 | 8 | 15 | 52 | 7 | 56 | 4 | 4 |
| 10 | 8 | 8 | 15 | 52 | 7 | 56 | 4 | 4 |
| 11 | 8 | 8 | 15 | 52 | 7 | 56 | 4 | 4 |
| 12 | 8 | 8 | 15 | 52 | 7 | 56 | 4 | 4 |
| 13 | 8 | 8 | 15 | 52 | 7 | 56 | 4 | 4 |
| 14 | 8 | 8 | 15 | 52 | 7 | 56 | 4 | 4 |
| 15 | 8 | 8 | 15 | 52 | 7 | 56 | 4 | 4 |
| 16 | 8 | 8 | 15 | 52 | 7 | 56 | 4 | 4 |
| 17 | 8 | 10 | 15 | 50 | 7 | 55 | 4 | 5 |
| 18 | 8 | 10 | 15 | 50 | 7 | 55 | 4 | 5 |
| 19 | 8 | 12 | 15 | 48 | 7 | 54 | 4 | 6 |
| 20 | 8 | 12 | 15 | 48 | 7 | 54 | 4 | 6 |
| 21 | 8 | 12 | 15 | 48 | 7 | 54 | 4 | 6 |
| 22 | 8 | 16 | 15 | 44 | 7 | 52 | 4 | 8 |
| 23 | 8 | 16 | 15 | 44 | 7 | 52 | 4 | 8 |
| 24 | 8 | 16 | 15 | 44 | 7 | 52 | 4 | 8 |
| 25 | 8 | 20 | 15 | 40 | 7 | 50 | 4 | 10 |
| 26 | 8 | 20 | 15 | 40 | 7 | 50 | 4 | 10 |
| 27 | 8 | 20 | 15 | 40 | 7 | 50 | 4 | 10 |
| 28 | 8 | 24 | 15 | 36 | 7 | 48 | 4 | 12 |
| 29 | 8 | 24 | 15 | 36 | 7 | 48 | 4 | 12 |
| 30 | 8 | 24 | 15 | 36 | 7 | 48 | 4 | 12 |
| 31 | 8 | 28 | 15 | 32 | 7 | 46 | 4 | 14 |

De numero, situ, ordine, & motu sphæ- rarum. Canon XIII.

ERones qui planetæ, id est stellæ erraticæ dicuntur, numero sunt 7. In quos Mathematici ipsi, & Chaldæi vniuersam hominum ætatem referunt, ut quæcunq; in vita agantur, ea quidem statis, certisque temporibus planetæ ipsi propemodum efficiunt. Sanè nec illud nos ignorare oportet, planetarum, hoc est vagarum stellarum circuitus, cum scilicet certo loco in eundem locum redeunt, annum suum efficere. Et horum planetarum quilibet unum orbem occupat. Ut Luna, primum, infimum, & proximiorem nobis, quæ in 28. diebus, & 8. horis Zodiacum peragrat. Mercurius altior, est in secundo orbe, qui in trecentis, & fere triginta diebus signiferum circuit. Venus in tertio orbe totidem spatio atque Mercurius mouetur. Sol, tanquam rex aliorum planetarum in quarto orbe est, tres sub se & totidem super se habens planetas, cuius motus regularissimus est nūquam retrogradus, & quo omnes alij motus regulantur, quem quidem motum peragit (ut aiunt quidā Astrologi) in ter centum sexaginta quinque diebus, & sex horis cum aliquot fragmentis. Mars est in quinto orbe, & in duobus annis solaribus voluitur sub Zodiaco. Iupiter est in sexto, qui sub signifero circuitum suum spatio 12. annorum absoluit. Saturnus est in septimo, & in triginta annis solaribus suum cursum perficit. Sequitur octauus orbis, quod firmamentum, aut cœlum stellatum recte appellamus, in quo innumeræ sunt stellæ, quarum minor visu notabilis (ut inquit Alphraganus) maior est tota terra. Et super hunc orbem est nonus orbis, siue secundum mobile, quod à nonnullis cœlum Crystallinum, siue aqueum appellatur. Decimum cœlum primum, aut supremum mobile vocatur, quod motu unico, simplicissimo, atque regularissimo mouetur. & in spatio diei naturalis motum suum circa terram compleat ab oriente in occidentem, omnes inferiores orbes secum rapiens. Et super hoc extat cœlum Empyreum supremum, immobile manens, omnium capacissimum, ubi est palatium domini Dei altissimi, & locus omnium electorum, cuius dignos nos efficiat Deus omnium misertus per unicum filium suum, cui honor, gloria, & imperium per infinita seculorum secula.

Nomina

Nomina 7. planetarum, Sphærarumque æthereæ regionis
ordinatio in subscripta figura clarescunt.



Temporis partes scrutari.

Canon

Tempus omne, seculis, annis, mensibus, hebdomadibus, diebus, quadrantibus, horis, punctis, momentis, vnciis, Atomis à non-nullis diuiditur.

Seculum (vt Varro scripsit) spatium est centum annorum.

Annus Solis constat ex diebus ter centum sexaginta quinque, & diei parte circiter quarta. Vel, est spatium quo sol signiferum ambit. Vnde Censorinus.

Annus vertens est, dum Sol percurrentes duodecim signa, eodem vnde profectus est redit. Hoc quidem tempus quot dierum esset, ad certum nondum Astrologi reperire potuerunt, multa licet multi commenti sint.

Claudius Galenus credidit annum constare diebus 365. & particula quadam quæ quadrante maior sit.

Mensis, in hebdomas 4.

Hebdomada, in dies 7.

Dies, in quadrantes 4.

Quadrans, in sex horas diuiditur.

Porro, hora, in 4. puncta.

Punctum in 10. momenta.

Momentum, in vncias 12.

Vncia, in 47. atomos.

Atomus verò vt vox ipsa indicat, diuidi, ac secari in partes non potest.

Minutis nunc quidam 60. Astrologi dicunt horam constare.

Alij tempus ita distingunt, momentum, hora, dies, mensis, annus, seculum, ætasque.

Momentum, est minimum atque angustissimum tempus à motu syderum dictum.

Sed Astronomi mensurare solent res successivas, & maximè tempus, sex mensuris, quæ sunt, annus, mensis, hebdomada, dies, Quadrans, hora, minutum.

Alij tempus omne diuidunt in annos, menses, hebdomas, dies, & horas. Et huiusmodi temporis partibus omnes penè nationes utuntur.

Præterea, menses in tres partes diuidunt, in Calendas, Nonas & idus.

Hebdomada, à numero septem dierum dicta est, cuius primus dies dominicus vel Solis constituitur. Inde Lunæ, inde Martis &c.

Nam

Nam dierum nomina (vt credūt philosophi gentiles) extracta sunt à 7. stellis vagis, hoc est à Planetis: quorum repetitione & menses, & anni, & secula peraguntur. Primam itaque diem Solis, Deinde Lunæ, tum Martis, pōst Mercurij, Inde Iouis, Mox Veneris: Dēmum Saturni constituerunt. Idque ea ratione factum quidam arbitrantur, quod scilicet à Sole spiritum gentes se haurire putabant. A Luna verò corpus sumere. A Marte feruorem, vt Bedas de rerū Nat.scribit. A Mercurio verba, & sapientiam. Ab Ioue temperantiam, voluptatem à Venere. Perseuerantiam ac tarditatem à Saturno.

Dies, in naturalem, & artificialem à recentioribus diuiditur.

Dies artificialis, spatiū est ab ortu Solis ad eius occasum. Vnde artificialis dies, est Sol lucens super terram.

Dies naturalis secundum diuersos, diuersa habet principia. Nox autem est umbra terræ.

Dies naturalis, tēpus est 24. horarū. Vnde Gene. i. Factū est vespere & mane dies unus, scilicet naturalis. Cuius initium Astrologi à meridie sumūt. Iudæi, ab occasu Solis ad alterū occasum accipiūt. Græci, à Solis exortu. Roma. & nos, à media nocte incipiunt: & sequentis noctis media parte finitur: quoniam legitur quod dominus natus fuerit in medio noctis diei dominicæ.

Dies ergo naturalis diuiditur in diem artificialē, & noctē. Cuius nox apud Romanos per diem interrumpitur. Medietas enim noctis eorum diem præcedit, & altera medietas diem sequitur.

Mensis naturalis duplex est, scilicet mensis Solis, & mensis Lunæ.

Mensis Solis, est tempus quo Sol duodecimam cœli partem lustrat. Vel spatiū est temporis, quandiu Sol moratur in signo peragendo. Vnde philosophus, Sol unum duodecim signorum integro mense metitur.

Mensis Lunæ, est spatiū inter duos Solis Lunæque coitus. Vel quo Luna tredecim ferè signa percurrit.

Mensis cuiusque portiones seu dierum formæ tres sunt, Calēdæ, nonæ, idus. Habent autem nonas sex, mēses 4. Martius, Maius, Iulius, & Octōber. Reliqui 4. tantum. idus autem singuli quique menses habēt 8. Reliqui omnes mensis dies Calendæ dicuntur.

De horis temporalibus, alternoque domino septem planetarum,
Canon.

Septem stellis qui planetæ vocantur, dies assignari receptum est, inuentum quidem putatur Aegyptiorum, qui temporales horas suis negotiis peragendis, absoluendisque nimis curiosè aptarunt. quos tamen non pauci insignes Philosophi, Astrolabij interpretes sunt secuti. Diem enim quencunque, simul ac noctem, in duodenas partes æquas fregerunt, quas planetarum horas appellabant, & eorum gubernamento dicauerunt. Denominabant itaque dies hebdomadæ à planeta, qui prima huius diei hora dominatum habet, ut diem sabbati à Saturno omnium summo, Dominicum à Sole: secundam feriam à Luna, tertiam à Marte: quartam à Mercurio. quintam à Ioue, & sextam à Venere. Has septenorum dierum nominationes ex versibus sequentibus facile colliges,

Prima dies Phœbi sacrato nomine fulget.

Vendicat & lucens feriam sibi Luna secundam,

Inde dies rutilat iam tertia Martis honore.

Mercurius quartam splendentem possidet altam.

Iuppiter ecce sequens quintam sibi iure dicavit.

Concordat Veneri magno cum nomine sexta.

Emicat alma dies Saturno septima summo.

Dierum autem numerus, Primus, secundus, tertius, quartus, quintus, sextus, septimus à Deo est appellatus. Porro diuidere hebdomadas per ferias ut christiana vfa est Ecclesia, Nicephorus in quapiam oratione, & post eum Politianus, Constantinum magnum Imperatorem instituisse prodiderunt. Bedas vero vir multæ lectionis ac diligentiae, id Syluestro Pontifici Romano attribuit: quem ideo ferias ait ad gentilium feriarum similitudinem. Nam cum feriis minus liceret seruilia opera exercere: sic christianis vni deo immortali vacare, & ab opere peccati quiescere. Prima ergo feria, dies est dominicus, iam tum à primis illis ecclesiæ proceribus institutus, & nuncupatus. Et tum deinceps secunda feria, tertia, quarta, quinta, sexta, & septima, quam sabbatum Sylvester vocauit. Dominicus igitur & sabbatum dies à nostris frequenti sermone usurpantur, posthabitæ primæ, & septimæ feriæ nominibus, vt

bus, vt nouum, & vetus testamentum per eos dies à nobis profiteri innuamus. Preterea, quoniam singuli planetæ singulis horis diurnis, & nocturnis dominari, & præesse ab Astrologis dicuntur, & mortalia vt aiunt disponere: Ideo planetarum, hoc est erratum stellarum horæ, quæ ab eis planetariæ vocantur constitutæ sunt. Sunt igitur verno tempore sole arietem, Autumno libram ingrediente æquinoctiales horæ, id est pares. Affirmabant insuper Babylonij planetas successiue, & debito seruato ordine per horas diurnas, & nocturnas dominari, quorum ordo hic est, Saturnus, Iupiter, Mars, Sol, Venus, Mercurius, Luna: Vnde communi versiculo dicitur,
Post sim, sum, ultima Luna subest.

Primæ igitur dominici diei horæ Sol dominatur, Venus secundæ, Mercurius tertiae, Luna quartæ, Saturnus quintæ, Iupiter sextæ, Mars septimæ. Iterum quoque sol dominatur octauæ, atque deinceps: Ita quod 15. & 22. Sol, Venus verò 23 dominabitur. Mercurius 24. Vnde cum non sint plures horæ in die naturali, relinquitur quod Luna dominabitur prima hora diei subsequétis, à quo dicebatur dies Lunæ & inde recipit appellationem. Atque pari modo iuxta eandem calculi rationem octauæ horæ & 15. & 22. Vigesimæ verò tertiae Saturnus, & Iupiter 24. Tum Mars dominabitur primæ horæ in sequentis diei. Atque ita Mars ei diei præerit. Tū simili modo ac via de reliquis septimanæ diebus facias, donec horas quatuor & viginti pertransreas. Iuxta hæc igitur sagaciores medici, cum exhibet potiones medicinales, aut phlebotomé celebrant, considerare solent, an planeta benevolus, vel malevolus dominetur in hora illa. Benevoli sunt Iupiter & Venus: Malevoli, Saturnus & Mars. Indifferentes verò Sol, Luna, & Mercurius. Si igitur scire libet cui planetæ debeatur quilibet hora oblata, scias in primis ex supra notatis cuius planetæ sit dies præsens, quo cognito noscas ex Astrolabio horam temporalem. Deinde diem planetæ perquire in fronte sequentis tabellæ inscriptum, & horam diurnam tēporalem in prima linea numeri lateralis: Nocturnam verò in eadem, & sequenti linea per numerum lateralem, & in communi angulo diei & horæ planetam horæ gubernatorem deprehendes. Poteris etiam in articulis digitorum planetam propositæ horæ dominum supputare. Sed quia hæc vulgaria sunt, pertranseo.

*do-
-
4 gil
ēti
;t.*

hor.

| | Horæ dicit. |
|----|-------------|
| I | 2 |
| 2 | 3 |
| 3 | 4 |
| 4 | 5 |
| 5 | 6 |
| 6 | 7 |
| 7 | 8 |
| 8 | 9 |
| 9 | 10 |
| 10 | 11 |
| 11 | 12 |
| 12 | 1 |
| 1 | 2 |
| 2 | 3 |
| 3 | 4 |
| 4 | 5 |
| 5 | 6 |
| 6 | 7 |
| 7 | 8 |
| 8 | 9 |
| 9 | 10 |
| 10 | 11 |
| 11 | 12 |
| 12 | 1 |

Dies Solis, dominica prima fer.

Dies Lunæ, secunda feria.

Dies Martis, ter-
tia feria.

Dies Mercurij,
quarta feria.

Dics Louis, quinta feria.

Dies veneris, sexta feria.

Dies Saturni.
Sabbatum.

Dies hebdomadæ planetis alligantur.

Ex Macrobiō, et Marco Varrone, Rusticos sequi debere negotia quædam potius crescente luna, quam senescente, quædam contrà.

Dies lunares sunt obseruandi, qui quodāmodo bipartiti sunt. Quod à noua luna crescit ad plenā, & inde rursus ad nouam lunā decrescit, quo ad veniat ad intermenstruum, in quo die dicitur luna esse extrema, & prima. vnde, quædam facienda à colonis potius crescente luna quam senescente, quædam contrà: vt quæ metas frumenta, & cæduam syluam. Macrobi. lumen lunæ extra proprietatem naturæ suæ humectat corpora, aquāque parit, vbi lumen solis desiccatur, deuoratque: vnde si quis diu sub luna dormierit, ægre excitatur, & fit insano proximus: vnde etiam sylua cædua, aut arbores quæ luna plena, vel luna crescente deiiciuntur (quia tunc humoribus exuperant) inepta sunt fabricæ, quasi ninius emollita per humorum conceptionem, breui etiam tempore carie conficiuntur, terminesque faciunt. ita enim ligni vermes vocantur. Siquidem humidū ipsum suapte natura & facilius, & citius corrumpitur. Contrà, materia cæsa quū decrescens luna, perquam exiguo est lumine, diutius perennat. Nam quod tunc siccior, atque attenuatior est, non tam facile corrumpitur: hoc ipsum etiam in conchyliis, cancrisque, atque in vulneribus capitis manifestè certit. Democrito placet omnia quæ cæduntur, carpuntur, tondentur, innocentius decrescente luna quam crescente fieri. Et agricolis mos est frumenta de loco aëris colligere, non nisi luna deficiente, vt sicca permaneant. Et per oppositum, illa quæ debent humida conseruari, sicut poma, pira, colligi debent luna crescente, vel plena. Nihil itaque decrescente luna, sed augescente, & super terram existente plantare commodum est. Diophanes plantat nihil esse serendum nisi crescente luna putat. Ego ista etiam inquit Agrarius, non solum in ouibus tondendis, sed in meo capillo à patre acceptum feruo, ne decrescente luna tondens caluefiam. Nam ea decrescente capilli torsi caluos faciunt. Si vero capillos non renasci, aut saltem tardius cresce- re voluerimus, sit luna decrescens.

Pluviæ, tempestatumque futurarum signa 21. ex Marone.

MErorum è flumine celer volatus atque clamor. Fulicæ in sicco ludentes, Ardea super nubem euolans. Sydera cadere visa. Albescentes flamarum sub obscura nocte tractus. Paleæ & frondes eleuatoræ volitantes: plumæ in summa aqua colludentes. Ex parte Boreæ, Euri, Zephyriq, tonitrus, Grues in aëre fugā agitātes, vacca in coelū suspiciens & captans naribus auras, hirundo lacus circunuolitans, ranæ in limo

querulæ, formica oua extollens, cœlestis arcus apparitio. Agmen coruorū
è pastu rediens, & alis strepens. Fluuiales aues vndis relictis prata quærere,
se frustra lauare gestientes. Garrula cornix: cornix sola dispatiata harena, ca-
put vndis obiectans & immergens. Ignis in oleo scintillans, & fungi cre-
scentes, pluuias, & tempestates (vt cecinit Maro) imminere præsagiunt.

Tredecim de fulmine portenta.

DVra consumit, non lædit mollia, ferrum intacto foculo liquefacit:
incolumi carne, ossa mollit & consumit. Dolio consumpto vinum
immobile gelatum relinquit: quod reliquatum, bibentem aut fure-
re facit, aut necat: è diuerso vinum afflat illæso dolio. Martia Roma
norum princeps prægnans, partu in vtero fulmine afflato, illæsa remansit.
venenata tacta purgat: vigilans percussum, clausos oculos moriens habet.
dormiens vero percussum apertos. Ex opposito iacens conuertitur. Om-
ne animal ictū fulmine (hoīe excepto) interit. Nō feriūtur fulmine laurus,
vitulus marinus, & aquila. Quercus autem vel arborum maximè ferit.

Grandinis quinque accidentia.

Deorsum per globos ruit vt crystallus. messem enecat, interdum cum
sono & strepitu auditur. Cum pluua cadit, multimodæ existit figuræ, ali-
quando hominum, aliquando ferarum effigiem retinens.

Roris, & pruinæ accidentia.

Ros frumenta collecta putrescere facit, sereno fit tempore, ex rore oues
letalem fluxum concipiunt. Pruina plærunqne fœtet: descendens serenita-
tem, ascendens futurum indicat imbrem.

Cometæ significationes.

Præsignat bonorum sterilitatem, ventorum impetum, bella, principum
letum, & seditiones.

Tu steriles agros, & inania uota coloni,

Siccus & efferuens sœue cometa facis:

Cum crinem ostentas, tunc uentorum impetus urget

Oppida, tu bella sanguinolenta moues.

Principibus letum, tu seditiosa minaris.

Sic uariis mundus ducitur auspiciis.

Cometæ cauſa efficiēs, sol, planetæ, astra: Materia exhalatio calida & sic-
ca, ob id cometa naturæ est igneæ. 4 niuis accidentia.

Nix nimium albet, fortiter visum dispersgens. per flocculos cadit, messem
auget, et semper in altis manet montibus.

Candida nix nimium, tu fundis acumina uisu.

Tu cadis ut floccus, messibus apta uenis.

Hismaron, & Rhodopen, & Caucason, Othryn & Alpes,
Præruptos montes tu sine fine tegis.

Terræ laus.

Terra in mudi sede media cōstituta, rotunda, infima, solida, stabilis, sola elementorū immota, mitissima, rerū omniū fœcūditate prēdicta, vna rerum naturę pars, propter eximia in nos merita matris cognomēto veneratur. Hec enim nascētes nos excipit, natos delitiose alit, semelque editos perpetuo sustinet, nouissimè complexa grēmio, & quasi à reliqua natura abdicatos, tū maximè veluti mater operit. Hec sola nunquā irascitur homini. Aēr dēsatur nubibus, furit procellis, aquę subeunt in imbræ, rigescūt in grādines, cū strepitū decidunt, tumescūt in fluētus, prēcipitat in torrétes, ignis cūcta exiccat, cūcta cōburit. At terra mitis, benigna, indulgēs, ministra hominū, herbarū, florū arborū, stirpiū, frugū, animantiumq; sedes, & parēs, nūquā recusat imperiū. Hec nobis odores, ac sapores prēparat, hēc succos, hēc tactus, hēc colores, hēc bona fide creditū reddit fœnus, hæc nostri cauſſa cūcta alit. Quid Arabū odoramēta recenseā? Quid nata Deo thura? Quid Oriētis aromata, & medicamina numerosa, sine quib⁹ vt nūc est, vix vita cōstiterit? Quid tot, tantorūq; animaliū & mitiū, & ferorum, ac cicurū agmina subiiciā? Culta, incultāq; dulcissima nobis suggerit alimēta, quicqd illi est summa hilaritate nobis cōdonat, & semp homini noua parturit: hēc frugē, vinū, carnē, lignū, lapi dē, marmor, herbā virentē, ferrū, æs, argētū, aurū, cæteraq; metalla in eius visceribus recōdita, margaritas, gēmas preciosas, & quicquid vitæ hoīm, nō modo vtile, ac necessariū, sed etiā decorū, ac iucūdū est, abūdē suppeditat. Illa medicas fundit herbas, & semper homini parturit. Illa serpentem homine percusso (quod omnē excedit admirationis captum) non recipit amplius. Et vt verum fateamur, terra nobis malorum remedium genuit. Plura etiā & largius impertitura, ni principem naturę Deum rebelli animo, atque intestabili nulla non hora conuelleret.

Aquarum uirtutes atque utilitates.

Qua secūdū elemētū ceteris oībus imperare videtur. Quippe si cū A Plinio verū fateri volum⁹, Terras deuorāt aquę, flāmas necāt, scādūt in sublime, & ipsum quoq; sibi vēdicāt cōlū. Quid esse mirabil⁹ potest quā stare in cōlō aquas? At illē nō modo ī tātā altitudinē pueniūt ipse, sed secū pisciū quoq; examina, & lapides rapiūt. Eēdē cadētes oīm terra nascētiū cauſſa fiūt, vt q̄ fruges gignūt, arbores, & plātas educūt iuuāt, fordes detergēt, migrāt in cōlū, vt vitalē aīam deferāt herbis, oēsq; terrę vires aquei humoris fiūt beneficio. Ei⁹ utilitates lōge videntur ignē

præstare, quoniā multa sunt animalia, quæ absq; ignis degāt vſu . Degere autem sine aqua nullum: Quippe si fuerint sine humoris potestate, exanguimatāque, exuētāque à principiorum liquore interarescunt, quin nec plantas ipsas, aut herbas florescere citra aquæ humectationem. Qua ex cauſſa Pindarum rectissimè aiunt dixisse, Optima quidē aqua. Auctor cū Paulo Galenus, vnam esse bonarum & malarum aquarum cognitionem si hyeme quidem calent, frigent verò æstate. Deinde si puræ sunt, nec colore oblæſo, vitiatōve, & si nequaquā mala fuerit hypostasis. Item si leues sint: Quando terræ permixtionem coarguit pondus. Consideratur præterea incaleſcant ne statim, frigescantve, huiusmodi enim præſtare. Præterea, alibi calidæ sunt, alibi frigidæ, alibi tepidæ, & pene omnium morborum generibus auxiliantur: Aliæ sulphuris, aliæ aluminis, aliæ salis, aliæ nitrī, aliæ bituminis, aliæ ferri, aliæ æris, aliæ acidæ sunt, aliæ ſalsæ, & cunctæ hominū tantum cauſſa videntur erupiſſe. Generatim neruis proſunt omnes, aliæ pedibus, aliæ coxendicibus, aliæ luxatis, aliæ fractis, aliæ exinaniant aluos, aliæ sanant vulnera, aliæ capiti, auribūſq; & oculis priuatum medentur, alię sterilitatem mulierum, & virorum infamiam abole-re produntur. Nonnullæ iuuant calculosos, aliquæ prohibent abortum. ſunt quæ tollunt vitiliges, aliæ podagricis proſunt, alię tertianas febres diſcutiunt, alię dentes ſiftunt, alię vnguſtas etiam iumentorum indurant, alię ſubtiliores faciunt ſenſus, alię memoriam afferunt. Alię obliuionem inducunt, aliæ canoras voces faciunt. Sed vt de cæteris taceamus, aquæ Perottę in agro Viterbiensi deduēt, Lethargicos & Hydropicos, & colicos curant. Luxatos ſtatim sanant, ſcabiem, lichenas, vitiliges mira ce-leritate tollunt, cruditati medentur, famem ſublato omni fastidio indu-cunt, fœcunditatem mulieribus afferunt, venerem ſi debilitata fuerit ex-itant, calculatorum vitia diſcutiunt, Lymphaticos ſubdando mox ſa-nant, aptissimè ſtomacho, neruis, vniuerso corpori. Præter hęc ſubiungere licet ex Pythagora duodecim aquarum miracula. Anigrus (qui & Anagrus dicitur) Thessaliæ fluuius post Centaurorum ab Hercule vul-neratorum in eo lotionē, aquas impotabiles ſeruat. Hypanis Scytharum maximus fluuius, in Calliopum finibus amara ſcaturigine infamis red-ditur. Iouis Ammonis fons interdiu friget, & noctibus calet. In Dodone Iouis fons algidus, admotas faces extinetas accendit, & accensas reſtin-guit: Et Athamantis aquæ admota ligna accendunt. Flumen Ciconum in Thracia, res tactas rigescere facit in ſaxa. Chratis, & Sybaris Calabriæ fluuij aureos crines inducunt. Salmacis Carię fons in eum descendantes effeminateſ remittit. Aethiopes lacus, mentis infamiam & intolerabilem soporem.

soporem parturiunt. Colophone Apollinis lacus, animos ad diuinationē, & oracula immutat. Clitorius Arcadię fons semel haustus, vini inducit odium, abstemiōsque, hoc est à temeto abstinentes, bibentes reddit. Lincestis amnis, vt vinum, bibentes temulentos, & debacchantes relinquit. Phenos Arcadię lacus interdiu innoxius, noctu potus morbifer perhibetur.

De Monadis, quaternarii que numeri perfectione, ac potestate.

MEmoriæ proditum est Pythagoram opinatum in numeris maximam esse vim, in eosque referēda omnia, syderum, & animalium productiones. De quibus adnotanda diui August. sententia: Numeri (inquit) ratio contemnenda non est, quæ in multis sanctarū scripturarum locis, quanti estimanda sit elucet diligenter intuētibus. Nā in laudibus Dei dictum est, Omnia in mensura, & numero, & pōdere dispositi. Petit Plato cur sit homo animal sapientissimū. Suppingit mox respōsum, quia (inquit) numerare nouit. Ac vt ab uno exordiamur, quod est in hoc genere primordium. Est enim numerorū princeps, Monas id est unitas, quæ ad Deum refertur, & omne principium esse ac censeri diuinū inter Platonis placita sancitur. Unitatis siquidē natura insita circūferētię téperię, animis virtutē, sanitatē corporibus, domibus, & ciuitatibus pacem, & animorum gignit cōspiratū. Subinde, per Monada essentiā formāmq; res habent, & in quiete, statuque sunt. Monas item perfectum aliquid ponit, & absolutum. Nā quodlibet creatū unū & idem est in sua essentia & perfectione. Quin in Parmenide tantā vni tribuit diuinitatem vt dicat vnas solum esse veras & immortales substantias, ac à materia discretas, veluti Deum angelū quem mētem vocat, & animam. Quid porrò referā de numeri Quaternarij perfectione? Per quē Pythagorei iurabant, quo nihil apud eos videtur esse perfectius. quādoquidē dominus Deus artifex eminētissimus, mūdum ex 4. elemētis primo constituit, quæ sunt terra, aqua, aér, & ignis Ea sunt omniū mixtorū principia cōmunia. Ex quibus 4, prodeūt qualitates primę, scilicet calidum, frigidum, siccū, & humidū. Ex quibus corpora mortaliū cōpacta sunt, quorū defectus vel excessus morbos gignit. Quod docet Celsus in primo, dū ait. Ex 4. principiis vel superans aliquid vel deficiens aduersam valetudinem creat, sanitas verò eorūdē in mediocritate cōsistit. Ex illis, 4 nascūtur humores, videlicet sanguis, pituita, bilis flaua, & bilis atra, suntque propria, & proxima corporis nostri (vt physici pronūciant) elementa. Sanguis in corde, pituita in capite, flaua bilis in iocinore, atra bilis in liene sedem habet.

Ex quibus sanitas, & morbi consistunt. A quibus 4. item suboriuntur temperaturæ simplices, calida tantum, frigida tantum, humida tantum, & sicca tantum. Iterum ex illis simplicibus compositæ 4. elementorum qualitatibus respondentes, Calida & humida, par aëri, & sanguini, calida & sicca, similis igni & cholere, Frigida & humida, similis aquæ, & phlegmati, Frigida & sicca, similis terræ, & melancholiæ. Ex illis quatuor cōsistunt morbi simplices, & totidem ex istis compositi. Item quatuor sunt in toto morbo salutari, particularibꝫque accessionibus tempora, quæ nimirum auxiliis, remediisue adhibendis dicata, scilicet principium, incrementum, vigor & declinatio. Item 4. sunt facultates, seu vires naturales ex quibus plantæ & animalia gubernantur, Nempe attractrix, retentrix, cōcoctrix, & expultrix. Prima alimentum quod vtile est ad se trahit, altera illud retinet. Tertia alterat, 4. excrementa secernit, expellitque. Quatuor concoctiones (quorundam sententia) diuersis locis corporis fiunt, prima in vetriculo, secunda in mesaraicis venis & caua hepatis parte, tertia in gibba hepatis ac venis hinc deinceps ortis, quarta in extremis corporis terminis, in quibus etiam fit quedam appositio, deinde agglutinatio, ac tādem assimilatio. 4 sunt harum concoctionum excrementorum species, primæ sunt alui fæces, quæ per inferiora secedunt, secundæ vero sunt humores à sanguine secreti, vt pote bilis, & melâcholicus humor. tertie sunt serosa sanguinis superflua, quæ vrinæ appellatur. In quarta & vltima superfluū tam ea quæ latenter et perspiratione abeunt quum subtilia sint, quām quæ veluti efflorescūt cum ad cutem promouentur. Ad coctionem quamlibet 4. cōcurrunt causæ, vt philosophorum præcepta tradūt, Nempe agētis legitima virtus, Patientis susceptiua dispositio, vtriusque opportuna propinquitas, & mora, seu temporis spaciū ad ipsam actionem perfekte obeundam. 4 sunt præcipua membra, Cor, hepar, cerebrū, & testes, quorum tria prima sunt ad indiuidui cōseruationē necessaria, Et quartum ad speciei perpetuitatē facit. 4. hominis ætates numerātur, Pueritia, pubertas, cōsistendi tēpus, & senectus. Quadrifariā Aegyptij totum corpus dividunt, in caput, manus, thoracē & crura. Subinde, annus solaris 4. distinguitur tēporibus, quibus Sol per diuersa cœli spacia discurrens temperat orbem, Ver, æstas, Autumnus & hyems. De quibus Ouidius primo de remedio amo. sic cecinit,

Poma dat Autumnus, forma est meſibꝫ æstas,
ver præbet flores, igne leuat̄ hyems.

Quatuor itidē anni mutationes sunt, equinoctium vernū, æquinoctium Autūn, iSolsticiū, Bruma: quādo Sol (Astrologorū opinione) principium arietis,

arietis, Libre, Cácri, Capricorni ingreditur. Generalis ergo téporis permutatio præcipue à Sole fit. Cuius appropinquatio calefacit, mora vero vicinitatis desiccat, remotio infrigidat. Sed mora remotionis humectat. secundū eius approximationem, elōgationem, vel mediocrē quoad nos cōsistentiā, 4. distingūtur prædicta anni tépora. Itē terra in medio mūdi existēs secundū cœli motū in 4. regiones sicuti cœlū ipsum diuiditur, scilicet Ortū, Occasum, Septētrionē, & meridiē. De quibus fertur hoc distichon, *Ortus, & occasus Phœbi, septēmque triones,*

Et uia quæ medium cernit adusta diem.

A quibus 4. venti cardinales, siue primarij spirant, Eurus ab oriente, Zephyrus ab occidente, boreas à septētrione, austēr à meridie flat. 4. item distingūtur à philosophis lunaris mēsis etates, prima, calida & humida: 2. calida & sicca. 3. frigida & sicca: 4. frigida & humida esse fertur. Præterea, ex Aristotele quadruplex est cauſsa, efficiens, Materialis, formalis, & finalis. 4. sunt Geometriæ principia, pūctus, linea, superficies, corpus. 4. sunt quę querimus & totidē quę inuenta scimus, Si est: Quid est, Quia est, & propter quid est. 4. numerātur sciētiæ Mathematicæ, Arithmeticæ, Geometriæ, Musica, & Astronomia. 4. sunt mūdi cardines in genituris (vt docet Firmicus matern⁹,) mediū cœli, iūm cœli, ortus horoscopi, & occasus. 4. in eligēdo marito spe&tari solēt, virtus, genus, pulchritudo, sapiētia. 4. itē in eligēda vxore, Nēpe pulchritudo, genus, diuitiæ, mores. 4. Paterfamilias in Martialis disticho comprehensa postulat,
Sit mihi uerna satur, sit non doctissima coniunx,

Sit nox cum sopno, sit sine lite dies.

Quatuor modis stultitia dignoscitur, aut cū nō venerit in mentem quod oportet, aut si venerit nō temere, aut bonū cōfiliū nō admittere, aut malū admittere. Hinc Hesiodus ecōuerso, Optim⁹ ille quidē qui p̄ se omnia noscēs Preceptor suus ipse sibi meliora peregit. Rursus & ille bonus monitus qui recta sequatur. Qui nō ipse sapit, neq; credit recta monēti, Hic nullā in partē vtilis est. 4. felicitatem afferūt, filiorū multitudo, diuitiarū affluētia, dominatio patriæ, & sanitas. 4. Collegā respuunt, dominatus in vrbe, cōiugis amplexus, quēstus in acquisitione, & famelicus. 4. sunt hominū genera, quibus inuitis cōfertur beneficium, Debitor cū liberatur à debito, puer cū verberatur pro delicto, Lethargicus cū excitatur à sopno. phreniticus cū ligatur mēbro. 4. in vrina præcipue spectari solent, Nēpe color, substātia, quātitas, atq; cōtentia, seu hypostasis. 4. medico cōgruunt, morbi cauſam diligēter perquirere, Sēpe cōgrotum visitare, medicamenta vt cōgruit exhibere, & cōgrotū instanter cōfortare. 4. perpetuō ægrotum seruare

seruare expedit, vt medico obediatur: in necessariis largiter expendat, fiduciam gerat medico, & vt se confortet in ocio. Quatuor doctori congruunt, nempe dicenda praeuidere, cui dicat prospicere, quando dicat animaduertere, & dicta sua ordinate proferre. 4 in summo Imperatore seu duce necessaria: Rei militaris sciētia, autoritas, felicitas, virtus. Vnde Diotimus inquit, Tria Regi oportet esse, religionem, iudicium, & exercitum. Primum ad se probandum, secundum ad suos continendos. Tertiū ad hostes propulsandos. 4 sunt virtutes cardinales, quibus homo humanae felicitatis gloriam potest assequi, Prudentia: magnanimitas, Continentia, iustitia. 4 corporis gloriosi dotes, Agilitas, claritas, subtilitas, impassibilitas siue immortalitas. Quid porro amplius de numero referemus quaternario? Potestas eius ut sit miranda, illud potissimum facit, quod consensu tacito gentes fere omnes præcipuum Dei nomen 4. modo literis enunciant, que res citra diuiniorem afflatum non videtur potuisse contingere. Nam quem nos Deum vocamus, Aegyptij Theut. Persæ dicunt Syre. Magorum disciplina Orsi. Iam apud Hebreorum gentem celebre est 4. vocalium Dei sacrum nomen, quod inde tetragrammaton dicunt, & alia voce exprimitur, que Adonai est, que apud eos tamen Adni scribitur: significat autem dominum nostrum, Græcis vero Θεός appellatur. Arabibus Alla. Iesu autem salutare gentibus nomen ab angelo accepimus. Porro τετράς, i. quaternarius omnis sacer est, ac solidus. Nam que consistunt, omnia ex punto producta primum sunt, siquidem punctum fluens lineam facit, linea superficiem, superficies solidum: quare perfecta habetur τετράς, & que colatur digna.

FINIS.